

中國方志叢書·華中地方·第九二號

據

黃佩蘭等纂
民國十三年刊本

影印


安徽省

渦陽風土記

(二)

成文出版社有限公司印行

60/1875



10094181

中華民國五十九年 月壹一版

渦陽風土記

全二冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

渦陽縣志卷十二

渦陽縣知事葉縣黃佩蘭撰

志人物職闡幽若惟是炫人聽睹者球在序珠沈淵矣其
或窮大而失其居作者之志荒讀者之興索以之示後不
其慎乎渦志晚出於先哲之已經著錄者蓋審慎而約取
之是編所載往往剔蘚洗垢旁搜類測求之意中時竟有
獲之意外者比年一再溯洄渦肥之菁臆不止斯乃適稅
於斯矣作人物傳

人物傳上

周

蹇叔

蹇叔宋之銓人秦伯得百里奚欲任以政奚讓曰臣不如臣友蹇叔賢而世莫知隱居於銓臣固深知其賢也秦伯具厚幣迎之以爲上大夫與奚同心輔政用基霸王之業

漢

徐防

徐防字謁卿沛國銓人祖父宣爲講學大夫以易數授王莽父憲亦傳宣業防少習父祖學永平中舉孝廉除爲郎防體貌矜嚴占對可觀顯宗異之特補尙書郎職典樞機周密畏懼奉事二帝未常有過和帝時稍遷司隸校尉出

爲魏郡太守永元十年遷少府大司農勤曉政事所在有
 跡十四年拜司空防以五經久遠聖意難明宜爲章句以
 悟後學上疏曰且聞詩書禮樂定自孔子發明章句始於
 子夏其後諸家分析各有異說漢承亂秦經典廢絕故立
 博士十有四家漢官儀曰光武中興恢弘稽古易有施孟
 梁丘賀京房書有歐陽和伯夏侯勝建詩
 有申公轅固韓嬰春秋有嚴彭祖顏安樂禮有戴德戴聖
 凡十四博士太常差選有聰明威重一人爲祭酒總領綱
 紀甲乙之科以勉勸學者所以示人好惡改敝就善者也
 伏見大學試博士弟子皆以意說不修家法私相容隱開
 生姦路每有策試輒興諍訟論議紛錯互相是非孔子稱
 述而不作又曰吾猶及史之闕文疾史有所不知而不肯

闕也今不依章句妄生穿鑿以遵師爲非義意說爲得理
輕侮道術寢以成俗誠非詔書實選本意改薄從忠三世
同常道專精務本儒學所先臣以爲博士及甲乙策試宜
從其家章句開五十難以試之解釋多者爲上第引文明
者爲高說若不依先師義有相代皆正以爲非五經各取
上第六人論語不宜射策雖所失或久差可矯正詔書下
公卿皆從防言十六年拜爲司徒延平元年遷太尉與太
傅張禹參錄尙書事數受賞賜甚見優寵安帝卽位以定
策封龍鄉侯

韓伯俞

韓伯俞縣之伯俞村人事親至孝有過其母笞之泣母曰他日笞子未嘗泣今泣何也對曰俞得罪笞嘗痛今母之力不能使痛是以泣也魏陳思王植靈芝篇曰伯俞年七十綵衣以娛親慈母笞不痛獻歔涕沾巾隋書循吏傳梁顏先爲相州刺史有滏陽人焦通性酗酒事親闕禮爲從弟所訟彥先弗之罪將之學令觀於孔子廟於時有韓伯俞母杖不痛哀母力弱對母涕泣之像通遂卒爲善士宋節士林同子真咏韓伯俞云母力今衰矣悲涕得杖輕風流在繪像猶足感焦生伯俞身後其至性感人猶如此惟瑜作瑜則傳寫之異耳

魏

丁儀

弟廙

丁儀字正禮沛郡人也父冲宿與太祖親善時隨乘輿見國家未定乃與太祖書曰足下平生常唱然有匡佐之志今其時矣是時張楊適還河內太祖得其書乃引軍迎天子東詣許以冲爲司隸校尉後數來過諸將飲酒美不能止醉爛腸死太祖以冲前見開導常德之間儀爲令士雖未見欲以愛女妻之以問五官將對曰女人觀貌而正禮目不便誠恐愛女未必悅也以爲不如與伏波子楸太祖從之尋辟儀爲掾到與論議嘉其才朗曰丁掾好士也卽

使其兩目盲尙當與女何況但眇是吾兒誤我時儀亦恨
不得尙公主而與臨菑侯親善數稱其竒才嘗應教作周
成漢昭論曰成王昭帝俱以襁褓之幼托於冢宰流言纒
與此其險難相似者也夫以發金籐然後垂泣計日方便
覺詐書明之遲速既有差矣且叔父兄子非相嫌之處異
避君臣非相信之地霍光懼人謗而不繼周公賴天變而
得知推此數者齊本而論未計重而况輕漢昭之優周成
其明者也成王秀而獲實其美在終昭帝苗而未秀其得
在始必不得已與夫始者太祖既有意欲立植而儀又共
贊之及太子立欲罪儀轉儀爲右刺姦掾欲儀自裁而儀

不能乃對中領軍夏侯尚叩頭求哀尚爲涕泣而不能救
後遂因職事收付獄殺之廙字敬禮儀之弟也文士傳曰
廙少有才姿博學洽聞初辟公府建安中爲黃門侍郎廙
常從容謂太祖曰臨菑侯天性仁孝發於自然而聰明智
達其殆庶幾至於博學淵識文章絕倫當今天下之賢才
君子不問少長皆願從其游而爲之死實天之所以鍾福
於大魏而永授無窮之祚也欲以勸動太祖太祖答曰植
吾愛之安能若卿言吾欲立之爲嗣何如廙曰此國家之
所以興衰天下之所以存亡非愚劣瑣賤者所敢與及廙
聞知臣莫若於君知子莫如於父至於君不論明闇父不

問賢愚而能常知其臣子者何蓋由相知非一事一物相盡非一旦一夕况明公加之以聖哲習之以人子今發明建之命吐永安之言可謂上應天命下合人心得之於須臾垂之於萬世者也廋不避斧鉞之誅敢不盡言太祖深納之

丁謚

丁謚字彥靖父斐字文侯初斐隨太祖太祖以斐鄉里特饒愛之斐性好貨數請求犯法輒得原宥爲典軍校尉總攝內外每所陳說多見從之建安末從太祖征吳斐隨行自以家牛羸困乃私易官牛爲人所白被收送獄奪官其

後太祖問斐曰文侯印綬所在斐亦知見戲對曰以易餅耳太祖笑顧謂左右曰東曹毛掾數白此家欲令我重治我非不知此人不清良有以也我之有斐譬如人家有盜狗而善捕鼠盜雖有小損而完我囊貯遂復斐官聽用如初後數歲病亡謚少不肯交游但博觀書傳爲人沈毅頗有才畧太和中常住鄴借人空屋居其中而諸王亦欲借之不知謚已得直開門入謚望見王交脚卧而不起而呼其奴客曰此何等人促呵使去王怒其無禮還具上言明帝收謚繫鄴獄以其功臣子原出後帝聞其有父風召拜度支郎中曹爽宿與相親時爽爲武衛將軍數爲帝稱其

可大用會帝崩爽輔政乃援謚爲散騎常侍遂轉尙書謚
爲人外似疎畧而內多忌其在臺閣有所彈駁臺中患之
事不得行又其意輕貴多所忽畧雖與何晏鄧颺等同位
而皆少之唯以勢屈於爽爽亦敬之言無不從故于時謗
書謂臺中有三狗二狗崖柴不可當一狗慙默作疽囊三
狗謂何鄧丁也默者爽小字也其意言三狗皆欲嚙人而
謚尤甚也奏使郭太后出居別宮及遣樂安王使北詣鄴
又遣文欽令還淮南皆謚之計司馬宣王由是特深恨之
論曰丁謚何晏鄧颺致身曹氏司馬家兒之攀龍鱗附鳳
翼者黨邪醜正播爲謗書魏志載其詞而不復論其世則

甚矣史氏之疏也夫即以狗論丁謚三人亦晉靈之獒而
不受趙盾之噬者也竊人之國而必使一時材俊皆崩角
於新王之馬前斬季布而封丁公興朝之社稷將誰與守
赤縣神州不再傳而淪於夷狄固其宜耳詖遁之辭於公
義之不可奪者往往誣及私德近世有著書以申范者雪
蔚宗也一家之言一時之是非其不足論定天下士也久
矣

嵇康

嵇康字叔夜父昭字子遠督軍糧治書侍御史兄喜字公
穆晉揚州刺史宗正喜爲康傳曰家世儒學少有雋才曠

邁不羣高亮任性不修名譽寬簡有大量學不師授博洽
多聞長而好老莊之業恬靜無欲性好服食常採御上藥
善屬文彈琴咏詩自足於懷抱之中以爲神仙者稟之自
然非積學所致至於導養得理以盡性命若安期彭祖之
倫可以善求而得也著養生篇知自厚者所以喪其所生
其求益者必失其性超然獨達遂放世事縱意於塵埃之
表撰錄上古以來聖賢隱逸遁心遺名者集爲傳贊自混
漚至於管甯凡百一十有九人蓋求之於宇宙之內而發
之乎千載之外者矣故世人莫得而名焉虞預晉書康家
本姓奚會稽人遷于譙之鉅縣改爲嵇氏取稽字之上山

以爲姓蓋以志其本也一日銓有嵇山家於其側遂氏焉
魏氏春秋曰康厲居河內之山陽縣與之游者未嘗見其
喜愠之色與陳留阮籍河內山濤河南向秀籍兄子咸琅
邪王戎沛人劉伶相與友善遊於竹林號爲七賢鍾會爲
大將軍所昵聞康名而造之會名公子以才能貴幸乘肥
衣輕寶從如雲康方箕踞而鍛會至不爲之禮康問會曰
何所聞而來何所見而去會曰有所聞而來有所見而去
會深銜之大將軍嘗欲辟康康既有絕世之言又從子不
善避之河東或云避世及山濤爲選曹郎舉康自代康答
書拒絕因自說不堪流俗而非薄湯武大將軍聞而怒焉

初康與東平呂昭子巽及巽弟安親善會巽滯安妻徐氏而誣安不孝囚之安引康爲證康義不負心保明其事安亦至烈有濟世志力鍾會勸大將軍因此除之遂殺安及康康臨刑自若援琴而鼓既而歎曰雅音於是絕矣時人莫不哀之初康採藥於汲郡共北山中見隱者孫登康欲與之言登默然不對踰時將去康曰先生竟無言乎登乃曰子才多識寡難乎免於今之世及遭呂安事爲詩自責曰欲寡其過謗議沸騰性不傷物類致怨憎昔慚柳下今愧孫登內負宿心外赧良朋康所著諸文論六七萬言皆爲世所玩詠世語曰母丘儉反康有力且欲起兵應之以

問山濤濤曰不可儉亦已敗案本傳云康以景元中坐事
誅而干寶孫盛習鑿齒諸書皆云正元二年司馬文王反
自樂嘉殺嵇康呂安蓋錄世語云康欲起兵應母丘儉故
謂破儉便應殺康也其實不然山濤爲選官欲舉康自代
康書告絕事之明審者也案山濤行狀濤始以景元二年
除吏部郎耳景元與正元相較七八年以濤行狀檢之如
本傳爲審又鍾會傳亦云會作司隸校尉時誅康會作司
隸景元中也干寶云呂安兄巽善於鍾會巽爲相國掾俱
有寵於司馬文王故遂抵安罪尋文王以景元四年鍾鄧
平蜀後始授相國位若巽爲相國掾時陷安焉得以破母

丘儉年殺嵇呂此又干寶之疏謬自相違伐也子紹

稽紹字延祖魏中散大夫康之子也十歲而孤事母孝謹以父得罪靖居私門山濤領選啟武帝曰康誥有言父子罪不相及稽紹賢侔郤缺宜加旌命請爲秘書郎帝謂濤曰如卿所言乃堪爲丞何但郎也乃發詔徵之起家爲秘書丞紹始入洛或謂王戎曰昨於稠人中始見稽紹昂昂然如野鶴之在雞羣戎曰君復未見其父耳累遷汝陰太守尙書左僕射裴頠亦深器之每日使延祖爲吏部尙書可使天下無復遺才矣沛國戴晞少有才智與紹從子舍相友善時人許以遠致紹以爲必不成器晞後爲司州主

簿以無行被斥州黨稱紹有知人之明轉豫章內史以母
憂不之官服闋拜徐州刺史時石崇爲都督性雖驕暴而
紹將之以道崇甚親敬之後以長子喪去職元康初爲給
事黃門侍郎時侍中賈謐以外戚之寵年少居位潘岳杜
斌等皆附託焉謐求交於紹紹拒而不答及謐誅紹時在
省以不阿比凶族封弋陽子遷散騎常侍領國子博士太
尉廣陵公陳準薨太常奏謐紹駁曰謐號所以垂之不朽
大行受大名細行受細名文武顯於功德靈厲表於閭蔽
自頃禮官協情謐不依本準謐爲過宜謐爲繆事下太常
時雖不從朝廷憚焉趙王倫篡位署爲侍中惠帝復祚遂

居其職司空張華爲倫所誅議者追理其事欲復其爵紹
又駁之曰臣之事君當除煩去惑華歷位內外雖麤有善
事然闔棺之責著于遠近兆禍始亂華實爲之故鄭討幽
公之亂斲子家之棺魯戮隱罪終篇貶翬未忍重戮事已
弘矣謂不宜復其爵位理其無罪時帝初反正紹又上疏
曰臣聞改前轍者則車不傾革往弊者則政不爽太一統
於元首百司役於多士故周文興於上成康穆於下也存
不忘亡易之善義願陛下無忘金墉大司馬無忘穎上大
將軍無忘黃橋則禍亂之萌無由而兆矣齊王罔旣輔政
大興第舍驕奢滋其緒以書諫曰夏禹以卑室稱美唐虞

以茅茨顯德豐屋部家無益危亡竊承毀敗太樂以廣第
舍興造功力爲三王立宅此豈今日之先急哉今大事始
定萬姓顛顛咸待覆潤宜省起造之煩深思謙損之理復
主之勲不可棄矣矢石之殆不可忘也罔雖謙順以報之
而卒不能用紹嘗詣罔諮事遇罔讌會召董艾葛旗等共
論時政艾言於罔曰嵇侍中善於絲竹公可令操之左右
進琴紹推不受罔曰今日爲權卿何吝此耶紹對曰公匡
復社稷當軌物作則垂之於後紹雖虛鄙忝備常伯腰綬
冠冕鳴玉殿省豈可操執絲竹以爲伶人之事若釋公服
從私晏所不敢辭也罔大慚艾等不自得而退項之以公

事免罔以爲左司馬旬日罔被誅初兵交紹奔散赴宮有持弩在東閣下者將射之遇有殿中將兵蕭隆見紹姿容長者疑非凡人趨前拔箭於此得免遂還滎陽舊宅尋徵爲御史中丞未拜復爲侍中河間王顥成都王穎舉兵向京都以討長沙王乂大駕次于東城乂宣言於衆曰今西討欲誰爲都督乎六軍之士皆曰願稽侍中戮力前驅死猶生也遂拜紹使執節平西將軍屬乂被執紹爲侍中公王以下皆詣鄴謝罪於穎紹等咸見廢黜免爲庶人尋而朝廷復有北征之役徵紹復其爵位紹以天子蒙塵承詔馳詣行在所值王師敗績於蕩陰百官及侍衛莫不散潰

唯紹儼然端冕以身捍衛兵交御輦飛箭雨集紹遂被害
於帝側血濺御服天子深哀歎之及事定左右欲浣衣帝
曰此嵇侍中血勿去初紹之行也侍中秦準謂曰今向難
卿有佳馬否紹正色曰大駕親征以正伐逆理必有征無
戰若使皇輿失守臣節有在俊馬何爲聞者莫不歎息元
帝卽位贈太尉諡忠穆

嵇含字君道祖喜徐州刺史父蕃大子舍人含好學能屬
文家在鞏縣亳丘自號亳丘子門曰歸厚之門室曰慎終
之室楚王瑋辟爲掾瑋誅坐免舉秀才除郎中時弘農王
粹以貴公子尙主館宇甚盛圖莊周於室廣集朝士使含

爲之讚含接筆爲弔文文不加點其序曰帝婿王弘遠華
池豐屋廣延賢彥圖莊生垂綸之象記先達辭聘之事畫
真人於刻桷之室載退士於進趣之堂可謂託非其所可
弔不可讚也其辭曰邁矣莊周天縱特放大塊授其生自
然資其量器虛神清窮玄極曠人僞俗季真風旣散野無
訟屈之聲朝有爭寵之歎上下相陵長幼失貫於是借玄
虛以助濁引道德以自獎戶詠恬曠之辭家畫老莊之象
今王生沉淪名利身尙帝女連耀三光有出無處池非巖
石之溜宅非茅茨之宇馳屈產於皇衢畫茲象其焉取嗟
乎先生高跡何局生處巖岫之居死寄雕楹之屋託非其

所沒有餘辱悼大道之湮晦遂含悲而吐曲粹有愧色齊王罔辟爲征西參軍襲爵武昌鄉侯懷帝爲撫軍將軍以含爲從事中郎及蕩陰之敗含走歸滎陽永興初除太子中庶子西道阻闕未得應召范陽王虓爲征南將軍屯許昌復以含爲從事中郎尋授振威將軍襄城太守虓爲劉喬所破含奔鎮南將軍劉弘於襄陽弘待以上賓之禮含性通敏好薦達賢才常欲崇趙武之謚加臧文之罪屬陳敏作亂江揚震蕩南越險遠而廣州刺史王毅病卒弘表含爲平越中郎將廣州刺史假節未發會弘卒時或欲留含領荊州含性剛躁素與弘司馬郭勸有隙勸疑含將爲

已害夜掩殺之時年四十四懷帝即位謚曰憲

論曰魏晉老莊風靡一時若嵇康者殆所謂升老莊之堂而躋其闕者也論養生非湯武貴己以存天下視天下可一無所爲充之可無一不爲曠然自足視人世紛紛者若浮雲之往來太虛而無所與累心本無競人何所競而必欲殺之也莊生曰名者實之賓也語曰生吾名者殺吾身史稱康任俠好奇而文辭壯麗孫登所謂才多識寡難乎免於今之世者殆謂是哉康魏戚畹而戕於司馬氏之勳臣傳附晉書非其志也茲釐正之

晉

戴逵

戴逵字安道譙國人也少博學好談論善屬文能鼓琴工書畫其餘巧藝靡不畢綜總角時以雞卵汁溲白瓦屑作鄭玄碑又爲文而自鐫之詞麗器妙時人莫不驚歎性不樂當世常以琴書自娛師事術士范宣於豫章宣異之以兄女妻焉太宰武陵王晞聞其善鼓琴使人召之逵對使者破琴曰戴安道不爲王門伶人逵後徙居會稽之剡縣性高潔常以禮度自處深以放逵爲非道乃著論曰夫親沒而採藥不反者不仁之子也君危而屢出近關者苟免之臣也而古之人未始以被害名教之體者何逵其旨故

也達其旨故不惑其迹若元康之人可謂好遯跡而不求其本故有捐本徇末之弊舍質逐聲之行是猶美西施而學其顰眉慕有道而折其巾角所以爲慕者非其所以爲美徒貴貌似而已矣夫紫之亂朱以其似朱也故鄉原似中和所以亂德放達似惠連所以亂道然竹林之爲放有疾而爲顰者也元康之爲放無德而折巾者也可無察乎且儒家尙譽者本以興賢也既失其本則有色取之行懷情喪真以容貌相欺其弊必至於末僞道家去名者欲以篤實也苟失其本又有越檢之行情禮俱虧則仰詠兼忘其弊必至於本薄夫僞薄者非二本之失而爲弊者必託

二本以自通夫道有常經而弊無常情是以六經有失二
政有弊苟乖其本固聖賢所無奈何也嗟夫行道之人自
非性足體備闇蹈而當者亦曷能不棲情古烈擬規前修
苟迷擬之然後動議之然後言固當先辨其趣舍之極求
其用心之本識其枉尺直尋之旨採其被褐懷玉之由若
斯塗雖殊而其歸可觀也跡雖亂而其絜不乖也不然則
流遯忘反爲風波之行自驅以物自誑以僞外眩囂華內
喪道實以矜尙掩其真主以塵垢翳其天正貽笑千載可
不慎歟孝武帝時以散騎常侍國子博士累徵辭父疾不
就郡縣敦逼不已乃逃于吳吳國內史王珣有別館在武

丘山逵潛詣之與珣遊處積旬會稽內史謝玄慮逵遠遜
不反乃上疏曰伏見譙國戴逵希心俗表不嬰世務棲遲
衡門與琴書爲友雖策命屢加幽操不回超然絕跡自求
其志且年垂耳順常抱羸疾時或失適轉至委篤今王命
未回將離風霜之患陛下旣已愛而器之亦宜使其身名
並存請絕其召命疏奏帝許之逵復還剡後王珣爲尙書
僕射上書復請徵爲國子祭酒加散騎常侍徵之復不至
太元二十年皇太子始出東宮太子太傅會稽王道子少
傅王雅詹事王珣又上疏逵執操貞厲含味獨游年在耆
老清風彌劭東宮虛德式延事外宜加旌命以參僚侍逵

既重幽居之操必以難進爲美宜下所在備禮發遣會病卒長子勃有父風義熙初以散騎侍郎徵不起尋卒

丁紹

丁紹字叔倫譙國人也少開朗公正早歷清官爲廣平太守政本訟理道化大行于時河北騷擾靡有完邑而廣平一郡四境乂安是以皆悅其法而從其令及臨漳被圍南陽王模窘急紹率郡兵赴之模賴以獲全模感紹恩爲立碑遷徐州刺史士庶戀慕攀附如歸未之官復轉荊州刺史從軍千乘南渡河至許時南陽王模爲都督留紹啟轉爲冀州刺史到鎮率州兵討破汲桑有功加甯北將軍假

節監冀州諸軍事時境內羯賊爲患紹捕而誅之號爲嚴肅河北人畏而愛之紹自以爲才足爲物雄當官蒞政每事尅舉視天下之事若運於掌握遂慨然有董正四海之志矣是時王浚盛於幽州荀晞盛於青州然紹視二人蔑如也永嘉三年暴疾而卒臨終歎曰此乃天亡冀州豈吾命哉懷帝策贈車騎將軍

丁穆

丁穆字彥遠譙國人也積功勞封真定侯累遷爲順陽太守太元四年除振武將軍梁州刺史受詔未發會苻堅遣衆寇順陽穆戰敗被執至長安稱疾不仕僞朝堅又傾國

南寇穆與關中人士唱義謀襲長安事泄遇害臨死作表以付其妻周其後周得至京師詣闕上之孝武帝下詔曰故順陽太守真定侯丁穆力屈身陷而誠節彌固直亮壯勁義貫古烈其喪柩始反言尋傷悼可贈龍驤將軍雍州刺史賻賜一依周虓故事爲立屋宅并給其妻衣食以終厥身

唐

朱粲

朱粲者亳州城父人也初爲縣佐史大業末從軍討長白山賊遂聚結爲羣盜號可達寒賊自稱迦樓羅王衆至十

餘萬引軍渡淮屠竟陵沔陽後轉掠山南郡縣不能守所至
殺戮噍類無遺義甯中招慰使馬元規擊破之俄而收輯
餘衆兵又大盛僭稱楚帝於冠軍建元爲昌達攻陷鄧州
有衆二十萬衆所尅州縣皆發其藏粟以充食遷徙無常
去輒焚餘貲毀城郭又不務稼穡以劫掠爲業於是百姓
大餒死者如積人多相食軍中罄竭無所虜掠乃取嬰兒
蒸而噉之因令軍士曰食之美者甯過於人肉乎但令他
國有人我何所慮卽勒所部有畧得婦人小兒皆烹之分
給軍士乃禡諸城堡取小弱男女以益兵糧隋著作佐郎
陸從典通事舍人顏愍楚因譴左遷並在南陽衆悉引之

爲賓客後遭饑餒合家爲賊所噉又諸城懼稅皆相攜逃散顯州首領楊士林田瓚率兵以背粲諸州響應相聚而攻之大戰于淮源粲敗以數千兵奔于菊潭縣遣使請降高祖令假散騎常侍段確迎勞之確因醉侮粲曰聞卿噉人作何滋味粲曰若噉嗜酒之人正似糟蒸猪肉確怒慢罵曰狂賊入朝後一頭奴耳更得噉人乎粲懼於坐收確及從者數十人悉饗之以饗左右奔于王世充拜爲龍驤大將軍東都平獲之斬于洛水之上士庶嫉其殘忍競投瓦礫以擊其屍須臾封之若冢

論曰朱粲戕同類而噉其肉卒糜厥軀以彰穢於史冊後

之踵其覆者至不可以數計鴟獍之行何如是其悖且多
哉老聃無所歸獄至呼天以鳴其懟亦無聊之極思耳顧
彼然於天地之間獨靈而貴之曰人豈不有才侔天地即
兩大且嘉賴焉乃竟塊然供若輩之宰割終無術自拔以
卵育其子孫芻狗自儕天地庸職其咎乎然則所謂人者
蓋如斯其貴耶信乎其靈耶

宋

曹穎叔

曹穎叔字秀之亳州譙人初名熙嘗夢之官府見穎叔名
遂更名穎叔進士及第歷威勝軍判官滑州軍事推官御

史中丞蔡齊薦爲臺主簿改大理寺丞韓億知亳州辟僉
書節度判官事通判儀州韓琦文彥博薦其才徙夔州路
轉運判官夔峽尙淫祠人有疾不事醫而專事神穎叔悉
禁絕之乃教以醫藥提點陝西路刑獄夏人納欵詔與戶
部副使夏安期轉運使柳灝減戍卒吏員之冗者爲開封
府判官時御史宋禧鞠衛士獄于內侍省禧不能辨及獄
具內侍使禧自爲牒穎叔言禧爲制使辱命請寘之法元
昊死爲夏國祭奠使除直史館知鳳翔府徙益州路轉運
使權度支副使儂智高寇嶺南朝議以閩中久弛兵備擢
天章閣待制知福州累遷右司郎中爲陝西都轉運使自

慶曆鑄大鐵錢行陝西民盜鑄不已三司上權鐵之議
錢叔曰鐵錢輕而貨重不可久行况官自權鐵乎請罷鑄諸
郡鐵錢以三鐵錢當銅錢之一從之兩川和買絹給陝西
兵而蜀人苦於煩歛穎叔爲歲出本路絹錢五十萬以易
軍衣之餘者兩川之民始無擾焉進龍圖閣直學士知永
興軍然年老漸昏耄事頗壅積人或嘲誚之卒於官

閣日新

閻日新宿州臨渙人少爲本州牙職補三司使役吏淳化
中選隸壽王府主邸中記簿真宗卽位擢爲供奉官提點
雄霸靜戎軍權場咸平元年遷內殿崇班永興軍駐泊都

監徙劍門關兼知劍門縣就加供備庫副使慶州都監景德初命管句邠寧環州駐泊兵馬時部署張凝屢入邊界焚族帳日新皆提兵應援俄知涇州未幾移慶州上言野溪三門等族恃嶮隘桀黠難制請開古川道東至樂業鎮西出府城從之就轉供備庫使知環州兼邠寧環慶路鈐轄緣邊都巡檢使安撫都監俄換涇原儀渭路二年遷如京使領萬州刺史上朝陵東封皆命爲行宮使大中祥符初改文思使日新起胥史好云爲以進取嘗上言羣臣子弟以蔭得官往往未童亂以受奉望自今年二十以上乃給廩又京城百官早朝而學士丞郎舍人以上導從呵止

太盛難於趨避望令裁減又屢請對多所建白且自陳筋力尙壯願正授刺郡守邊城以効用俄真拜坊州刺史知渭州兼涇原路駐泊鈐轄將祀汾陰故知同州事儼信頓卽日新所部車駕至迎謁獻方物勞問久之遂從祀睢上賜以襲衣金帶還過新市鎮又設綵樓樂伎以迎駕明年徙知徐州代還以足疾改又領軍衛大將軍昭州團練使知單州疾益甚許還京師天禧初卒年六十八

金

武禎 子亢

武禎宿州臨渙人祖官太史靖康後業農復畫界屬金禎

深數學貞祐間行樞密院僕散安貞聞其名召至徐州以上客禮之每出師必咨焉其占如響正大初徵至汴京待詔東華門其友王鉉問禎曰朝廷若問國祚修短子何以對禎曰當以實告之但更言周過其麻秦不及期亦在修德爾時久旱祈禱不應朝廷爲憂禎忽謂鉉曰足下今日早歸恐爲雨阻鉉曰萬里無雲赤日如此安得有雨禎笑曰若是則天不誠也天何嘗不誠旣而東南有雲氣須臾蔽天平地雨注二尺衆皆驚嘆尋除司天臺管句子亢寡言笑不妄交嘗與一學生終日相對握籌布畫目炯炯若有所營見者莫測也哀宗至蔡州右丞完顏仲德薦其術

召至屏人與語大悅除司天長行賞賚甚厚上書曰比者有星變於周楚之分彗星起于大角西掃軫之左軸蓋除舊布新之象又言鄭楚周三分野當赤地千里兵凶大起王者不可居也又曰蔡城有兵喪之兆楚有亡國之徵三軍苦戰於西垣前後有日矣城壁頽頽內無見糧外無應兵君臣數盡之年也聞者悚然奪氣哀宗惟嗟嘆良久不以爲罪性頗倨傲朝士以此非之天興二年九月蔡州被圍亢奏曰十二月三日必攻城及期果然哀宗問曰解圍當在何日對曰明年正月十三日城下無一人一騎矣帝不知其由乃喜圍解有期目但密計糧草使可給至其日

不闕者明年甲午正月十日蔡州破十二日大元兵退是日亢赴水死云

元

張德

子思敬

張德字惠卿縣之道任里人子貴贈朝列大夫曹州尹輕車都尉清河郡伯歿後國史院編修官陳旅爲表其墓詞曰公諱德字惠卿其先滄州池清人曾大父昕昕生厲厲生祐金貞祐間南北交敵從保靜軍節度使至宿爲軍府吏宋師與保靜戰厲死之祐求父屍亂兵間歸塋宿之北麓奉母宋氏踰淮避兵我國家旣剪金兵及淮甸北人與

祐同踰淮者謀柵以自固而祐爲衆所推重與衆言曰吾等寡弱馮憑同孤柵以抗大軍其勢易破破則無噍類觀

時勢可知天道矣徒死無益也乃率衆詣軍門降大將幢忽兒郡王嘉其欵欲承制官之使統降民祐拜且謝曰所以降者非爲求官來不過與衆求活耳且吾父死於兵猶寄縻土未敢以身許人郡王愈賢之降民皆賴以安而祐終無久留淮南之心以干戈未戢往來曹宋間二十餘年而母亡矣至元丙子天下既定乃卜地宿西百里臨渙縣仁義鄉道往里泡河之泮改葬其父而以母耐焉又樂其邑風土之美因買田宅以居年七十九終媿媿同穆氏二

子公其長也公質直而閭動勤生而急義髫齡從父母轉徙北兵薄淮衆倉皇爭舟南渡遺父岸側適族人見之亟接入舟幾不脫於兵公繇早嘗艱危以及長壯世故之接於心思想熟矣故於其父羈旅患難以至窶窶田園室廬之事能用其智力以裨佐之平生不嗜榮進獨治穡事故資產益饒然好施於里之窮乏困瘁者皆仰其惠因字之以爲惠卿又好以善道告人見有不力者諄諄戒之曰勿事浮靡爲農以其衣食安之道也里子弟皆感其言而從之或深責有過者亦愧服無恚容蓋公之所爲孚於人有素矣妻盛氏能以婦道相其夫子男六人思元思明思忠

思恭思義思敬女二人高榮王榮壻也公每教其子曰吾家習法令爲吏而嗣止一人汝曹當讀儒書不願爲向時吏也於是諸子皆業儒而旁通諸家之書思義用薦者仕蒙古翰林院轉應奉翰林文字丞務郎朝廷推恩封公歸德府判官飛騎尉盛氏封恭人公以延祐三年三月二十一日卒于家年八十二明年恭人卒年八十一遂合葬於道住里之兆思義後知沂州追贈公奉訓大夫歸德同知騎都尉夏邑縣子恭人夏邑縣君思敬由司徒掾以至爲中書掾兵部工部兩主事積階四品優贈公朝列大夫曹州尹輕車都尉清河郡伯縣君清河郡君思元後公十五

年卒二子緒國子生繼思明早世一子訥蕭山主簿思忠亦早世三子誠讓壽壽官奉訓大夫思忠得贈歸德府同知騎都尉夏邑縣子思恭四子謹權亨睿思義由滑州改知汾州卒三子惟中惟盈惟學思敬亦卒於官一子貞國子生公之弟輔有子曰思誠思齊思溫思恕思問孫十三人嗚呼張氏自滄州來此於一縷之僅續而幾絕也乃能蔓延以至於碩繁者所履之厄雖劇所積之善亦已厚也夫爲軍吏而死國事冒白刃求父尸將母宅境卜臨渙之葬活數千百人於必死而不利其功是皆善之大者人有一焉天猶報之況其大者之又多乎公承世積之委宜坐

享其報顧益飭厲勤苦以成父志以庇賴其後人又推有
餘以救鄉鄙且教勉之使皆敦本而善俗也公之爲德蓋
以其積之委者愈保聚而愈充衍之張氏之用是以爲盛也庸
有既乎公之心其遠矣哉

思敬字彥式始至京師以文學辟司徒掾轉而掾會福又
轉而掾典瑞時天歷內難平跟隨丞相奉璽至和林平章
某觀其能欲聞於上知判典瑞事公曰某之來爲國家計
非爲增優其爵辭不受還至京師辟中書掾至順二年除
中書兵部主事階奉直大夫是歲冬上京和朶儲粟官不
爲費民不被苦由是公之聲名日聞於朝尋遷工部階朝

列大夫歷四十餘月選清役簡上下賓服吏稱其能公凡
歷兩部績用宏大揚于王庭其歿也執紼都門震悼之聲
遐邇同辭且曰斯人也而有斯疾也公嘗語人曰吾幼佩義
方之訓長習儒吏來於京師豈爲利耳惟爵是求欲榮吾
親其志確乎而不可拔卒遂其生平之心嗚呼惟公志正
于中兒同貌嚴于外簡以臨下寬以御衆鄉人象其威儀
其則朝廷縉紳先生莫不與之友其所淑諸身者概如此
娶杜氏封清河郡君宿州牧杜從善之中女子曰貞國子
生按元史陳旅字衆仲莆田人始爲閩海儒學宦遊京師
中書平章政事趙世延力薦除國子助教先後六年至元

四年入爲應奉翰林文字表稱緒與貞皆嘗從余於成均則是文當作於至元五年思敬誌則猶子國子生緒之所述也

明

夏之臣

夏之臣字一無張村舖人萬曆十二年以進士任河間知縣築八里堤以障民田徧閱周查爲石橋以通之從民好修一鑑亭衆以大和之臣殫心節愛遇事擘畫周詳民皆頌德以憂去服闋擢御史二十三年泗陵水患日急議者迄無成畫有旨遣重臣往勸立限回奏河臣潘季馴等仍

持築堤防運之議再遣科臣張貞觀往勘而闕清口開腰
鋪之議始出方欲舉行而按臣彭應參等尼之上怒甚六
月壬子之臣疏請決高堰畧曰高堰者即臺臣張舉所云
大澗口淮水所由以直趨東注之處也築之自舊河臣潘
季馴始臣始嘗讀其治河之疏矣謂海口無可浚之理惟
當導河以歸之海又非可以人力導也欲順其性先懼其
溢惟當善治堤防俾無旁溢此其大指也毋論海口終塞
無歲不有浚黃之役即淮水之舊自西而東稍折而北由
清口會黃入海此故道也而強弱不敵清口漸淤今所稱
門限沙是矣淮水欲出清口會黃既不可得則就下順流

取道大澗口而滔滔東注非其性則然哉而奈何阻之彼一淮也既爲黃遏而不得入海又爲堰阻而不得入湖瀾漫泛漲固其所矣三祖真穴名舊龍觜其地冬夏草色常青壯氣所鍾者也萬曆初年堰成金水河壅而不行節年河流日增元宮之上水且盈丈議者既不敢言又不能救初建堤以障之而堤內之水自若也尋又建子堤以障之而子堤內之水自若也尋又設水車於子堤之內以撤之而隨撤隨盈舊龍觜之淹自若也前勘河使者亦明知之第以高堰糜帑已至百萬一旦破之則前功盡棄於首事諸臣不便遂決意庇之而以治黃爲請有欲開海口者有

欲劈橫河者有欲開草子湖者有欲開草灣河者有欲開腰鋪者有欲開雲梯關者不惟無救於淮亦無救於黃近者按臣欲開施家溝周家橋使淮由高寶湖而出卽欲開堰之意但二處各數百里費出不貲卽開亦以年計急救祖陵非開高堰不可臣請舉不開高堰之說一一破之彼以堤束水以水刷沙之說數千年無一效無容借口矣有托形勝之說以存高堰者必曰淮黃合襟形勝在焉然當淮黃會合篤生聖祖之時未有高堰者也相傳舊龍鬚元宮也較合襟孰重今沈水底有年矣且諱而不言而力爭合襟多言形勝乎又有謂運道及危高寶之說以存高堰

者然而高堰之築纔二十餘年而國家轉餉二百餘年矣
未有高堰之先豈遂無運乎且運道經黃入閘固不畏黃
者也寧畏淮乎縱可畏尙可移石堤之費以修湖堤也奈
何藉口湖堤強存高堰也如曰高寶受害則盱泗未嘗不
害况高寶之害不在淮水之去而在淮水之未洩高堰雖
障上流實爲危寶歷年以來土堤之在高良澗者每遇伏
秋卽遭衝決石堤在大澗每遇洶湧卽見崩潰使歷年愈
久能保其不頽而勿侈乎然高堰在爲高寶之利小而高
堰決則高寶之害非大也孰若明議而明開之使知趨避
乎疏上工部覆奏以事難懸揣俟科臣會勘並行酌議上

從之出巡湖廣因罽議旋里再徵不起闢園南郊以花木

自娛著亳州牡丹評詞曰吾辜牡丹年來浸盛嬌容三變

品妬榴紅勝嬌容宮袍紅玻璃貫珠新紅種類不一惟雜

紅最後出頗稱難得又有大黃一種輕膩可愛不減三變

初開拳曲結鏤不甚舒展須大開時方到極妙處為一病

耳至如佛頭青為白花第一此時極多無難致大抵紅色

以花子紅銀紅桃紅為上如紫色如木紅則卑卑不足數

矣吾毫土脈頗宜花母論園丁地主但好事者皆能以子

種或就根分移其捷徑者惟取方寸之芽於下品牡丹全

根上如法接之當年盛者長一尺餘即著花一二朶二三

年轉盛如法接之三變之類皆以此法接之其種類異者其種

子之忽變者其種類繁者其栽接之捷徑者也此其所

湖陽月二言卷三

三

點綴春光其吟咏如黃屋於今誰稷契清風時至自羲皇
亦一奇也醉客有時筭路入園丁逐日報花開具有超然物外之意
居鄉檢飭輿從周旋戚里間仍若寒素有醉犯之者曰彼
爲酒困耳何足較人多服其雅量至地方利害常向上台
力持之桑梓多蒙其澤之臣沒後冢臣言故御史夏之臣
清勤許國訛誤淪喪請贈光祿少卿制曰可嘉靖三年宗
伯稱詔下郡國表閭封墓唐順之曰噫嘻此沉珠而封其
淵也夫泰否之機開於人人伸道道伸世交伸則治遞出
焉而之窮窮何伸也古之俊民咸思據偉乘長以英姿信
効而永垂以發其晶雄之氣顧穎出而折君相無特達之



知無意外之度使稿項黃馘於荒漠之濱碧血爲燐白楊
作槁然後徬徨歎賞欲市其骨而卒得一肢之用嗟何及
矣此傷鵬弔蠅之臣悲嘯無聊而赴淵棄疏者沉冥立枯
而不顧也文帝悲李牧馮唐知而不能用以光武之明而
敬通淪落以死古今同一慨耳侍御公當神宗時三仕爲
令種花拔薤爲吏桐鄉及簪筆文石埋輪都亭欲以方剛
之猷澄清江漢一麾去國非挾領下之珠而驚其寤也非
繫池邊之罇而遭其啄也乃憐者不敢力而忌者不欲力
其陽鳴秋橫者斂爲壺中之烏兔爲霖爲雲之淵徒沾之
鼠姑竹籟之間飛揚煜燿盡銷之南宮之片石北海之罇

壽年增志逝長於辭榮埋玉樹著土中噫難言矣使當年
伸其開濟之畧出入承明馳驅九域爲國宣政必燦然可
觀旣以時移物易溯憶追歎錫一卿秩欲易其南面王之
樂何益然繫惟公不幸耳明明穆穆之主無沉不升忠義
皆彈冠而起而欲朽之英骨猶愈於罔生之奸魄尙足衛
人藜藿國家得無用之用至於閭黨後生有所羨卽有所
仰有所震卽有所思且歡然得見此不伸之伸世何嘗不
幸哉雖然公亦有不幸之幸方先朝虎翼鷗張之日公衣
繡持斧於其間執焉碎躬委蛇焉碎節必有人道之患安
能以遂臣爲高士卽今垂裳思治然上有委轡下有如簧

中鬲而外窳公有奉身退己耳誰復致憐故曰不幸之幸
噫嘻無用之用浮不伸之伸膺無幸之幸窳公於世道同
歸於訕而幾不可問矣悲夫按夏侍御行蹟不列於史傳
偶擷故籍得奏疏及牡丹評急登之以餉學者荆川嘉靖
八年會試第一與侍御進士科之前後輩也

張右銘

張右銘字汝警別號松巖宿州仁義鄉人以監生任延安
府通判收放邊軍糧銀毫無侵匿繼陞安寧鹽課提舉除
正課外餘鹽盡投於井操持清潔卒於官至不能治棺木
子廩生廷寒清嚴如其父甘守貧窶不肯受人饋遺當時

稱張氏父子不愧夷齊兄弟及大僚下吏部右銘爲清官
第一其卒也成都楊升庵方成滇南手爲文誄之更著新
井行以表其清操

程孝子薇

程薇字世清號鳳池明萬曆貢士山東恩縣教諭先世由
宋遷蒙避元季之亂徙雒河集家焉父賓以仁孝著孝子
生性純篤攻書能文應試輒上等時母年高多病不忍遠
離日夜守庭幃聞母聲立至率妻戴氏每夕拜斗籲天母
病頓失萬曆某年臺史按試母年八十有二邁疾在床有
勸與試者孝子辭謝之以述於母母曰兒往試倘出人頭

地晉蓋可愈孝子曰母疾篤五內俱裂何忍試得身代足矣未幾母逝孝子痛仆久乃甦水漿不入口者數日喪禮逾制見者戚然卜葬祖塋乃結廬墓側每食必奠奠必哭泣賈士築墓佳城歸鄉鄉里大其行羅事實請旌其門孝子聞之慨然曰賈恩罔極此胡可盡心猶未足尙敢博榮譽乎及三年喪盡孝子猶戀然不忍歸龍波王澄諭之曰三年之喪賢者所輕哀未盡而割以禮非尼父所以賢閔子者乎乃邀其家族具衣巾迎之歸時萬曆二十四年也王澄爲廬墓記以書其事孝子塋域在雒河集南逼近城垣今孔廟前數塚隆然道傍斷碣尙隱約可讀余將率縣

人爲豎碑營封樹焉

論曰兩漢不著孝行首孝友傳首稱李密然東堂悁憤識者病焉程子言論風旨他無所聞獨將母於垂危之時有足令人感泣者君子善善從長雖門內行類矯激猶樂道而不忍苛求况至性純常而又得王龍波先生爲之論定者乎嗚呼可以風矣

王澄

江之濯

王澄號龍波明蒙城選貢萬曆十六年任福建寧津縣知縣十九年調廣東乳源縣作乳源縣題名記自稱不敢恬安于不肖殆篤行君子也與同縣戴杭州曰強程孝子薇

交莫逆爲文喜蘭幽潛鄉里碩德醇行得澄言以爲重江
之濯江家集人集當阜亳蒙三縣之交通達四達襟車轍
溝相傳爲楚虔故跡縣中徵發期會之事各圩率以聽命
江家集實握其樞而能亢其宗者則之濯也之濯以選貢
中天啟丁卯副榜或云曾令洪洞清康熙十五年宛平趙
裔昌重修蒙城縣志孫述祖曾斥金以助其成

楊鴻烈

姪停睦

楊鴻烈字元振號圖南潞之梁疇村人楊氏祖唐叔虞傳
十三世伯喬封楊侯因以爲姓二十六世至漢大尉震二
十八世子江名榮者仕宋授閩之鏞州司戶因家焉又五

世生龜山文靖公子江公七世孫徽教授平江入籍吳門
孫紹雲字海霞舉進士第歷官淮東統制少問學於晦菴
朱子授以程伊川易傳使與李蟠蔡沈諸子游行已端飭精
進不倦端平甲午卒賜諡忠毅忠毅十世孫有名成者始
籍於皖之蒙城成子貴貴子士魁焜蒙城增廣生士魁次子
也教諭注作霖爲之傳畧曰先生諱焜字丹軒先大父積
德好施登歲生子弗祿七十餘始生先生考士魁士魁游
泮時大父九十餘猶及以巾服舞彩於庭士魁生先生兄
弟三皆能讀父書擅譽膠庠先生性篤孝友操尙風節兄
培弟棠俱先逝遺幼孤先生子視之後皆以學行稱其家

聲著葩經疏義忠孝家規授諸子侄遠近服其教負笈從遊門外履當滿及門行成名立者出入里閭皆知爲先生典型生平多長者交搢紳枉道式廬先生第以雞黍授餐語止閒澗客亦歡然道故而去及值寒皴子弟貧屢故人雖多方埏埴竭力解推猶每以綿薄弗克如先大父之飛甘洒潤沾濡普及爲慙愧鄉鄰有爭執事得先生一言皆惶汗冰釋其素所著積者然也有人以非義相餽者必惶愧而卻之如疾疾然卽墨呂侯甫蒞蒙高其行義造廬請曰公務滋德施而又介守清白伯起遺風於茲未泯先生曰伯起行高千古吾固師其行卽所以敬吾宗也侯曰善

公子孫必有食公之報以光啟門閭者先生寡嗜欲慎頤
養七秩鬢仍青視履悉如少壯時一夕夢胡僧諮以壽僧
曰公壽亦如公齒先生寤曰齒者止也齒亦紀年吾其以
是年止乎冬十月感寒小恙嗣君進醫藥先生笑曰如藥
能醫人則聖帝明王皆至今存矣卒葬雙澗集南子四開
先鴻儀鴻烈鴻基鴻烈歲貢生敦孝友尙氣節志行高潔
古道炤人始徙居蒙城西北八十里渦北岸之梁墮村建
樓蒔蔬爲讀書處滿清剃髮令下先生抱父書綱巾深衣
身不下樓者二十年臨終遺書訓子侄其畧曰予自成童
卽謹承先大人明訓每每以求田問舍爲戒恐其墮吾志

也計吾分守僅得薄田八十畝做廬三五間蔬食布衣而
問業匪懈雖以雕蟲小技受知於文宗鄉大夫從未敢毫
有干謁爲身家營度計行年三十親益老貧益甚兩兄見
背遺囑諄諄結髮云亡繼娶孔艱先考又以古希易簣弱
弟諸侄煢煢相依環顧室廬甑無多儲岌岌乎不能以甘
旨供萱堂又安能以詩書教子弟乎不得已攜一二孤侄
起家舌耕鑪錘芸窗早起晏眠苦趣不可勝述嗣侄睦侯
有進步及門佳士亦漸充黌序遂得以館穀廩餼所入除
喪祭賓嘉外漸置田畝銖積寸累冀贍家食獲免彈冠東
坡云我生無田食破硯破硯生涯爾曹念哉世每以田產

多遺子孫爲父母之愛吾以爲愛以田產不若愛以孝友也著有課幼文勸戒歌行世子惇恭慎儉惇睦鴻烈兄鴻儀子字睦侯號東玄以歲貢生任池州蕪湖常熟教諭署常熟縣事四十年間清介自持其在池州辭桂楊五百金之賄而全于氏之墳其在常熟捐俸金二十兩以贖周生之幼女田邑侯謂其天姿卓越志節皎然池人有清白廣文揮重金之謠攝縣事遇投牒者詢其理曲輒焚之訟爲之息查災謝饋遺管粥廠放貧米詳慎躬親民獲實惠常熟人德之

論曰世傳丹軒先生之講學於蒙也大司馬張鶴鳴實親

炙焉及其傾態廷弼附權闖以圖起用先生鄙棄不與通其守正不阿如此若鴻烈之恥臣異族惇睦之無玷官箴皆觥觥有古烈士風孟子謂君子小人五世而斬關西遺澤之長乃如是哉

張翼明

元末有張表者曾署鎮江府知府從明太祖起義積功封昭勇將軍賜采於宿永之交因家焉丹城張氏其後裔也張翼明丹城人占永城籍中萬曆庚戌科進士天啟時歷任禮部儀制司主事兼南北國子監事才識學問當時多仰重之爲權闖羅致以兵部侍郎巡撫大同先是俺答受

封塞上息警者六十年邊備盡廢天啟七年順義王卜石
兔微弱插漢虎墩兔西侵盡有其衆遂遣將臨宣府新平
墩索賞已而擁五六萬騎毀墻入抵城大殺掠翼明不能
禦又不以實聞巡按御史葉成章劾之莊烈帝卽位方惡
邊臣欺玩欲重懲之以警其餘召大臣詰問大學士劉鴻
訓爲翼明請帝不聽論死

清

韓斌

韓斌城東韓家樓人

樓今燬

舊隸蒙城性豪爽好客有某貝

子出遊歷大雪宿其家款留浹旬無倦容瀕行揖斌曰若

有急難可往京師某淪茗處相訪後斌家遭刑訟捕急走
京師詢貝子果遇語以故即引謁其父親王爲之緩頰事
得解中順治辛丑武進士授福建興化守備康熙甲寅春
耿精忠踞閩叛幽害福建總督范承謨脅斌授以僞副戎
職斌思北還不爲用耿逆愛其勇多方籠絡復流言斌家
屬以降就戮絕其歸念斌悵然頗爲效力浙督李之芳患
之急檄斌子世晉赴浙授札示方畧遣使委曲達斌所詳苑
亮傳斌得書即率都司王得功把總畢得臣等六人渡河輸
欵賊追之急大兵嚴陣以待追者不得逞以平閩功授台
灣總兵官當斌之自拔而北也至河無舟乃躍馬亂流渡

將沒恍有甲而髯者叱之曰胡不愛命而愛馬背之物乎
斌拋其囊復渡又將沒聞又叱曰胡不愛命而愛馬乎斌
以刃刺馬見血馬痛蹕得達岸斌曰此必關壯繆靈佑也
歸建漢前將軍廟於渦南官路口迨斌歿家落其甲胄歷
百餘年猶藏於西韓樓有藉此鎮驅病祟者輒驗後裔以
爲不經斂而葬焉今舊城南瓦礫邱壠斌故居尙隱約可
指旁蓋有馬塚云

苑亮

婁德先 趙銀

苑亮縣西人死清初耿藩之難盧見曾爲之傳曰苑亮亳
人韓斌之僕斌以武進士任福建興化守備康熙甲寅春

耿逆叛

語詳
斌傳

浙督李公檄斌于世晉至見晉幼未練事乃
詢諸僕曰誰能至閩寄書致爾主歸者亮慨然身任制府
乃授之札示以方畧使之全主亦自全亮唯唯受命平陽
王鎮及世晉皆屬書去世晉拜亮亦拜相向號哭若將永
訣者亮縫書於履毅然獨行至仙鶴嶺爲邏者所獲執以
見僞帥馬九玉亮曰本韓斌奴主家屬因降正法逸以報
主逆恐有詐令檢其身無所得乃押令至斌所識認不許
私語亮見斌抱主足慟哭告以家屬被戮故因暗指履示
意及將押去則言履破請易之斌見其無踵也許易履亮
去斌拆履得書即率屬六人渡河輸欵耿覺之追不及馬

酷刑訊亮者三但言有家書而終不供制府有齋諭也遂
醢之君子曰亮可謂舍生取義者矣殺身濟主而不以洩
敗抑何其智深而勇沉與又聞斌父以事被誣官索不得
乃執亮拷訊幾死終不吐實事遂以寢則亮之忠義固有
素矣

婁德先蕭縣人年十歲鬻身於邑人王太陽爲僕張任之
亂匪踪徧渦河南北有以富貴誘者輒正顏拒之主人逃
亂爲之執鞭前驅時亂亟主人逃遁一空遺德先獨守門
戶賊至放火焚室德先挺身撲救賊刃之身受數創卒不
渝主人感其義待之如父子焉

趙銀河南人雇於曹莊曹玉珮家民國初燕匪糾數百人掠曹莊劫玉珮刃之趙見事亟挺身殺賊與玉珮同時遇害

論曰苑亮事載毫志若婁德先趙銀之所處微矣乃皆能不渝其操如此策而傳之以愧夫世之爲國民而懷二心者

吳楚奇

吳楚奇字南英原籍休甯與方望溪戴名士同時馳名大江南北爲人高自期許不染塵氛南闈試未入場前卽以第一人自居既而果然嗣因南山集案牽累遂隱不復出

生平著書甚富如江西吳越遊覽圖龍津史談鴻舉瑣說
湖南吟草書紳集皆膾炙人口於書畫尤爲清絕雖片紙
隻字收藏家皆視如至寶其後裔吳化龍住縣西花堡富
羅村庭中猶有冠冕南國名重兩江匾額

陶栻

陶栻字次南上元人也客居虹幼孤貧族無可依者亳人
鄧洪範見而竒之倩其業師鄧其章請於陶族爲義子遂
易姓鄧氏爲亳人焉栻篤行好學工制藝補府學生屢躋
秋闈益發憤遊浙讀書西湖砥礪數年學大進康熙庚子
舉於鄉數入禮闈不第大學士田公從典少曾寓亳知其

賢延爲子懋教讀或謂之曰君數困於禮闈今主田公進士豈難致乎栻曰吾義不以私干人田公亦不可干以私遂不與試義父洪範卒哭盡哀喪葬如禮先是洪範收栻後旋復生子至是乃將洪範遺產盡付諸弟上書歸宗以修脯資生焉年七十九復應乾隆元年禮闈試會登極覃恩年八十以上與試者例得恩賜人曰君年七十九矣署八十可乎栻曰將欲求榮先行作僞是欺君也固持不可門人田懋時爲少宰接見敘契濶而已時當謁選就教職授吳江縣教諭以疾卒於官

吳作舟

吳作舟字濟川號傅巖康熙庚午舉人母老不仕建延陵集以抑豪橫立社倉以濟貧乏一鄉德之

葛鴻奕

清代中葉涇人之談文學者必曰葛氏南學南學者葛鴻奕讀書處也鴻奕字駿卿西陽集人嘉慶庚申副貢先世有名三陽者以貢生宰程鄉有政聲鴻奕農家子有常伯槐帶經耕鋤之風性至孝先意承歡事繼母無間言泛覽古籍闢地於居室之南訓子課徒年七十猶循循不倦著教子瑣言弟光奕性嚴毅不苟言笑與處者皆敬而畏之弱冠充博士弟子員善談名理嘗曰讀書爲人非二事倘

以學爲市斯賤儒耳鴻奕子均蘅字芸臺歲貢生出後光
奕光奕性嚴急譴呵悉順受博聞強記作文援筆立就燕
居無惰容諸子皆有聲庠序潤蘅字豐澤幼竒慧十二入
邑庠中道光甲午鄉榜張苗之亂顛沛未嘗廢學李炳燾
宰蒙城聘主養正書院潤蘅爲文善反覆委蛇多真摯語
其歿也從游皆慟悼失聲著四書待商史論待商蘭渚雜
撰本性齋詩稿遭亂後惟史論雜撰尙藏於家子文琴貢
生又葛如梁字清儲廩貢生葛篤行字敬軒三冠童隊九
赴棘闈子萃庭廩貢任太平訓導皆有學行劉志存曰時
又有葛鯤化字扶青者年十二能誦十三經光緒乙酉科

拔貢葛廷玉字蔭毅增廣生精醫絕邃索隱注傷寒論莘
莘然皆南學系也鴻奕數世培植葛氏族姓此其可知者
也蓋湮沒而不彰者抑已多矣余嘗一至西陽敗瓦殘碑
南學故址已不可復覩訪葛氏族譜無有能道其原委者
西行至葛氏老林摩挲斷碣殊不足詳其家世自譜牒之
學不講邑中二三巨室合一姓於一祠收族冒濫頗戾古
義轉不如葛氏家塾猶得藉教澤以維宗風惜乎譜系無
徵至今採黎獻者不能無搔首踟躇之嗟蓋雖美猶有憾
焉固始葛成修吾友也祖籍西陽自他有耀方擬以是詢
之而成修遽歸道山矣

任錫爵

任錫爵廩生張村舖人家貧讀書有映雪隨月之苦弱冠入邑庠旋食餼循循善誘來學之士日益衆小試獲雋者多出其門如夏馥超沈環劉之楠高詩高琛其最著者捻匪之亂以憂卒

陸懷古

陸懷古字薪傳舊城集人歲貢生曾祖坤父儲澍皆有聲庠序性恬淡不慕榮利闢別墅聚徒說經負墻問業者常數十人著學庸講錄四卷約數十萬言其書先標明全旨繼敘明大意終旁引或問濳說存疑及元明諸儒說以曲

暢而互證之蓋錄當時講解之語積久成帙條理分明筆
舌互用勤之效也溯有明以制義取士五百年間著爲令
甲清初以來排纂四書義疏紬繹先儒之緒論爲士所宗
者呂晚村陸稼書何屺瞻汪武曹黃際飛其尤著也是錄
無條辨之宏博而謹嚴過之遜大全之淹貫而精核似之
正未可以高頭講章一筆爲之抹煞也懷古行事不少概
見陸氏宗譜稱其謙以處己寬以接人人欺不以爲辱人
侮不與之校非溢美也自學庸章句儕於論孟厥後真西
山邱瓊山兩先生推行其義列代儒臣至欲圖之殿壁誦
諸瞽矇謂幽風無逸無以上之紫陽之升列哲位實原於

此豈知二千年前拔之於戴禮之中而特爲傳注者戴仲
若實開其先仲若名顯其前代亦涸產也後生小子數典
忘祖曾亦思表彰絕學鄉先正固大有人哉

王慶澤

子家椿

田修仁

侯學宰

王慶澤字功襲由議敘官濱州知州歸田後捐地千畝充
柳湖書院膏火又出粟八千石襄助霍邱賑務子家椿字
鸞堂因柳湖書院傾圯捐貲鳩同志踵而新之以述父事
復輸田千畝入養正書院皆清嘉道間事也

田脩仁縣之水西村人某姓姻家兄弟爭鬪幾構訟田排
解不從夜深憤然去轉念骨肉傷殘古今大惡渠惑蔽不

可以理喻未嘗不可以誠感奚用是悻悻者陷人於不義哉露宿某姻簷下次日某姓歛門陡見田駭感無地遂釋憾洗心一時稱爲長者侯學宰清鄉耆有兄弟爭產者宰委曲調停不得要領晚歸謂家人曰兄弟如手足爲財產而失手足吾不忍覩也夜半復往候於門及旦排闥入某驚曰先生何來曰爲君兄弟事夜不能寐故早來某感其誠意遂釋紛爲兄弟如初

任宗信

賈鳳蘭
管敬修

袁昌印
張守忠

楊國均
馬廷璧

程有位

任宗信號近義張村舖人庠生撚匪肆虐劫掠而外兼掘墳墓匪至集人皆逃避宗信獨不去其兄強之曰吾寧死

於賊不忍見賊掘吾父墳墓也卒爲賊所殺

賈鳳蘭高爐集人事母至孝母有疾諸藥不效割股和藥以療母疾母果愈人以爲孝心感云

袁昌印清選貢祖名義賑貧周急有積善稱建大石橋於界溝捐金千計昌印繼成之且倡首呈請大憲除濠梁驛馬弊政及收養馬匹公費鄉里咸稱頌之

楊國均字靖宇梁疇村人好施與年八十猶樂善不倦嘗倡捐修普照寺關帝等廟道光八年蒙城重建鬻宮捐錢八千串撫院鄧廷楨以輝映文德表其門

管敬修字儒欽庠生以孝友聞於鄉母吳氏早卒事繼母

維謹咸同之亂負繼母避寇一歲數易其所定省無缺兄
敬業貧無以生敬修售已產助之嘗曰田產身外之物兄
弟手足之情一時傳爲名言

張守忠字協一父朝棟爲苗逆沛霖所執索賄及鎗械窘
辱備至守忠跪賊前乞以身代賊怒以刀揮之不去受重
傷仍哀乞無懼色賊憐其孝兩釋之

程有位李門集人幼讀孝經慨然曰必如是方不愧爲人
稍長父歿依母膝下家雖貧奉母必豐母疾一日不食有
位亦不食母歿廬墓三年馬廷璧縣北關人性純誠事親
尤篤家貧營商有美餘必奉親承顏悅色始終不懈母卒

廬墓三年知縣桑雘請旌其門

張茂伯 轉瀛 張慶堂

張茂伯字蔭堂義門集東大橋人嘉慶初由州判遷河南河內令廉直有政聲每勸農棲隴畔嘗仿東坡語以示人曰若輩勿我官而遠之我亦田父不過畧識字耳上憲某庸公解問貴縣子息若干茂伯曰適肩二桶過堂下者即卑職長男也某愕問所以張曰知子莫若父吾不忍以蠶愚玷詩書因材器使得免游蕩足矣懸車後家徒四壁孫媳某氏年七十猶乞食道左光緒三年以餓死

轉瀛字蓬仙杏花村人父金章有孝行瀛沈默嗜學以俊

秀從袁甲三牛師韓治軍事積功保直隸州知州歷任山東恩縣高唐州東昌縣事所至有政聲性敦樸不輕言笑恩縣有同宗某才望傾一時瀛以禮下之倚裨資耳目聽斷有神明稱宦囊貯古今書籍頗富子鴻鈞歲貢生鴻洞廩生

張慶堂工畫梅因自號梅友縣西關人以俊秀從軍積功知山東東阿縣事卒官篋中餘十金幾無以殮一僕扶柩歸葬子錫五光緒乙酉拔貢

醫者周瘋子

楊三捷

鄭廷璽

李鳳周

周瘋子名懋元字儉齋澗之杏花村人性嗜酒醉後瞪目

直視肆口罵座村人皆以周瘋子呼之然試之於醫輒奇效周徽州世族幼竒穎於書無所不讀尤究心推步占驗之學年十六補博士弟子員鄉試落第游京師應欽天監考試錄入焉清嘉慶十八年教匪林清犯闕李文成反滑縣先一年民間有二八秋之謠謂是年當閏八月也清廷惡之詔移閏七月監正潘紹烈力持不奉詔竟以違旨罪論死周慨然曰是所謂濫刑以逞者也投劾去依母黨曹氏尋病有劉姓醫頗馳名輦轂下診而服之藥病良已心感之竭力謀所以報劉者劉終缺望形於辭色周恚曰我一身之外無長物能捐頂趾飽若輩谿壑耶遂發憤刺醫

書徧讀之謝人事廢寢食者數年曰持此庶可以問世矣
一日乘醉詣劉醫與之校劉大窘周叱曰老僮技止此乎
猶能向乃公索謝耶嗣浪遊魯豫間最後至永城主士人
閆順修家閆西席宋敬修心異之間倩周爲生徒正課藝
隨筆揮灑出語驚人顧不知其能醫也一日飲塾中聞哭
聲哀甚問之有老人行年五十弱息三齡瀕死矣周請視
之宋笑曰休矣君愁未能掃復欲分他人愁乎周固請乃
偕往見兒喘息不絕如縷慰之曰勿哭兒遇吾不得死少
需當活之歸邀居停至謂之曰鄰兒病行君以生然惠而
不費顧非君無能任是役者閆諾之命紀綱擷柳芽數十

斤掘坎病室深廣等兒身臥坎內上下四旁以柳芽環
之飭兒父母勿驚擾詰旦兒目動手足出柳外身斑斑作
硃砂點痘葶甲出矣投之藥二劑而愈於是名大噪住閭
塾數月嘗飲酒甘問何來曰丹城集耳乃間關至丹城復
至雉河集以醫自給是爲周瘋子厲禍之始而丹城酒實
介紹之河北黃店子楊姓兒病請周診周視之曰疾不可
爲矣楊哀之周曰若能以死兒付我須聽吾所爲飭治靜
室塞風竅務嚴密掘坎置兒碎土中楊謹如命周縱酒大
嚼腹膨腴楊作用畢請周施治周趨兒所捧腹大吐汗兒
身幾滿肩門出加鍵飲如故間出視肩戶戒勿前楊男婦

惶惑失措以周故勉如約次日率楊啟扃入見兒體泡起如冰乳周叱曰愈矣試破之當有動物蘊泡中以棉絨拭如法果蛆出尙蠕蠕也楊驚喜問所以曰是兒酒毒中胎髓閉悶不出法應死今以同氣劫之達膜外幸不辱命然而危矣宋牌坊宋姓女爲河南某姓婦歸寧遭疾勢危甚周視之曰疾尙可爲也女兄弟某初疾亦求診周駭曰死矣宋不之信擬送女歸夫家周阻之強而後可居無何女果愈男竟死城西蔣大莊老農某陡患腹痛求周周視之曰爾無病胡戲爲某蠶蹙具道所苦周視其舌曰爾信無病曾渴飲河中否曰然命取黃土大如碗和驟尿斗許置

盜中技之鼓勇飲腹雷鳴少間下蛭虫數十條龍山西某村廖姓吐瀉數日滴水不下咽自分必死周道出其村邀診視周曰世所恃以療病者藥耳汝涓滴不下不死於病必死於餓我不能爲若謀矣廖強之問有出三日之膳粥否吞少許納焉又少許腹咯咯有聲予之藥一貼而復曰此幽門閉塞也非滋以五穀之味不足以運中樞不雜以餒敗之氣不足以資廓清不諭物理不明情勢而遽以峻劑攻之其如拒而不納何城中田某病傷寒氣蹶脉閉衆醫束手周過之見擾攘狀駭問故答某病經營後事耳周請診之一藥減輕夜飭赴臺取藥再服霍然起縣人李鳳

周醫名重一時其外母病李屢藥不效請周正得失周約曰吾輩先勿言診脈後各以方藥相印證及出方周日汝方良是第病已至此杯水車薪庸有濟乎吾方與君同物但分量加重所謂未達一間者此耳服之竟愈周腐渦數十年髮匪陷徽全家遇害年六十始繼娶河北馬氏女生子汝鷺周負才氣兀傲不可一世故病非存亡介呼吸不敢延周治周亦漫不之省也嘗曰吾於世又何求然可以奔走老夫者只有此杯中物耳坊者某周莫逆交也間日即呼與共飲醉呶呶罵聲徹四壁同治四年三月腐某家夜坐庭中驚曰官軍當隕一大將但不知誰當其阨耳未

幾僧邸凶問至中年病僂目下視自以藥物製酒榼名曰紫霞杯飲之病尋療一晚有壯士歛門入周睨視不爲禮壯士曰知先生艱步履今以肩輿來行至矣周隨之至街口見兩人舁糞筐壯士露刃曰吾母病傷寒數日不汗非先生勿與生之者少趨趨卽剗刃先生腹某不作生還想矣周撫之曰好男兒爲母故顧如此作態吾戴吾頭行矣至某家索巨觥劇飲母病已乃肅周歸子汝鷲請其術周怒之曰蠢牛欲業此卽再生修豈能免殺人孽債耶汝鷲亦久於此道者人謂針灸一藝尙彷彿乃翁衣鉢云懋元尤長痘疹年九十卒

先周瘋子以痘疹馳名者有楊三捷本村張某子年十四出天花三捷視之曰此先天毒重乃下險症也每日須服藥十二次從之果愈三捷赴蒙城遇驢背一女年及笄命僕掀女跌之地女父怒欲毆僕三捷語之曰此兒痘閉悶非驚恐不得出命之不恤而責瓜李嫌乎遂邀三捷至其家女夜大熱燥切曰痘苗出予以藥應手愈一日垂釣河干見舟人羣聚哭視之有小兒奄奄斃問其病曰痘也三捷審視曰此大火症也雖險尙可爲急取荇藻鋪寸許卧見其上移時兒竟蘇痘癍癍出矣清嘉慶二年春時疫起醫家名霍亂患者輒死三捷製方購藥得此症者服之應

如響踵門丐藥者日數十起鄉人尤以此德之三捷爲明
遺老鴻烈裔孫著痘疹秘訣應驗良方今佚

鄭廷璽字瑞璞西陽集人四世習醫蒙邑令盛安君患失
血廿餘日奄奄將斃廷璽診脉得少陰扎數太陰浮大厥
陰弦緊知是火犯陽經陽乘陰熱血熱上溢按其原因係
勞心過度暴怒傷肝血不歸經所致予以犀角地黃湯加
減一劑乃止三貼全愈王慎典夜寐陡昏汗洩語塞兩尺
沉細四肢如冰知是傷精亡陽之症卽用獨參湯灌之繼
服回生固本湯乃肉桂附片人參於朮吳于乾薑熟地牡
蠣茵芷五味棗仁炙草等須臾而醒王建功夜寢至曉雙

目失明廷璽診之曰此腎虧火旺之候也投以六味地黃湯加元參當歸川芎菴蓉五味元精石二劑目復能見徐某目翳遮睛使用生地胡椒納入鼻中一日夜翳落目明一人中暑發昏令用小青葉搗汁和井泉水灌之即醒有小便閉結之王某五日夜號慘將死急用當門子五分連鬚葱頭數莖搗爛和勻置臍中以手捫之繼用八正散加智仁茯苓冬葵升麻菖蒲甘草梢等煎服片時小便如注著有醫學論要症真傳善鼓琴兼精繪山水寫人物壽八十六歲精神矍鑠書畫猶如壯年性淡泊寧靜自喜少孤事母純孝當清咸同間雖顛沛流離猶竭力博膝下歡因老

母多病勉賡先業故所詣尤精

李鳳周以母病延醫不至習通方藥切脉取獨字訣三呼
吸卽知謂久診思惑某經有異病在某經用藥亦然不可
誅伐無辜又謂藥宜廉價以濟人非賺錢也有療瘧痢方
傳於後

王騰階口吃屑不潔做衣垢面以袖承涕過城橋疾趨恐
墜人呼爲迂療疾梓藥輒奇驗

諸王傳

渦陽巨室稱南王北馬馬以武功蜚聲王以文學繼世王
太陽字體仁古處克敦雖盛暑燕居冠服必以禮時稱王

外套閨門嚴肅子孫多向學善經商茅屋三楹不事丹雘
有某省賈寄錢數千緡聞親赴倉猝歸中道染病抵家竟
卒音問疏濶者數年賈鄰人有至濶者太陽託寄聲後七
年賈人子始至見矮屋頽垣頗逡巡失望太陽招之入具
詢所以且引示故物存放處則積塵寸許貫纍纍朽矣次
子德馨庠生胸襟瀟灑航詩書喜吟咏秋日蒔菊數百盆
茶竈筆床環坐課子弟誦聲琅琅出金石侄徽五子尊五
行五皆教誨成名徽五廩貢生性和藹改革之初常提攜
二三後進勵行新政故遞充縣議會議長尊孔曾分部會
長教育欸產處處長等職清時管理縣城義倉積貯達五

千餘石一日縣令張樹建欸門至手錢鈔百餘張曰義倉
贏餘已清結填報此寥寥物皆先生推陳出新拮据而得
之者請留之以犒僕夫徽五婉言辭謝張嘆息去民國元
年王士秀據縣城徽五飛稟告急事解有主張沿門大索
以清閭閻者徽五抗言曰縣父老幸脫虎口卽反側子亦
希望和乎今忽無事自擾勢必枝節橫生一波未平一波
復起非止亂之道也當事者聽其議事遂寢嘗仿藍田呂
氏酌訂鄉約十餘則擬試行地方自治未果歿年六十有
八及門馬廉溥忠武公子以錢二千緡助徽五開礦務徽
五卒自林西歸哭其喪取券卽靈前焚之論者謂廉溥之

尊師仗義亦徽五德教相感之深也佩蘭以徽五事上聞
今大總統徐世昌賜予好善樂施匾額尊五廩貢生性至
孝母病癱瘓服侍醫藥衣不解帶者二年行五諸生太陽
族侄王開朗字如玉幼讀書明大義光緒二十四年連年
水災道殣相望牛劉乘隙倡亂陷龍山焚義門集烽火達
近郊縣令歐陽靄不知所爲開朗慨然曰饑民求食不得
故不逞之徒從而煽之宜賑饑以清亂源請救援繕城守
不出旬日亂自定矣然急賑非發倉不可歐難之開朗曰
事急矣當便宜行事尙鯁鯁拘文法耶倘有譴謫吾願以
身當之在座王徽五王從章皆力贊其說事遂行縣令張

樹建錄城守賑濟功上聞加五品銜賞戴藍翎子六長與
邦列諸生又王騰階亦太陽族侄爛熳不修邊幅醫名與
周元懋埒

王著平忠厚謙讓好善事本城街道及三官廟三報司皆
倡首捐貲督工修理並捐重金重修蒙城學宮葺補義倉
院撫鄧廷楨奏給半壁重輝匾額道光二十四年獨建文
昌閣士論多之有子四季子騰甲字雨樓廉幹能任煩劇
同治三年佐宋巡道監修老城長保甲局清鄉緝匪全縣
賴之四年五月撚酋張宗禹合股圍皖布政使英翰於今
縣城時僧邸陣亡官軍新敗邑草創人無固志英公進官

紳策職守以衆寡懸殊自請潰圍乞援師騰甲請其期約以十日衆涕泣受命逾期師竟不至人心洶懼騰甲與營務處任蘭生道員史念祖知縣王峻督率城紳分段巡守以大義鼓士氣苦守月餘無偷惰懷二三者及圍解英公冒雨入迎官紳等拜泥淖中哭曰翰愆師期負諸君賴國家福得無恙翰敢代數萬生靈拜諸君賜官紳皆大哭環拜時四年六月三日也遂從容謀善後策騰甲請迭築城垣以資守禦招集流亡以清亂源英公皆次第施行五年監修義正書院七年冬工峻是年同熊公思立建築新城九年四月告成又同縣令薛元啟經營亳蒙阜宿劃界事

八年開征是年春開考九年建修義倉光緒三年豫旱荒成災流民羣棲渦境騰甲請欸籌賑躬自查放因勞致病卒騰甲三子友柏品行謹嚴不苟言笑積而好施劉匪倡亂老城貧民數十家待友柏以舉火友伯卒皆巷哭盡哀友彬生百日失恃善事繼母友于諸弟以歲貢選任潛山天長教諭迎母奉養處僚案以禮辛亥改革旋里著平族侄南英字楚材善讀書牖啟後進皆循循有法度嘗仿歸方評點史記式批左傳讀本學者便之南英侄從章字文卿廩貢生慷慨尙義氣光緒二十四年水患大饑適歲試赴潁州從章糾集同人呈督學徐公轉請賑銀六千兩民

困以蘇族孫之楨字伯甫天資穎異十歲能文章十三入
邑庠十九食廩餼舉優行鳳穎六泗道李公光久深器重
之二十六歲庚子舉於鄉以暑濕患疝氣卒年二十七弟
之幹庠生之駒已酉拔貢

王天祿號遐福庠生年十六父染病侍湯藥晝夜不離左
右父病革水漿即不入口數月父卒寢苦枕塊哀毀骨立
事母以館穀供甘旨督課勤篤而定省無缺因母病廢儒
習醫研究服食針灸運動之法母因之享大年子瑤章附
貢生忱爽喜作事義正書院義倉鬻官各建築瑤章臂助
之力居多又恩貢生王樂善幼溺苦於學有相士言禍福

多奇中友人邀樂善詣之相者曰君讀書恐不能博一衿幸改業勿自苦樂善奮然曰是何言在我而已益下帷刻勵眠食俱廢以冠軍入邑庠旋食餼捻亂挈家之懷之毫常獨居深念曰吾雉當四縣之交強悍成風伊於胡底欲救其弊非誘以禮教不可故在毫卽邀親故避亂者之子弟而講學焉其設教也先行誼次文藝循循善誘皆嶄然有法度迨亂平旋里從之者日益衆渦縣學額僅十名樂善弟子獲雋者常六七焉兄弟三友于甚篤子弟雖長苟有過必嚴斥之臨終囑喪葬必依古禮著爲家法弟益元遭亂棄儒而賈生平善舉難悉數其昭昭在人耳目者如

華祖廟太山廟玉皇廟草橋寺谷堆寺皆獨力重修岳家橋劉家橋河北盧家橋及龍山肥河橋芑河趙家橋皆捐重貲倡修劉疙瘡亂以城守空虛自出資招壯丁數十名城得無虞計費千餘金次年春民益困上憲發庫帑賑濟益元董其役慮饑民之露宿也倡議搭蘆棚以庇之恐急飢之猝斃也設粥廠以食之又慮其或有疾病也乃自備藥餌以療之行有死人又復施棺木不足以蘆席濟之設義地三畝于淤泥河疾革謂王開朗馬驥才曰余死亦無憾惟上下浮橋及便民橋通濟橋未修終不瞑目耳又囑子蘭莫曰後四處工役必竭力以成吾志二子遵囑皆捐

歛與其役

論曰王氏之族雖無大顯官而鄉黨善士層見迭出實為
渦地方政治之中樞族派散處鄉里攻詩書外半事耕作
歲時伏臘則公趨一宗祠奉族正命無參差崇宗法以聚
散族倘揆之不已於家族治安實不無裨益爾

馬玉崑 弟玉書

馬忠武公玉崑字景山世居蒙西之馬家集祖臨川父貫
一生子三玉崑其次也清咸豐初髮匪據金陵皖北捻匪
繹騷玉崑奉母劉太夫人避地雒河集 即今渦陽縣治 因家焉玉
崑魁梧有威稜幼嬰腹疾疰羸不思人事一夜與弟同被

眠夢古衣冠人撫之曰公貴人奈何以痼疾廢勿苦請爲
公療之乃剖腹出腸胃滌瀝推納加縫紉焉睡起病頓失
自是體格健壯煥若神明玉崑生平從宋忠勤公慶最久
忠勤公知玉崑亦最深宋之勦張宗禹於南陽之臨官橋
鄧州之白沙灘也玉崑皆出死力擡宋公出於險清咸豐
十年辛酉捻圍王市集玉崑率壯士龜砦輒殺賊砦中乏
食玉崑募死士腰袋赴蒙城告糴潰圍出入賊衆辟易一
夜玉崑巡墻賊夥見虎立陣上目炯炯光芒射濠外遂駭
愕解圍去計圍百有五日同治二年鄧家砦有鄧來豐者
聞玉崑名請入砦練鄉兵數百與賊戰屢勝三年僧忠親

王督師蒞皖勦苗逆擒斬張樂行皖北漸肅清及曹州之變張宗禹任柱賴文光等勢復熾數蹂躪秦晉魯豫間忠勤總統毅軍駐汝寧玉崑慨然曰大丈夫處亂世當爲國宣力名垂竹帛安用鬱鬱久居此乎乃以鄧來豐赴汝寧投效忠勤以鄧舊部編一營命玉崑隸左哨攻克仁山賊寨賞千總戴藍翎旋充親軍馬隊營官玉崑之受知自此役始時擒匪已成流寇欽差曾國藩奏設四鎮四游之兵後建分地設防之議同治六年歲除宋公率毅軍至東平州忽報張宗禹由黑岡口渡河北犯急拔隊追至蘆溝橋與賊遇時大霧瀰漫賊氛惡甚諸將有懼色玉崑大言曰

連日求戰不得賊今入我穀中直釜魚籠鳥耳會與諸君
慶成功銳氣勿稍墮也越日霧散賊壁如林玉崑前敵衝
鋒連破賊壘四將逼宗禹大營宗禹從子五孩建紅旗絳
衣赤騮人皆以紅孩兒呼之率衆破壁出奮鬪勢不可當
官軍稍却玉崑下馬斬退者數人揮刀先進斫五孩大旗
倒五孩倉皇遁宋公麾大隊繼進賊披靡任賴竄贛榆豫
軍善慶砲斃任柱於城下賴文光北走戊辰宋軍駐直東
之淮路口截賊去路二月至五月大軍迭擊宗禹於德景
東昌大名繼轉戰至濟陽玉崑易裝乘夜入賊營大隊環
搗內外夾攻斃賊無算正擾攘五孩忽中砲落馬賊衆號

哭散亂所領紅旗馬隊三千人素號常勝軍宗禹所倚爲
長城者至是窮蹙乞降六月復蹙之於荏平宗禹竄死餘
衆潰散是役也玉崑以膽畧智勇名天下欽差大臣李文
忠左文襄豫撫李鶴年聯疏奏請由參將晉副將以總兵
記名賞振勇巴圖魯勇號而宋公亦倚玉崑如左右手擒
匪既平秦隴回匪起清廷調毅軍往會勦自榆林草地鹽
海子葛徵店等處攔勦而西所向皆捷復分兵截匪餉道
匪大窘渠魁白彥虎西遁追逐至寧夏搗金積堡金積堡
者西控長城東北據賀蘭河山襟帶爲羗戎通驛之路環
壘以百數匪首馬化龍踞之爲老巢

事平置
肅寧廳

九年庚午正

月提督劉松山以攻堡中殫死時忠勤統毅軍十二營玉
崑帶後路四營蔣東才帶前路八營兼管全軍營務忠勤
以師久無功密飭玉崑潛入敵壘覘虛實遂盡得其堅瑕

離合之狀

馬化龍曾受撫於甘督穆公外奉朝命內實反側左文襄大軍西征復遣董志原通款左拒之

劉松山陣亡樞府有咎左激變者追金積堡克復後盡得其反覆各文據左奏明朝議乃定即玉崑之得闌入賊中者原因亦本諸此十二月大軍克金積堡斬楊文治擒馬化龍誅

之論功加玉崑提督銜旋晉提督金忠介公順聞玉崑勇
畧調歸部下即統帶軍勝軍三營旗員陀雲步統領九營
開餉譁變玉崑率本部討平之張曜劉錦棠劾金順落職
喜都統接任錄玉崑功予標勝全軍十八營統領時宋公

拜會辦哈密勦匪之命玉崑獨留關外左文襄劉襄勤二公皆倚爲靖邊臂助時關外回匪倏忽往來行踪靡定而白彥虎黑瞎子小虎等尤凶悍玉崑統兵克烏魯木齊克昌吉克瑪納斯暨滿漢諸城戰皆全勝生擒黑瞎子白彥虎逃入俄界諸叛回聞風潰積功賞穿黃馬褂給雲騎尉世職厥後白彥虎復勾俄屬哈薩克時擾邊界玉崑懾之以威馭之以信刁斗無驚遠邇貼服計前後駐西域十六年收復天山南北名城以十數勦撫之餘繼以屯墾伊犁底定光緒十五年己丑請假歸省明年李文忠公奏調北洋隨辦營務宋忠勤適督師駐旅順委統毅軍後軍於是

玉崑與忠勤相別已十七年矣甲午中東之役玉崑奉命率所部毅軍隨前路欽差葉志超赴朝鮮葉庸懦諸將多不服調遣抵平壤玉崑攻左路奉軍統領左保貴攻右路血戰三晝夜互有殺傷葉志超擁兵不進以致右路先潰保貴陣亡玉崑奮死奪其尸激勵將士誓復仇左部馬步數營皆感激願隸玉崑麾下次日平明玉崑率衆復進連戰皆捷日兵潰退於三十里之黃州葉忽傳令停戰且調左舊部歸欽差統帶衆幾譁變玉崑好言撫之去是晚葉邀玉崑請頒退師令玉崑抗言曰玉崑帶兵三十年經數百戰常以不得死所爲恨今死於日本幸也寧肯臨敵退

縮重盼朝廷毆刀哉葉默然卒攜全軍退葉既退玉崑痛孤力之難成徒死之無益也時城外山深路險敵卡林立玉崑嚴裝冠帶率所部從容盪決退至鳳凰城之沙灘鎮而東藩事不可問矣後復從宋公連戰於田莊台大平山感王寨諸要隘迭有斬馘終以當事之措置乖方前敵之軍心渙散雖著賢勞無補大局暨和議成奉代理武衛左軍暨會辦全軍之旨擢授浙江提督調補直隸提督二十六年庚子拳匪肇釁八國聯軍壓天津時全權大臣榮祿節制武衛全軍親統武衛中軍坐鎮樞府六月飭提督聶士成統武衛前軍馳赴前敵時等匪憑朝命勢張甚士成

勦拳抗夷腹背受敵死紫竹林南玉崑率孤軍初戰於天津繼戰於北倉各省勤王之師率逗留不進玉崑在北倉上時相書曰玉崑甲午東征以後稍悉夷情外審內度雖進攻尙無把握而自守已立根基迭據派出密探稟稱俄法比三國占天津窪窪地西英德美日四國占西南各圍門及紫竹林共有兵一萬餘名漢奸降夷者又一萬餘人英德美各不願用兵惟俄法日三國狡焉思逞日本尤爲兇悍包打前敵又聞俄兵之在海參崴各處被鐵路人民與之爲難勢難分顧日本兵剔去傷亡其可戰者不過數千自天津戰後合計各國兵將損亡者約有萬人近復中

我地雷敵膽已寒未敢驟然深入等語伏思北倉爲第一重門戶四通八達非逐處設防難期周密王崑所部左軍久當前敵兼顧後路自六月初旬以來無多休息疲乏之餘甫經整理就緒必須重加訓練方可應敵刻聞張夏陳萬四軍俱已到京未得用武之地何如速臨前敵大張打伐之師夫津沽門戶也京都堂奧也門戶之賊旣滅堂奧自可無慮在敵人心志不齊徬徨瞻顧我軍正宜出其不意分道進剿擬請一軍由西路楊柳青過南窪土城楊碼頭鹹水沽直達新城一軍由東路軍糧城上小汀下小汀邢家莊等處迤邐至趙北莊一帶層層進逼合圍夾擊再

出大隊問道由蘆臺北塘節節前進截斷塘沽車路前扼其吭後撫其背可成破竹之勢然必須各省援兵齊臨前敵審察形勢方好布置玉崑當與諸統將聯成一氣籌商方畧合力同心共圖大舉則津沽恢復有日矣時相不能用且勤王諸將謁時相時相不時見人心愈渙有憤憤散去者玉崑見事不可爲旋奉旨移紮南苑尋扈蹕西巡留宋公辦晉防玉崑念宋公篤老直晉接壤義不忍使宋公獨當勁敵晉撫錫良亦願留玉崑駐晉垣策戰守合詞請旨詔許之是冬德法各軍侵紫荊關明年春犯五臺之長城嶺玉崑遣裨將力戰卻之與敵約劃疆守信使往來修

羊陸故事敵愾既戢李文忠得從容磋商言歸於好由玉
崑折衝力也聯軍退出玉崑回軍畿輔勦辦祁博大宛房
固等屬拳土各匪置提督行臺於通州兩宮回鑾賞隨扈
功加太子少保銜寵眷優渥同列無出其右者二十九年
冬日俄失和中國守局外中立玉崑奉命率所部出關古
北口至朝陽一帶沿邊千餘里置兵列戍駐節平泉居中
調度內靖匪亂外禦鄰氛櫛沐三年以一軍當兩戰國之
衝以一身任軍務交涉兩事之重邊防屹然無恙三十二
年春撤防回通州旋請假省墓特旨馳驛異數也假滿回
營七旬生辰兩宮賜壽三十四年八月二十七日薨於位

享年七十有一遺疏聞追贈太子太保二等輕車都尉世職予諡忠武玉崑忠勇根天性而智膽尤足以輔之幼畜一刀入夜輒有光閃爍照數武生平出入鋒鏑彈丸如雨跳輒挺身過無膚寸傷宋忠勤稱玉崑爲真福將雖楊忠武不是過也遇事持大體不以小利害爲欣戚馭兵嚴而有恩嘗飭諸將領云凡我軍所駐紮及經過處所必先張示開導彼能悔過自新我即既往不咎稍留生機以培元氣又云行軍以得民心爲要國家設兵衛民非以殃民聞他軍頗有騷擾聲名我軍切宜引爲炯戒又納降一事弊端百出切宜慎之於始遇有繳械投誠酌給價值資遣回籍

俾爲良善足矣又云臨之以威然後感之以德使彼知感知畏庶幾安分守法不致復滋事端方爲妥協否則水狎民玩恐姑息不足以安反側也故玉崑所至市不易肆農不輟耕至鄧來峯案之解散脅從教堂賠款案之請帑金以甦民困此其一斑耳玉崑之駐軍伊犁也哈薩克截掠官軍戰馬五十匹玉崑與俄領事交涉誠感理折俄使立予璧還赴朝鮮所部四營堅明約束秋毫無犯韓民壺漿迎道左且有朝夕尸祝以比唐之薛武衛明之戚武毅稱爲中國三賢將而立廟繪像以祀者庚子之役德將瓦德西爲聯軍總司令歸國瀕行贈玉崑西洋名馬其爲遠人

所欽挹如此性至孝在西路時太夫人遣紀綱以馬載衣物問玉崑玉崑愛敬逾常馬專舛牧養日省視焉後墜崖死玉崑痛惜幾殺牧者居恒以不得侍養爲恨治戎之暇思親每至淚下請假東歸太夫人幾不相認玉崑伏地叩拜語不成聲太夫人手撫之猶伏首母懷爲孺子慕夜置短榻於太夫人床前晨昏定省曲意承歡嘗謂少歲失恃堂上年高擬長依膝下不復作出山計及奉北洋奏調太夫人再三敦促始揮涕首塗光緒十六年玉崑自旅順奔劉太夫人之喪哀毀逾禮既窆擬廬墓終制竟以牽於朝命志不得達配王夫人于歸後食貧奉母賢孝稱遠邇玉崑

之駐節潞河也嘗一再至營次玉崑念糟糠之誼輒派隊郊迎食必同席朔望飭諸姬朝拜惟謹將弁有遭大故或婚嫁顛困事必厚予賻助有葭莩某聞父訃不奔喪玉崑薄之其人遂淹滯終身每入覲騶從儀仗填咽街巷軍樂數十人鏗鏘鞞鞞喧耀入東華門百姓皆駢肩累跡誇宮保好威儀忌者亦不能中也篤念故舊於宋忠勤公畢生執弟子禮請假省墓過故人王福照壠設奠拜哭厚恤其孤玉崑在直隸任內曾捐巨金請增渦陽學額二名三十二年皖北水災玉崑集巨金助賑并遴妥員赴六安州周家口等處購麥米雜糧數萬石設局渦蒙減價平糶全活

無算渦蒙初設學堂各捐萬金潁州中學堂捐三千金其
他置馬家集祭田修葛溝界溝兩石橋及設義塾種種義
行不可枚舉又嘗念民生日艱水旱無時不設法補濟殊
非久安常治之道與族侄敦仁議捐俸金三十萬減息設
質庫及豆油公司餘利仿平準法以時消息物價遇偏災
出之以賑貧乏未舉行而玉崑遽薨玉崑晚年好讀書公
餘集三五幕僚講五種遺規手寫孝弟忠信禮義廉恥八
字以贈後學或朗誦論語孟子及弔古戰場文遇得意處
輒擊節舞蹈其風趣如此薨於光緒三十四年八月又兩
月而兩宮先後崩又三年而清社屋論者謂玉崑薨於清

帝后之先故節終之典隆天重地要皆非他大臣所能希冀者子三長恩溥早卒次廉溥三廉德長孫朝棟次朝樑玉書字錦堂世居縣東之馬家集束髮從戎戰功與兄玉崑埒勇於殺賊和以處衆宋忠勤平捻亂剪回匪平新疆抗倭兵皆能執殳前驅拔戟成隊聯軍之役奉母命赴國難時相榮祿保補壽春總兵王書以母老力辭論者謂玉崑善激勵士氣故士皆效死玉書能調和人心故士皆樂死二難競爽相得益彰事母劉太夫人色養兼至玉崑在軍每寓書獎慰鄉居捍患好施爲地方所倚重清光緒二十四年捐白米二百石以賑貧民三十三年涸蒙水災捐

雜糧五十石在本集設粥廠蒙南陳搏橋小澗西陽集西
浮橋玉書皆捐重貨助工其他辦團緝匪義不避親鄉評
翕然民國七年卒年七十八歲

論曰當有清末葉朝政大壞外患日棘殘棋急劫雖國手
亦不能工矣忠武公起布衣提一旅之師摧狂寇禦強敵
轉戰萬餘里內外所至之處壯事老謀表表皆可以自見
晚年威望愈隆事權愈重獨能上結宮廷旁交親貴委蛇
容與以功名終雖曰天命其智畧洵不可及哉

張相泰

清光緒三十四年冬十月二十一日德宗景皇帝龍馭上

賓越二日慈禧皇太后宮車晏駕大喪迭聞天崩地岌宮闈事秘薄海震驚懷慶鎮總兵張相泰奉詔攀髯哀號寢食俱輟念禍變猝臨陰霾有漸冲人嗣統濟屯靡期惶惑悲傷染病日劇未數月竟以身殉夫國家興亡匹夫有責乃鼎望藩勲偷生竊寵曾兵子武人之不若其赧惡當復何如歐公有作得不以全節予王彥章哉相泰字偉人花溝集人性跣跣寡言笑稚年即以綏靖地方爲志攬轡澄清睥睨流輩初踐戎行受知於幫辦淮徐軍務田在田旋隸陳總兵國瑞部下遞保記名提督以總兵遇缺卽補授福建福寧鎮調河南懷慶鎮總兵終於任所相泰恢奇善

戰任使知人功在勦擒才長緝匪轉戰皖魯豫直各省尤有造於大河南北嘗克復清江王營西壩戰勝海州肅清沂徐海邳等府攻克山東兗州白蓮池白蓮池者教匪宋維明等所踞巢穴中環大山九山峻路險賊壁其上大軍至逆酋劉雙印迎戰敗之生擒雙印攻山月餘不下會大雨緣崖暗登大破之斬賊萬餘擒宋維明等尋解蒙城圍斬苗沛霖張宗禹之自陝而東也與相泰遇於清化鎮西南之吳村一日七戰皆捷光緒六年八月丁父憂家居十四年養晦邱園歷嘗辛苦時相泰已擢副將其清操如此十九年中東起衅相泰上書當道請起用宿將劉銘傳統

師由朝鮮攻所必救嚴守沿邊海口不戰以老其師俟敵軍回顧雷轟電掃擊其情歸斯成擒矣惜阻塞未蒙採納尋投毅軍歷統泰安前軍毅字後軍暨毅軍營務處錦州欽犯田大成聚夥千人橫行無忌飭大隊勦捕相泰僅主僕三人跟蹤緝從容指揮獲之於山海關車站擢升總兵庚子之役相泰統武威左軍後路各營與聯軍相持於紫竹林相泰緣夜兜入後路牽掣敵勢嗣經調赴前敵毅軍統領李大川及孫蔭二營帶先後陣亡相泰獨全師而退回鑿論功加擢提督二十九年履懷慶新任兼帶毅軍三營勦辦嵩汝一帶土匪十二月接篆卽隆禮厚幣請毅軍

同事蔡文光入幕遂相與遍歷所屬各府州縣查看山險形勢揣度人情風習拔擢驍將謝寶勝結識各地方正紳巨室先調毅軍兩營分紮河陝汝州縣繼以重兵扼要棋布星羅廣購眼線不二年慣兇張黑子羅六十姜根基盧鵝康金友韓四川等先後就擒漏網者只王天縱一人光緒丁未會匪張增盛煽衆起事趙學功乘機響應黃河迤北太行左右機關密布消息傳達一日可五六百里曾首出巡護從常數十人到處納過山禮暗號錯互行蹤詭秘相泰以殲首散從爲令廣諭曲誘各飭繳票自贖並查其勸繳多寡分給以匾額獎勵或鄉團領袖每與出會具結

之紳耆訪其組會之原委作用及會中機要人材推誠布
公引爲臂助遂於是年十二月初八日獲張增盛於溫縣
伏莽潛弭民國以來河朔獨風鶴無警皆相泰綢繆力也
嘗曰喜事邀功武人大戒然兵可不用不可不備又曰用
人之道察不可疏發不可驟每值讒間紛來玄黃易色必
鎮之以靜要之於終曲直是非無難立見用兵議定後動
動令既下卽泰山橫前麋鹿繞後勁氣直達依傍全空鎮
河北六年每恨生平規畫未能展施巡撫林紹年委道員
黃某管理全軍營務相泰薄其爲人糾三鎮僚佐及各行
營統領力請撤換巡撫爲收成命與謝寶勝爲昆弟交彌

留時顧幕友蔡文光曰時事浸以不佳倘有爲臣子所不
忍言者願先生左右子蘭翊贊中興相泰雖死亦無恨矣
子三用康永康早逝錫康尙幼孫四長鴻傑從戎毅軍

論曰余嘗讀明代南渡史竊嘆捐軀殉國之多超絕前古
有清末造何寂寂無義烈聞也夫左轂鳴君志士斷脰四
郊多壘壯夫赧顏射古爲招要在不欺平旦耳相泰知堅
冰之至警於履霜不得已憂愁憤懣以死板蕩誠臣茲足
尙已籌日之說稍疏遠不切事情然以守爲戰能者見同
奈當途之不寤何哉

牛斐然

子師韓

弟書琴

書田

安邦

曹市集牛氏其先出自微子以字爲姓自隴西徙居山東
明初有名清秀者宦遊安徽遂家於宿州之曹市集今隸
渦陽其族散處於秦旺板橋唐山三處豫撫李鶴年敘牛
氏家世稱其師皆父子旅盡兄弟捐家紓國厥功甚偉而
其首倡義旗勘定梓里者實自捷三封翁始捷三名斐然
宿州歲貢生父永潔母侯氏斐然六歲而孤家貧以筆代
耕自咽粗糲而以甘旨奉母母憐之斐然曰兒少壯宜茹
苦爲迎福地母色稍不豫必長跪得母歡而後已清咸豐
三年粵匪竄皖北捻匪張樂行等乘隙而起斐然練鄉團
命子樞韓從戎同治元年英翰知宿州斐然以捻勢蔓延

宜設法招撫令自拔來歸可以漸孤匪勢藉舒兵力英翰
許之斐然親蒞匪巢曉以順逆喻以利害收撫劉天福等
二十餘人張樂行始窘蹙不敢東竄三年春僧忠親王督
大軍擊張樂行於尹家溝大敗之時西陽集匪首李勤邦
高爐集匪首楊瑞英尙首鼠兩端樂行敗後遁依李勤邦
斐然奉英翰命說楊李二匪降即飭子師韓率練勇數百
護隨英翰至高爐集攜楊瑞英投誠全部赴西陽集生擒
張樂行父子送僧忠親王大營正法論功以道員記名候
補知府性樂善好施鄉鄰急難事竭力營救不足則典質
衣物以供其乏同治八年捐百金助建義正書院九年捐

地三百餘畝作院中膏火又捐義塚地十餘畝又勸弟安
邦書琴各捐地百畝入書院斐然微時以馬磨自給少有
獲輒分以給人每語家人曰我輩日減一餐可活數人我
無大損而人慶再生何憚而不爲也嘗郊行遇羣匪欲殺
之一匪前曰此善人也翼而去之斐然自以爲信及若輩
說降招撫之念實自此起年八十無疾而終

師韓字慕琦少從父問學通經史倜儻有大志清咸豐初
侍乃翁於宿城袁文成一見許爲國士時粵苗捻各匪相
繼起勢張甚皖北無完土果敏公英翰牧宿州以斐然長
團練師韓夜讀兵書晝歷戎行戰事每資贊助同治壬戌

斐然計擒張樂行等將俘諸僧邸時僧邸駐師於亭之義
門集上下二百餘里賊卡林立師韓匹馬摩壘過竟達僧
營僧喜拊其背曰子弱冠卽渾身都是膽耶皖大吏諗其
才委帶山字右營合諸軍攻破趙家海檀城集收撫各圩
擊退睢寧竄匪攻克周家堂解雒河圍靡役不從靡戰不
捷苗沛霖以大股圍蒙餉援俱絕岌岌旦夕潰師韓與同
里魏學純族叔書田先士卒突重圍約諸軍內外夾攻乘
勢踏平賊營數十座苗逆死亂軍中水陸道大通軍心始
固僞輔王陳得才擁衆號十萬所至裏脅師韓以爲投鼠
忌器殃及可憫乃遣裨將入賊營說順逆許立功自贖自

拔來歸與散歸鄉里者殆不可以數計賊勢遂孤嘗率敢死軍入僞端王藍長春營左右盪決斬數十百人奪大纛二賊潰追逐十餘里藍逆力竭自殺夥賊投誠英果敏檄統先鋒各起馬隊調赴郟城勦平任柱復統護衛營及山字俊字冠字先鋒左右翼馬步諸軍先後平張宗禹於荏平訪擒巨逆宋景詩於苛澤勦滅叛逆李劉於張家堂轉戰廿餘年一時如僧忠親王曾文正毛文達袁文誠英果敏及皖豫歷任各疆吏莫不倚重薦剡遞擢至記名提督頭品頂戴達春巴圖魯勇號光緒乙亥簡放河南歸德總鎮時北洋海防需人李文忠專疏留辦防務旋以大局平

定入京陛見飭赴歸德本任境內積匪慣盜搜緝一空民間有夜不閉戶之樂丁丑豫省災黎遍野師韓籌款賑濟撥軍糧賑災區恃以全活復於黑岡口修築大隄以工代賑親督工河上不辭勞瘁每俸滿豫撫輒奏請留任其倚裨之殷長城不啻也辛卯調河北鎮嗣丁外艱回籍軍民焚香叩送者數百里不絕甲午服闋入都簡授甘肅寧夏總兵值中東構釁朝命募勇防衛京畿劉忠誠坤一督師榆關調所部爲游擊之師兼統前敵馬步各營及馬關約定正擬遣散部伍赴任甘肅適逆回攻陷河狄圍李提督培榮於平戎驛士卒死傷畧盡西甯文報隔絕清廷以師

韓宿將命帶所部馬步十營星夜赴援師韓鑿空而行出賊不意抵大峽猝與賊遇師韓以數千里勞頓之餘哀師簡卒出二成隊破悍賊八千餘衆平戎百餘日之圍一戰而解西寧數百里文報一戰而通論者以師韓生平戰功此役稱第一焉以積勞乙未冬月卒於軍疾劇時以軍事喫緊猶力疾披閱函牘督諸將更番巡緝卒年五十有七師韓治軍不妄殺嘗追賊章邱賊先至某圩給之曰我官軍賊旋至矣善防之及師韓至圩中陡發巨礮師韓負重傷英翰欲屠之師韓力白其寃僅罪一二人性廉潔歸德任中從前陋規剷除殆盡急公樂善有父風助修渦陽巖

宮鄉會歲科各試造送試卷助川資以贍寒畯水旱偏災
或設粥廠或辦平糶現款不敷至變產以給死事上聞清
諭原籍及立功省分建立專祠戰績宣付史館子孫從優
議敘子五維棟維樑維楨維森維霖維霖戊午任宿縣知
事

牛書琴字韻齋斐然族弟也性剛毅有威嚴清咸豐二年
髮捻擾皖北書琴甫冠奉父不懷命投効皖軍時英翰牧
宿州委帶馬隊二十名隨姪師韓擒張樂行解蒙城苗沛
霖之圍拔充哨弁嗣攻克趙家海檀城集周家堂收撫各
圩擊退睢寧嵐匪解雒河集團左膀受傷英翰擢帶山字

右營兼護衛老中營其他黑石渡英霍麻黃桂平剡城之役皆著戰功英翰嘗稱之曰牛家軍積功遞保至提督銜記名總兵賞桓勇巴圖魯勇號贈三代一品封典歷署皖南鎮總兵徽州營參將右營中軍游擊迭統領皖南練軍馬步水師等營統帶山字護衛親軍新軍巡警各營管皖北營務光緒六年冬舒城曉天司馬變殺緝私勇十餘人地方官羽書告警皖撫裕祿檄書琴馳往查辦書琴以鹽勇裁誣激變僅辦首要地方賴以安全十一年南陵會匪蠢動陷西河鎮書琴率馬步隊往勦搗獲福壽堂忠義堂正龍頭熊海樓文太師等十餘人請命正法人心大定繳

票布三千餘人江督曾忠襄公國荃專摺題奏獎以識膽
俱優辦理合宜十七年蕪湖匪劫北京輪船焚天主堂聲
勢洶洶書琴聞警即輕騎至蕪苛燒立解其先聲奪人如
此袁京卿昶賦詩訂交以記其事書琴居官以保民衛商
爲主旨所至地方官紳及各國教士莫不感戴融洽每值
遷移軍民依戀若嬰兒之失慈母性孝友父八十三歲在
營夢父疾卽星夜歸省抵家父果病親侍湯藥日不交睫
及父卒年逾五十猶哀毀爲孺子慕兄書林侍養里第書
琴以已封贈兄嫂捐巨款創建牛氏宗祠立族約纂宗譜
皆苦心經營始底於成卒年七十有九子保裕清廩生保

楨保謙保慈

書琴弟書田字福齋受英翰知領山字營積閱遞保至儘
先副將光緒丙子由陝過歸德任師韓留帶練軍步隊豫
東與蘇魯接壤夙稱盜藪書田改裝購線緝獲巨匪數十
名未期年境內安謐丁亥河決鄭州奉激修黑岡口危隄
復浚陳州沙水故道以殺急溜戊子工竣河督吳大澂請
旨加獎甲午中東之役劉忠誠公督師榆關調書田赴前
敵駐秦皇島積勞成疾因以不起卒年五十有五清諭照
副將陣亡例賜卹子得勝師忠保坤

牛安邦字治臣初名魁每怒為衝陣賊見之輒驚呼曰牛

軍牛魁來矣皆披靡勢如壞墻積功至副將銜賞給敢勇
巴圖魯勇號以兵不自戢被告發亡命稍憤成狂疾尋卒
年未五十也

清陽居士言卷十二

三

涇陽風土記卷十三

涇陽縣知事葉縣黃佩蘭撰

人物中

田振邦

清宣統紀元之三年又六月詔川漢鐵路收歸國有川督趙爾豐以操切激變提督田振邦電奏請飭趙爾豐妥慎辦理勿操之過急致生意外寄諭以川事已責成趙爾豐該提督勿庸過慮七月十六日川民會成都趙奏亂黨逼城經田提督振邦擊退圍解奉旨加獎振邦乃上摺詳陳始末且言係良民陳情非叛民作亂路事宜收回成命衆

怒不可犯民心不可失武力鉗壓恐非國家之福旋偕將軍玉崑會銜劾趙爾豐欲邀大功先釀巨患請旨查辦以洩公憤均奉嚴旨申斥然朝議頗爲所動於是有端方入川之命端蒞境卽撤周善培等四人釋蒲殿俊等十一人徒以瞻徇惶惑橫死資州未幾而武昌之事起又未幾而清社屋振邦見川事大壞於十月十九日內渡寄寓潞河賚恨以歿論者謂以振邦之威望尙能權宜樹獨立之幟兩川糜爛當不至是豈知蕤賓之鐵百鍊彌超旣不能求容於權貴寧竄身窮荒以自樹立無端舉手定金甌坐視其破碎零丁以苟且一時之富貴以振邦之志操豈忍出

此且十年以來川事竟復何如則當日之軍民遮道淚眼
河山川民之不忍離振邦與振邦之不能忍置於川民者
其隱痛豈有既哉振邦字治臣渦陽田家樓人父崑梧豪
爽喜交遊凡落拓相投者解囊傾助家漸落買舟販毫蒙
懷泗間嘗曰大丈夫貴自立因人成事婦孺耳兄興泰有
異秉能隻手舉石鼎時捻匪大熾恐勢孤被脅號召族中
及戚黨健兒數百人結團自衛張樂行使人誘之曰若來
可使爲一旗主興泰笑曰作賊亦須受委任耶嫉惡如仇
遇不平事輒奮不顧身或擒而磔殺之父屢戒不能改有
駐防軍淫掠興泰怒曰爲民防賊故養兵兵害民亦賊也

食民食不憂民憂而反噬之兵罪且浮於賊留此輩地上
吾民無噍類矣率衆殺數十人傷其隊官父怒且懼欲執
興泰赴官自首乃潛逃投軍改名興魁從平擒匪出關隨
金忠介克伊犁帶軍標營駐精河廳游保副將加總兵銜
賞戴孔雀翎聞父母先後卒急辭差歸廬墓側取歷保札
文盡焚之曰幼違訓失嚴父歡踉蹌辭庭幃冀博微名贖
前愆今竟不得爲子矣平居不輕言笑一言之諾堅於金
石乘紫騮高六尺許日行數百里所用刀可五十斤輪轉
如飛見者神之振邦幼警敏父鍾愛異常兒從兄學技擊
術頗精能不施羈勒飛身控生馬同治初李文忠募軍淮

上入伍隸劉悤肅銘傳軍積功以把總儘先補用充左文襄西征軍馬隊哨官從統領桂錫楨克金積堡誅馬化龍當賊堡之將破也有悍回數千突圍出知不得脫欲引退振邦揮衆追擊我軍傷數十人振邦頭臂皆受創猶揮刀撲賊將斬之格鬥方酣悍賊持長矛刺振邦腹腸纍然出矣什長田占標斬賊救振邦出就醫四閱月始愈後詢降卒陣斬者卽化龍死黨楊文治也以功遷西征第一旗騎兵管帶坐失餉爲統領李廣珠所持去從張勤果曜河州充嵩武軍左路右營營官勤果嘗稱振邦與李永芳曰多鮑之流亞也河州克復振邦與永芳之力居多擢千總加

守備銜十二年春隨大軍出關定新疆歷保以參將歸河
南撫標補用加副將銜賞戴花翎駐軍喀什振邦請假省
親張祖之振邦素豪飲酒酣張起更衣使幕友固始張某
主席醉語侵振邦振邦怒批其頰譁聲達內庭張公出數
之曰田君功在國家與予同生死者數年若少之乎尙能
助予勸天下士耶明日斥張放歸振邦亦悔艾終身不復
縱飲十五年豫撫倪文蔚檄振邦同總兵李永芳成威靖
營李旋以憂去振邦統其師十九年中日之戰振邦率威
靖兩營偕嵩武軍統領劉士俊赴前敵同稟命於宋忠勤
公慶敵之逼南關嶺也風雪凜烈振邦見士卒衣單解其

擎擲地曰我與諸軍分冷耳軍士感奮摩敵壘宋公得退
守復州之牛頭衛用是器賞擬以振邦代士俊使馬玉崑
示意振邦曰劉無過我無功且同赴國難義當共濟宋又
面言之振邦固辭乃使兼嵩武軍總理營務處宋軍之駐
龍王廟唐王山感王寨也振邦乘間說宋宜擇要固守勿
浪戰不聽和議成八月遣散舊伍明年仍領豫防營歷管
精銳威靖豫立各營授衛輝營參將代理河北總兵分紮
彰懷許汝光洛迭勦哥老會渣呀山等匪前後十有二年
三十三年冬巡撫林紹年奏補荆子關副將明年正月授
四川建昌鎮總兵建昌去成都千餘里有勸振邦以重金

壽某邸求改善地者且許爲先容備苞苴振邦峻拒之六月入都陛見遇大學士鹿傳霖於仁壽殿陛鹿顧同列曰此新簡建昌鎮田君此行良苦然公宿將必能靖邊防安圍小石能知人也安圍張人駿字小石陳夔龍字皆前豫撫嘗論薦者十二月至建昌建昌古邛都地其人獷悍好殺男女皆兵雜處無城郭近者號淺山蠻遠者曰深山蠻土目白姆子馬達什母小牧雞阿侯吳春發二嗚馬家諾米大老虎無慮數十支而以阿侯吳春發爲最強時率衆焚掠內地自小相公嶺南至會理州及寧遠東南一帶逃匿幾無煙火同治間川督某調貴州提督周達武率兵三

萬勦辦蠻禍少戢周急功越次至深山遇伏前路三千人
傷亡殆盡適左文襄調達武赴陝邊備遂弛光緒三十三年
英人某遊歷蠻疆蠻人殺之署鎮唐鑑鳳山道員馬驥
等先後督勦師久無功乃歸罪於土司世襲游擊之冷鎮
榮都司都龍光等冷都懼潛匿深山中偵察路梗虜氛愈
熾及振邦至烽火達近郊各處警報日數至川督趙爾巽
以振邦篤老委幕僚陳廷緒署寧遠府實以覘之初見卽
以趙意訊方畧振邦笑曰小醜何足介督憲意振邦雖老
扣囊底智尙可以資廓清第不知督憲能否以特權相假
耳陳遽以聞趙壯之爲罷幫辦會辦各員時鎮標兵丁裁

撤畧盡所有巡防保哨鎮遠等七營不滿三千添募壯丁一千編爲九營委朱尙應一營駐越窩廳田占標一營駐小相嶺別一營駐瀘沽轉軍實宣統元年正月十一夜三鼓振邦率兵士四營走三十里抵馬達什母巢焚之令由山北西趨取白姆子老巢白姆子由山南折東來援我軍已犁其穴遂不戰而潰兩處老弱皆匿山谷中振邦搜出而慰之曰罪止渠魁爾良民勿驚恐卽白姆子等能於十日內繳械投降亦可予以不死若怙惡不悛卽屠戮勿遺育惟爾等圖之賜衣酒遣還然軍氣雖揚白姆子猶擁殘卒台小牧雞等十餘支倔強熱水場山中振邦謂廷緒曰

兵法攻其不意今日是矣廷緒喜請前驅振邦許之初六夜傳令大軍赴禮州以朱登五爲臨時指揮官戒之曰到禮州卽令洪常楨率本營會張開駿出北門由大道進攻朱登五王振清繞西北抄賊後路陣擒之人慎勿殺戮淺山成敗在此一舉臨時制宜諸君自爲之耳陳君宜住禮州城內次日大破蠻衆於禮州城北陣斃數百人擒二百人奪鎗械無算振邦聞報飛函廷緒釋所俘尋淺山各支先後請鑽皮飲血降爲約法四章事竣加提督銜振邦方簡軍實進規深山忽報二板房西數十里村莊突焚掠老碾鎮一帶被害尤甚振邦泫然曰緩師玩寇予過也夫自

劾請降階褫職卽日下令調瀘沽駐防一營同蔣天章駐
寧城內外與綠營專司守城土司冷鎮榮選丁壯五百專
任轉運五月初二日率管帶朱登五王振清張開駿洪常
楨田寶德等及土司都龍光之母某氏舊部兩千名直搗
二板房後調會理州團總蘇喜泰勇三千人駐錦川橋候
調吳春發聞大軍將至卽退入二板房復求救於阿侯大
老虎各支初十日至二板房駐師山西之鄧家村二板房
去寧城約三百餘里四圍峻嶺如列屏中平衍二十餘里
爲春發老巢環山木砦十四其東南二十餘里叢巘中鑿
穴十四名曰老峒積粟貯械爲窟穴春發好謀善戰羣蠻

聽指揮惟謹自謂可橫行凡建南總鎮履新必燒掠示威其故智也入山之路有三一西南山口可通會理州羊腸仄徑行二十里名餓老雕又數里曰鬼門關又數里曰楊棚子爲二板房最高之峯登之可覽全局上修碉樓容百人再進路畧坦此路蠻人不輕出入知者絕少一在西北通寧遠路雖崎嶇尙可行馬是爲必由大道一東方路通阿侯境山多老林錯互紛歧非久於此者不敢涉足振邦令蘇團紮東口以防阿侯都某氏梭巡各山口朱登五等輪流由西南山口進討戰數日雖有斬獲終以負嵎仰攻難登五等請濟師振邦曰狹逕相持將勇者勝雖衆何所用

之令守險番休五月念六日振邦親督戰王張洪三營進
撲朱田兩營小憇春發萃精銳穿拒日夕振邦持令箭號
於軍曰能突過山嶺一層人賞銀四兩回顧者斬遂佔第
一層山嶺戒朱登五曰黎明見西南方火起始進夜勿絕
槍聲又馳入田寶德營令田九龍選死士百爲前隊由西
南小徑乘夜趣楊棚子田陳率衆繼之四鼓奪賊礮樓守
嶺百人殲焉於是分途縱火鼓譟聲震山谷春發腹背受
敵各自逃竄十四木寨先後灰燼賊奔老崗是役也蠻人
死者五千有奇遂令張開駿紮楊棚子王振清朱登五紮
西北山口田寶德洪常楨分搜餘孽進規老崗三十日夜

狂風驟雨張開駿營忽聞山鳥啁啾不絕知敵來劫營潛
伏林中狙擊春發大敗自是蜷伏不復輕出六月初二日
進攻老崗道梗乃踞其對面山頂以巨礮轟擊諸山崗漸
傾頽樵汲路絕炊煙縷稀春發窘始自縛赴軍門乞降振
邦賞其死惟前此焚掠老碾鎮首領宜繳軍前正法交出
被擄人民被害村落分別賠償損失人民改漢裝學習漢
語每百家設小學堂一處聘請漢人教授條例十餘章以
示春發且告之曰爾能履行此約可以共享和平否則即
悉索爾賦待於境上老夫奉命而來王師不再舉也春發
唯唯遂於六月某日鑽皮盟如例此次創懲爲數百年所

未有又特令將賠償賑恤各費免去仍由公家籌墊納糧俟三年後實行蠻族尤感激過望聲威所及遠近讐服惟阿侯各支尙憑阻稽誅耳凱旋後廷緒請示師期振邦曰阿侯地大人衆非二板房可比我軍三千人病者大半安敢不自忖度輕敵躁進兵固有先聲而後實者誠得熟習蠻情之人諭以利害然後進兵威愛相濟可不戰而降也游擊楊枝茂請行振邦卽付以檄文攜通蠻語者二人輕騎入山楊陝興平人以侍衛授建昌守備拳勇通詩書留心夷務以剛直忤俗有謂其通蠻謀逆者趙督電振邦查辦振邦召枝茂與語大悅曰此建昌人材也飛電爲之昭

雪並陳其才實可用旋擢游擊冒險奉命所以報也楊去後卽整軍出發令冷鎮榮都龍光帶土兵爲前驅蔣天章謝希夷各以本部同徵調淺山一千餘人專顧後路餉運振邦親率征二板房五營趨阿侯老巢行經濫壩猓猓溝四塊壩等處諭以順逆至二鵞卽有二鵞馬家諾米等支迎降遂駐軍行受降儀式事未畢阿侯率子八人及其支中大小頭目赴軍門求降跪聽處分振邦扶阿侯起脫摹本緞襦褂衣之曰君能傾向朝廷不怙前非真豪傑士也吳春發抗師不得不施薄懲使請降再遲種類盡矣汝可轉告各支俾早日投誠本鎮當一視同仁倘囑強如故二

板房前車尙未遠也阿侯泣曰蠻人非敢行稱亂第漢官以犬馬畜之寃抑憤怨鋌而出此前年與周達武梭梭梁山之戰卽其類也今幸得再見天日求生有路有不崩角洗心者豈人類哉復詢及殺害英人事阿侯允繳犯歸其尸旋各支賡續至十月二十日大會於朱垓山中蠻人首領千餘從者數萬官軍大閱椎髻雕面之兒懽呼萬歲聲聞數十里事畢令廷緒先歸振邦帶兵兩營深入二百餘里履勘形勢行至妞妞梁子有山矗峙東南上有漢諸葛丞相祠阿侯於二鵞謁後卽遣人於祠畔建田將軍生祠振邦命毀之阿侯攜其長子跪而言曰前年丞相祠中大

礮無故自吼知中國有偉人至公天神也又顧其子曰此兒行將承襲請錫以嘉名振邦喜命曰效忠留數日十一月初四日抵鎮署廷緒奉觴上壽振邦肅然曰此次帥寬假及貴府調護所致予何力之有焉遂集文武謀善後事宜議於朱垓設立縣治移右營游擊同城分理以州判徐懷璋知縣事以楊枝茂董戎事其他應駐員弁應設學堂均派員查看次第施行呈上總督如其議奏名縣曰昭覺明年授本省提督軍民及蠻支首領均送至甯遠北六百里之大渡河七月初二日入成都提督徒擁虛名遇事附總督署名畫諾而已振邦任事三月奏請裁缺又請開缺

皆不准時趙督調奉天繼之者爲其弟前駐藏大臣爾豐
鐵路事起川人上書請收回成命不報七月初一日全城
罷市爾豐歸罪鐵路公司蒲殿俊等十五日逮捕殿俊鄧
孝可羅綸顏楷張枏等十一人幽之人民各奉德宗景皇
帝神牌齊赴總督衙門請釋殿俊趙飭衛隊槍斃十數人
次日鄉民聚衆數萬趙閉城門宣佈蒲及被斃人民罪狀
時大雨淋漓人民立泥淖中不去趙又飭鎗斃多人不逞
之徒乘機結同志會以相抵拒不數日官被驅逐幽囚者
十餘州縣崇甯州邛州新津灌縣龍泉驛均被佔據趙飭
第十七鎮統制朱慶瀾討平之九月欽使端方斃於資州

旋接瀘州轉電稱清帝已被吳祿貞逼遯關外南京政府
成立川省如仍此觀望黎元洪即派江興問罪師趙閱電
惶恐失措振邦時患痢甚劇力疾見之曰端午橋留資月
餘余派隊迎迓堅不肯來禍由自取今日拍電之人即前
日戕端之人無可疑議我輩既負地方責任自以固圉保
民爲惟一職守維持秩序靜俟朝命強兵在握疇敢侮子
時事至此視季和自主力何如耳趙猶與未幾重慶及瀘
敘二州皆宣告獨立爾豐欲自爲之恐衆不容欲聽人擁
振邦爲之以迭嬰彈章又恐爲振邦所不容十月初六日
竟以川督名義通告全省以蒲殿俊爲正都督以朱慶瀾

爲副都督節制全省軍務以振邦爲弼德院院長振邦笑曰尙以此羈縻老夫耶初國會請願團之聚於督署也趙爾巽開誠布公面允代奏川民皆歡呼忭舞此次請願人民抑豈不可感悟顧盡反乃兄之所爲何耶恣睢乖忤全蜀鼎沸身陷大戮清命亦因之淪胥吁可哀哉振邦北行至蘭州聞共和告成將所帶衛隊交陝督長庚僑居通州卒年七十振邦出入兵間五十餘年身經數百戰被創三十餘處長身鶴立貌清竒居平不輕喜怒臨大事議論風生執法不遑親故嘗諭將士曰兵與我同生死賞罰必持之以信一事言行不顧則倖免躁進之念起用人如大匠

用木取長棄短不追既往繩大節而矜細行天下無可用
之人矣歷官數十年家資僅足供饘粥在建昌有終焉之
志嘗曰海外扶餘不較勝於奔走侯門耶治軍之餘喜令
人讀書而已聽之至君子疾沒世而名不稱輒仰面長嘆
臨終戒二子曰我虛生辜父母恩爾輩於三不朽中能有
其一我瞑目矣不爾吾不得爲有子也振邦著有平蠻始
末記子長兆馨次飛

魏學純

姪玉

魏學純字修臣殷家廟人世業儒學純善騎射饒膂力果
敏公英翰牧宿州飭辦鄉團學純偕同里牛師韓率子弟

兵捍桑梓屢挫擒鋒皖撫唐訓方保給六品銜賞戴藍翎以千總儘先拔補同治二年與牛師韓解蒙城之圍當激戰方殷流彈傷額姪玉代之賴以賫事皖撫喬松年保守備加都司銜并賞換花翎同治四年張宗禹圍渦陽衆數十萬學純與正陽把總黃鳴鐸商定方畧裹創力戰適援軍麇集遂解渦陽圍擢游擊加叅將銜旋委帶安徽山字中營又僞端王藍長春旬粵匪掠霍六等處學純同諸軍轉戰數百里卒殲之於黑石渡奉旨以叅將加副將銜並賞給堅勇巴圖魯勇號六年巨匪任柱踞宿郟學純隨宋忠勤公敗之於鉅野任柱斃贛榆時餘匪黃勝周七等尙

出沒曹徐間學純駐防姚灣鎮鎮西臨運河一夕大風有糧船順流疾駛學純呼將弁數人戒之曰是船至葦渡如不泊務悉縛解軍轅少縱殺勿赦未幾拘數人至鞠之果通賊黃勝也幕僚皆驚喜問故學純曰凡事之駭爲神異者究其理實尋常風浪險惡虛舟且停橈豈有糧艘而乘風破浪夜以繼日者乎且葦渡百里外無泊埠冒險逃死情事顯然粗心人漫不加察斯不免交臂失之耳是年十一月拜副將加總兵銜之命七年從諸軍平張宗禹於荏平旋升總兵加提督銜幫統安徽山字營馬步全軍軍駐臨清學純以地方彫殘約部伍逾常格果敏公有養子名

宗勝者所部入臨境以騷擾聞先驅誤犯魏營學純斬以
徇宗勝恚甚愬諸果敏果敏曰周亞夫屯兵細柳漢帝勞
之尙按轡徐行汝何人敢犯魏營耶十一年撻孽李劉擾
光固學純敗之於張家堂黨羽潰散十二月英翰撫皖保
奏以提督遇缺簡放十二年駐防阜陽紳商請駐紮城內
學純曰重兵踞城行軍所忌且諺云與兵爲鄰者不祥諸
君獨未思耶衆感謝移駐三里灣會城內火學純率弁卒
百餘趨撲救過小隅首街聞哭聲哀甚尋至孫姓宅見婦
孺三人扶棺悲號問之曰翁姑夫君停柩室內火且至無
與助昇出者願守此同爲灰燼耳學純立命健卒移三柩

置宅外甫踰閭火及簷際矣光緒二年宿州土匪匡同等聚衆數千人劫掠濉溪百善柳子各鎮渦境陳駱頭乘勢起學純隨壽春鎮郭寶昌相機勦辦未兩月一律肅清旋移防渦陽時大亂之後災黎遍野學純出儲粟百餘石助城紳設粥廠全活無算與牛師韓釀金建果敏公英翰祠於渦城九年豫撫李鶴年奏調赴豫委管歸德練軍馬步全營營務駐周口鎮十三年河決鄭州監修黑岡口隄工及大工告成奉旨給三代正一品封典請假養疴家居十餘載十八年渦陽官紳議創建學宮學純慨捐市宅地基十餘畝以妥至聖邑宰張樹建爲勒碑以紀其事卒年五

十有五奉旨追贈建威將軍照提督例賜卹子七漢文漢章漢武咀華漢卿漢凌漢廷

玉字荆璞學純猶子父學益庠生性剛直胆識過人弱冠隨學純轉戰皖魯直各行省累功洊保叅將加副將銜玉貌妙齡戴珊瑚冠披孔雀翎彪彪然見者謂漢孫伯符北朝蘭陵王不是過也皖撫英翰練騎兵八百擢玉爲幫統每衝鋒陷陣瞬息開合如百道驚電不可逼視六年冬撚匪既平悍黨金春明猶踞臨清之平輿集官軍久攻不下玉曰不入虎穴焉得虎子詰朝甫交綏玉易服隨賊陣入匪巢手擬破賊方畧購死士賫達統領牛師韓賊旋偵知

押玉赴春明玉慷慨諭春明降左右欲殺之春明日渠畏死即不來乘人之危不武殺義士不祥竟縱玉歸師韓卒用玉策殲春明玉至臨清北盜狙殺之卒年二十四無子堂弟祿亦以戰功臻副將

宋朝儒

宋朝儒字佩珍世居安徽鳳臺縣父文清避亂渦陽歿葬雒河北岸之一里岡故又爲渦人母孫生子五朝儒其四也兄弟當髮撚之亂皆能以鄉勇殺賊先後死難母孫及長嫂尤次嫂王殉焉朝儒年二十二誓復仇投効皖軍隸總兵郭寶昌麾下追勦苗撚以功擢守備同治六年奏調

入陝三月由潼關渡渭河遇賊馬隊接戰勝之時西撚大股紮臨平鎮頭隊馬二千人抵醴泉西南之傅家莊徐家堡等處官軍四鼓襲破之斬五百級初十日戰醴泉縣西十四戰於石牛山勝之十五日進攻臨平朝儒首先衝鋒張懷玉繼之郭寶昌傍山進激戰數小時賊被轟斃甚多而毅等軍遙助聲威日暮賊大敗竄走官軍追十餘里掃賊巢數十處拔出難民數千交乾州安置自是至十一月轉戰於陝之北山各州縣大小百餘累功以游擊儘先補用加副將銜十一月復綏德州七年正月撚由延安竄延長探龍王場冰橋方結竄山西破吉州湘卓兩軍躡其後

敗賊西門外復吉州城統領郭寶昌補壽州鎮是月撚由高平南竄走虹霓關攻武陟將圍城官軍至立解二月遷總兵六月左帥檄赴吳橋連鎮包頭運河沿一帶戰皆捷二十八日蹙張宗禹於荏平滅之直隸肅清奉旨以提督記名遇缺簡放旋隨左文襄西征甘回由同州克復和陽韓城駐師宜川延長回屢竄擾擊敗之時大兵之後荒旱相繼餓殍滿道餉需將匱朝儒探知延長有小米黑豆十八窰會縣稟准開放並買麥數十石助賑分卓軍步隊作五軍馬隊作十起朝儒改帶前軍仍駐延長四月郭寶昌回韓城就醫金運昌接統軍務朝儒進定邊古城花馬池

時劉忠壯松山攻金積堡被圍急調卓軍赴援而以定邊北路責朝儒時八年十月也旋接金運昌契箭調朝儒進兵朝儒以奏派駐紮之所不敢擅離奈金檄調甚急朝儒不得已二十八日開隊二十九日定邊失守兩日夜抵洪城遇逆回戰且走抵王家寨與金劉商應敵策九年正月十五日出隊回馬數十萬湘卓兩軍不滿二萬自辰至未傷亡無數回見紅號衣疑陳國瑞至賊呼國瑞為小紅孩始驚走乘勝追殺數千人收王洪周賓兩寨繼由徐城移紮徐新寨疏通糧路與武毅各軍聲氣始接九月攻馬家灘連蹋其卡堡數處復與湘軍會攻月餘不克招降不應遂築炮台

兩軍輪流施放兩月中鎗彈雨集無半尅停回衆旋斃旋集前仆後繼最後相率撲河死無一降者所見悍賊未有如馬家灘之愍不畏死者洵五族中之別具特性者矣十二月克金積堡朝儒以金創發請假歸里十二年冬郭寶昌請終養開缺奉旨委署壽春鎮十三年閏四月交卸仍歸江督補用是年河決淮水大漲奉巡撫電赴壽州籌辦工賑徑歷潁州太和一帶查勘災情并攜款撫卹朝儒觀昏墊實情稟請設局撫卹並疏通河流以殺水勢巡撫陳夔以所議切中時事飭與任道蘭生會商辦理遂建疏濬肥河之議十四年正月朝儒親抵闕墮集勘得肥勢上自

臺阜交界之高公廟暨渦屬張村舖一帶河窄水淺淤塞不通下至展溝闕墮楊村集及峽山口肥淮毗連汪洋一片非先疏上游無以分下游之勢遂親赴潁商同任蘭生請欸三千金試辦派副將陳學堂領管二月動工六月水勢大漲在事員弁出入波浪烈日中而上游工程浩大稟請續欸添募夫分段挑築十五年三月工竣河流順軌至今賴之先是江督曾國荃以驍勇善戰謀畧兼優威望素著堪勝陸路實缺提鎮之任密奏於朝八月廵撫陳夔保奏將才二十年補授九江總兵時朝儒在天津防次二十一年正月移駐山海關奉命兼統泰安軍六營泰安士

卒多雄傑士創募於田在田繼者多不克撫馭朝儒接統
後裁汰冗弱督飭操練數月安靜無事中日和議成奉旨
裁撤朝儒命提督周雲田督隊回皖自統泰安軍赴山東
德州遣散二十二年八月赴江西任鎮地上屏楚鄂下蔽
皖蘇華洋交涉五方雜處朝儒蒞任逐端查勘叅撤湖口
營官武建昭大閱新勁選鋒等營均應上考三年期滿疆
吏奏准聯任朝儒馭軍嚴明而謙和退讓口不言功郭寶
昌前後因傷請假卓軍接統疆吏皆屬意朝儒朝儒固讓
金運昌而已下之避難依渦陽馬氏情誼敦如骨肉始終
罔渝母太夫人孫及兄朝望朝長朝典與弟朝振並嫂尤

氏王氏皆奉旨旌表附祀忠義節孝祠旋自九江調壽春
鎮二十六年卒年六十一歲子六學騫現任蕪湖警察廳
長

孫萬林

孫萬林字壽卿孫家集人父煥母紀生子四女一女適同
里祝行時長子萬福次萬年三即萬林四萬鑑同治初入
伍隸嵩武軍張勤果公曜麾下從軍西征積功由外委洊
升總兵官加提督銜賞給達春巴圖魯欽字勇號光緒十
年從張曜晉京疏濬皇城之北城河十二年復從張曜查
勘山東河工嗣張曜任山東巡撫萬林駐煙台石灰窰修

煙台甯海州至威海衛西山口道路化嶮爲夷交通稱便
二十年冬中日失和山東巡撫李秉衡檄調萬林帶嵩武
中軍右營兼招募福字三礮隊督赴榮城策應先行軍隊
萬林行抵橋頭適河防五營潰兵麇集李秉衡卽命萬林
兼統之時承平日久武備懈弛日人乘勢寇橋頭萬林力
卻之會分統閻得勝先期遁軍心皇惑日人整伍復進大
戰於孫家灘萬林以忠義勉士卒所向披靡卒以衆寡不
敵稍稍引卻猶於寧海文登境之龍泉塘小蘆莊申閻子
等處三戰日人殪其二酋函首一日人氣奪二十一年駐
文登城內奉令將原隊改爲東字正軍五營萬林仍爲統

州陽風土言卷三
領並送其餘營回省二十四年駐平度州歸軍統夏辛酉
節制有許萬林者初省令逮勘閻得勝甚急坐以臨陣退
縮律論死至是忌者遂傾萬林省令夏辛酉澈查辛酉與
閻得勝同鄉稟復含混山東巡撫張汝梅奏准革職發往
軍台効力二十五年四月到台二十六年正月錫良任山
西按察使陞見奏白其寃赦萬林回充武衛中軍前路前
營管帶會聯軍寇京津簡爲武衛中軍前路統領並開復
原官銜翎著督隊攻京都之東交民巷授陝西河州鎮總
兵兩宮西幸萬林扈駕至大同改授南陽鎮總兵蒞任三
年餘捕務振興地方安謐三十年調四川松潘鎮三十一

年六月蒞川會西藏苗夷作亂川軍無功總督錫良憂甚萬林從容前曰苗夷小醜罔知國家威德萬林不敏竊以爲三寸舌固賢於十萬師也錫良壯其言立命署建昌鎮總兵萬林到任卽下令解嚴簡從者二人馳驛入藏命舌人傳語曰孫總兵來藏酋大驚急趨謁萬林掀髯痛論背朝廷非計開戰端不祥諄切譬喻洋洋數千言譯達其意藏酋大喜過望曰公何來之晚也於是罷兵議和川邊翕然萬林自藏歸途中瘴毒一日升公堂慮囚甫罷失足仆地噤不能語遂不起在官越四旬卒年六十有三錫良聞之泫然曰孫萬林威鎮苗夷何天奪之速也贈銀三千兩

治喪子三義子二於萬林事蹟多不能省記此傳多得其
祝氏甥從恩口述焉

陸懷恩

陸懷恩字欽承舊城集人武生投効皖軍同治五年納粟
賞都司銜六年張宗禹任柱分擾宿遷郟城等處隨牛師
韓破之於五河臨邑擢游擊賞戴花翎及鋒勇巴圖魯勇
號加副將銜悍匪孫標蹂魯官軍屢勦失利懷恩募壯士
屢入賊中誘出劫掠設伏大敗之生擒孫標魯晉豫三省
肅清升副將仍留原標候補旋從馬忠武由榆林草地勦
回匪語在忠武傳欽差大臣金順奏賞二品封典又游保

總兵記名簡放旋師隸豫標巡撫鹿邊倪均加保薦乙未
回匪陷河狄隨牛師韓率豫凱全軍赴甘肅大峽之戰盪
平回氛牛統領卒於軍陝甘督帥楊昌濬委懷恩統領豫
凱馬步全軍回防後授荆關協鎮卒年六十二

張從龍

張從龍字登雲少無賴爲友報仇殺人羈獄吏索之錢乘
不備以鐵鎖擊吏頭血泔泔下吏訴之官怒從龍曰殺人
姑貸死復行兇獄中呵令杖從龍曰囚殺人以平不平官
以爲罪死無憾吏敢劫囚錢是不平者先自吏始也囚代
官擊不平吏官不之賞顧刑之乎請與吏迭受杖吏大恐

官麾之去清咸豐五年粵寇破亳城從龍逸投効官軍以
功遞保泰將同治二年克山東長城撚逆進攻白蓮池擊
退援賊獲匪首劉雙印擢副將署漕標中軍副將統帶各
營十二月二十六日蒙城圍解沛霖餘黨苗憬開張達猷
趙兌元竄雙澗集從龍擒之解僧邸大營收撫下蔡等處
以總兵記名簡放赴桃源成子河一帶防勦五年四月賊
來犯擊走之六年補廣羅協定副將未赴任七年賴文光
就擒擢記名提督給額騰額巴圖魯勇號安徽巡撫英翰
咨調防守運河西長牆撚逆蕩平賞穿黃馬褂先後擒獲
劉兆燦朱芳茂等均交部從優議敘光緒二年署淮揚鎮

總兵授貴州騰越鎮總兵復經江南大吏奏留督馬步軍
鎮守淮安六年卒於軍

諸劉孫丁羅傳

春秋嚴夷夏之防然夷之進於中國者則中國之後儒正
統之論聚訟紛如南朝以北庭爲索虜北亦以南爲島夷
蜀魏之爭迨兩宋而迄無定議霸國之史其不足論定天
下士也彰彰明矣然即以霸國而言彼一代佐命之勲其
中之草寇纍囚豈少也哉有清咸同之亂渦人之激而走
險與感而效順者所在多有要皆不足爲英雄諱本三代
直道之遺以民吾民當亦惇史所心許者爾劉保忠字蓋

臣初名天福少負奇氣以清紀倣擾地方魚爛率順河集子弟結砦自衛迭感清崇安軍於澮河橋殄伊興額等軍於汶之沙河鎮張樂行請天福爲藍旗黑邊旗旗主天福姑應之旋築圩於順河集東之徐家樓苗蒨霖煬勝保總領淮北團練獨心忌天福率衆十數萬圍徐家樓掘長塹困之天福募族中健兒飛馬踰塹求援於駐紮宿永之五色旗苗西竄擾雉河集天福率衆大敗之於渦河南岸蒨霖盡拋其輜重而遁同治二年英翰治兵皖北憐材愛民牛師韓魏學純之流皆奮起戎行乃介英翰投僧忠親王麾下王賜名保忠委帶左翼馬隊轉戰宿遷郟城等處撚

首魯王任懷邦卽世所稱任柱者也爲保忠義子驍勇善戰屢窘辱僧部聞保忠在僧軍相遇輒捲旗避其威信所及如此六年撻氛肅清遞保記名簡放總兵加提督銜是時渦邑新造保忠隨英翰至渦見亂後締造維艱首倡捐縣署地基一所約十畝餘捐貲置考棚號板七年卒於鳳陽差次年四十八子三長治國六品廕生次華國三綸閣廩貢生女瑞芝以貞烈旌表另有傳

劉思忠字顯臣順河集人勇毅有膽識同治元年果敏公英翰委帶馬隊二年解蒙城圍三年隨大軍至霍山剿大股撻匪於黑石渡四年張宗禹圍渦陽翼布政使英翰潰

圍請援援兵至思忠首先衝鋒左手受創甚劇猶率衆連破賊壘圍爲之解旋委統帶親軍各起馬隊六年隨皖軍進擊竄撲運河之撚匪大小數十戰以善於接隊屢立功歷保記名總兵嗣統帶卓勝中營練軍左營駐防六安梁山壽州等處所駐之地軍民歡洽光緒十一年江督曾忠襄公國荃委署壽州中營游擊思忠溫雅有儒將風性明敏料事多奇中每倩幕友宋錫祿說史漢紀載兵事遇得意處輒躍然曰吾某戰情勢正復爾爾二十年程壯勤支炳調赴山海關防堵以和議成憂憤死年六十一弟志忠字敏卿隨兄勦撚累功至補用游擊卒年六十長子雲

鵬繼兄後次紹唐

劉開講字貫一年十五即委蛇於倣擾中反正後隸徐登善部下從大軍蹙苗沛霖於蒙城四年解渦陽圍以功擢守備粵匪陳得材等竄英山從按察使英翰敗之又敗之於黑石渡遷游擊晉副將會任柱李允等擾魯蘇追勦於宿遷大戰三晝夜詐敗出不意反擊斬獲無算開講功最加提督銜記名簡放總兵光緒初駐防潁州及河決鄭州潁陷爲澤國前後襄辦賑務實惠及民歸林下研求田法治喉症尤精良卒年六十子潤芳潤玉潤義潤修孫之友字蘭谷澗之孫家樓人好勇性剛烈遇事人避其

鋒咸呼之曰孫五雷母劉賢而有威之友每與人爭母至則解入市得錢輒散給貧乏然絲毫必稟之堂上張樂行美其勇邀之不從旋劫其母乃勉從之尋乘隙負其母避亳城中長跪請罪願堅守拒樂行母命爲背城之戰遂絕城敗賊城賴以全嘗以孤軍破撓數萬衆後轉戰數省屢立奇功統領奇勝孚勝等營馬步各軍授河南會亭營叅將升荆子關副將以總兵記名在任善政叠興仁風普被湘人敖天印駐防丹口與之友積不相能邀之友營中伏甲殺之以叛浙民悼念爲立孫五將軍廟侄立士以營官戰死回疆

丁訓洙字傳魯城南丁家若人偉岸有膽畧清同治二年
投僧忠親王麾下四年與解雉河集之圍厥後勦東西撚
靡役不從每戰必先光緒二年隨左文襄公西征克金積
堡收馬納斯南城斬關直入股受矛傷臂中流彈裏創力
戰餘勇可賈西域底定以傷疾觸發請假回籍前後積功
迭保副將以總兵記名賞頭品頂戴家居數年口不言功
非公事不見邑宰卒年六十四

羅永謙字福齋大羅家人父克有永謙少從戎驍勇爲一
時冠攻王家圍蕩金積堡皆橫擄悍鋒拔戟先登洵擢記
名簡放總兵清光緒二年卒於甘肅行營年二十九嗣絕

事跡無徵惟餘諾身數軸而已時有劉永敬號餓狼者擁
數十萬烏合之衆戰必勝攻必取望敵塵而知其強弱之
所在雖目不識書而指天畫地算無遺策張樂行龔得等
深用嫉忌誘殺之於正陽關撚黨之分崩離析實始於此
夫窮則矢天日以相依附及勢權稍逼輒傾軋戕賊寧自
陷於滅亡而不悔此則吾民族最劣之天性李秀成之所
由泣血而曾文正公之所以長言永嘆者也且撫后虐讐
何常之有不深究其成敗之故顧總總然曰若輩固由匪
而投誠者亦淺之乎爲丈夫矣

劉廷颺

劉廷颺字海臣蒙城劉氏後徙居潁河北岸之劉家樓曾
祖樂水庠生與楊宏烈後人迭爲師友幼子攜隣媵一稊楷
歸樂水鞭之急母讓之樂水曰非義而取者盜也稊楷不
止一芥幼不之警薪一燥不可束矣祖懷義廩膳生孤峭
有威重斷壘寒旣授徒太清宮視世榮利泊如也鄰無賴
子謀逼媵節行有日矣媵訴諸懷義懷義招無賴子將懲
之無賴子夜持刃赴懷義懷義大聲呵斥無賴子刀墜地
不覺其膝之屈也媵節卒賴以全父純修循謹稱長者廷
颺少聰穎六歲讀論語過目成誦師取禹貢授之一覽能
通大意塾師驚爲宿慧八歲夜有盜家人驚呼盜逸廷颺

亦失所在比曉挺身歸云夜尾盜得其穴如其言掩執之
賊徵宛然長溺苦於學取家中藏書盡讀之慷慨自喜不
屑屑章句貼括之習清咸同間天下大亂粵匪初平而撻
首餘孽猶縱橫於大河南北各行省擁衆輒百萬過無噍
類屠無堅城僧忠親王以八旗勁旅蹶於曹南曾李元老
亦屢爲所挫時果敏公英翰治軍宿州廷颺上書陳方畧
謂撻匪脅良民以助聲援狂奔挺走不可捉摸宜先招撫
以孤其勢次兜剿以殲其渠威信兼施蕩平自易果敏壯
之立委以招撫事宜廷颺遂收服悍匪曹金榮等三千人
馬二千匹於曹州城下厥後秦晉畿輔之戰靡役不從以

功遷都司加游擊銜在軍中手不釋卷尤好史記通鑑人或疑廷颺行裝之多發之累累然皆冊籍也生平雅重儒生大軍所駐必訪賢士而造其廬求其遺書嘗於寧陵得呂新吾奏議重梓以行迨中俄失懽廷颺率皖馬隊赴山海關媾成廷颺按諸營壘嘆曰兵氣不揚國其不振矣乎遂乞養歸林下絕口不言兵事每選勝出游訪古跡河洛觀瀑匡廬雁宕窮極幽邈嘗北走瀋陽觀清代諸陵慨然知王氣之將終一日泛舟湖口登小姑山遇彭剛直公玉麟於僧寺中留月餘剛直曰始吾謂公亦尋常武弁耳今乃知公人傑也勸改文職廷颺謝焉旋丁父艱乞終制皖

撫裕祿以南肥河淤塞發帑四萬金委宋朝儒董其事廷
颺胼胝於役河流大暢至今賴之晚年充合興當經理尊
師訓子尤致力周易悟理數合一之旨旁及堪輿星卜之
學皆粹然一歸於正配周氏子二長鴻慶前國會議員安
徽財政廳長次鴻儒

馮侯馬鄧焦傳

馮殿英字奎齋曹市集人軀幹魁梧謀勇兼優值髮撚之
亂室家蕩然乃投効於程壯勤公文炳委帶威靖營轉戰
豫皖直東卓著戰功肅清東南後逆回猖獗統領卓勝馬
隊西征轉戰於秦晉關隴間每戰皆身先士卒當者披靡

積功遞保至記名提督賞戴花翎躍勇巴圖魯勇號光緒十年法人構釁廣西巡撫潘公奏調募勇赴越南受瘴卒年四十有四子守仁殉

侯德明字潤生曹市集人成童從戎勦撻之役助解麻城圍肅清皖境西征之師敗賊同州解朝邑圍克復綏德州平金積堡克復甯靈肅三府清光緒五年調防新疆攻克烏魯木齊吐魯番南八路尋調防精河克復馬納斯塔爾巴哈台初受拔擢於同里牛師韓繼隸壽春鎮郭寶昌麾下後分領卓勝左軍步隊積功遞保以總兵記名簡放十年十月初四日新疆巡撫劉錦棠奏侯德明戰績奉上

諭新疆底定以來該軍分防要隘搜捕餘匪馳驅於冰天
沙漠之中閱時六載實屬異常出力著以提督交軍機處
記名請旨簡放旋以親老請假南旋十二年統帶卓勝後
左等營駐防蕪湖東西梁山江督劉坤一及蘇撫奏調統
領飛划緝私等營德明勇敢善戰馭下嚴而有恩故所向
有功蘇省私梟充斥德明防緝精嚴不弛不擾感受暑濕
觸舊傷十九年卒於蘇州差次

馬思讓字遜甫河北馬氏清咸豐末隨甘州馬提督駐豫
防邊同治六年隨豫軍防守運河撫匪盪平駐軍宜陽永
甯補盧氏縣守備嗣充馬隊營官勦匪陝西擢都司留陝

隨馬玉崑克復烏魯木齊各城晉游擊加副將銜以母病告養歸里家居修葺馬氏宗祠創設敦本小學校宣統二年卒

鄧大順字理臣彪狸舖人投効豫軍咸豐八年在亳北擒撻首南道同治三年破息縣賊巢擒斬趙國良簡世然五年勦賊商邱敗之於大周集七年挖守運河十一年克復肅州光緒十一年六月撤防調京師濬內外城河十六年管帶豫軍後營勦辦太和哥匪鐵通前後以功遞擢泰將加副將銜二十年駐遼陽州丁母憂回籍卒

焦承佑字福堂龍山人時清僧忠親王初蒞皖北翼長蘇

清陽居士言卷三
三
克金駐軍渦北承佑隸部下巨匪相盤負固石弓山蘇飭
隊進勦承佑奮勇前驅擒相盤斬之尋隨勦山東教匪迭
克姜米砦金家樓等處曹州之變克金殉難承佑旋投卓
勝營西征馬家灘金積堡包頭之役皆身先士卒所向克
捷陝甘肅清請假旋里光緒二十四年牛劉倡亂同郭寶
昌駐西陽集擒匪首劉疙瘡獻之積功擢叅將加副將銜
署壽春中營游擊歸兩江督標補用帶卓勝親軍馬隊宣
統元年病卒

馬驥才

弟紹統

馬驥才字維德恩貢銓授鳳陽縣教諭兄弟三次紹統三

立統驥才其長也幼遭撓亂避難於丁家寨父若淵母鄭氏相繼歿家貧無以殮且道路荊棘難安窶窆泣不欲生有鄰母曹憐其孝使子爽等代措薄棺乘夜舁葬故里後以義母事曹亂平歸省親墓適紹統患痘危假破牛車兄推弟挽仰瞻馬鬣哀號幾絕至家則蕩然如洗唯餘一釜一鉢而已驥才勵志讀書雖乾餼不給未嘗輟業弟紹統經商以佐脩脯資初鬻茶賣餅於市以首戴釜蓋貯貨而行久頂摩捺隆起如癭婦王氏典嫁時衣數襲得金設順成錢業於北城紹統以食指漸繁乃移居官路口朝城暮鄉不以爲勞家漸裕同治七年皖撫英翰請重金修澗城

委提督熊思心立董其事驥才曰渦當水陸衝軍事商業關係亟重宜大其規模爲百年計熊意在速成卒不納縣設學宮無拔貢生額驥才稟承當道援例力爭往來函牘如束筍光緒乙酉始獲列科十一年縣令符兆鵬議修學宮商同驥才請准隨糧加捐三年帶征議甫就攻訐迭起轆轤八年事乃寢光緒十八年知縣張樹建重申前議少加變通工乃成驥才手植松柏百餘株環繞宮墻以爲紀念二十四年牛師秀倡亂曹市集全境騷然驥才內籌防務外請援兵難平口不言勞次年境內大饑復商請賑銀十萬並募雜糧以充義賑躬自查勘寢不安席全活饑民

二十餘萬驥才孝友出於天性以患難彌加淬礪同胞三人白首無私蓄閨門無諄語有骨月不相能者輒曰胡不觀馬維翁兄弟乎宋朝儒總戎來澗對驥才嘆曰吾獨不如公兄弟和睦而聚處耳子侄五人相視無畛域紹統子敦仁應鄉試染瘡旋里驥才間日必一省視三月未遑甯處嘗云古人有視侄疾一夜數起退而即寢者予視侄雖未能數然寢實因之廢未知於古人何如耶妻何氏歿十餘年不再娶著有澗陽修城記畧義正書院課藝牛匪始末記教家箴言皆佚赴鳳陽教諭任病於濠上卒年六十有九紹統一倣裘垂三十年或問之曰汝兄錦衣胡自甘

鴻結紹統曰兄交游廣予老農野服固其宜耳事兄如嚴
父凡事一稟兄命少偶爲樗蒲戲驥才目懾之凜以終身
鄰王柱者性獷悍以微末與紹統口角驥才揖鄰而誡弟
王柱感悔負荆驥才逝紹統哭之哀起居頓失常度卒年
七十有五驥才子三長安仁以庠生報捐縣丞投効武衛
左軍積閣擢知縣次全仁三輔仁廩生紹統子二敦仁歲
貢生次體仁

論曰余嘗讀宋史孝義傳洪州胡仲堯累世聚居數百口
構學舍聚書萬卷以延四方游學之士弟仲容建本縣孔
子廟頗爲宏敞今驥才姓名雖未達於朝而其縈紆於夫

子之宮墻者抑鬱挫辱久乃得伸何其壯也究其信道之篤由於得天之厚充類至盡天下事何不可爲哉彼逐末者可以返矣

夏馥超高應瑞

語云一物不知儒者之恥蓋天地萬物皆人生分內事古人立三不朽而不矜不伐職是故也夫踞千仞之淵而自以爲高及語以華嶽之峻秀太行之雄厚天台雁蕩匡廬峩眉之竒特縹緲彼曾未得涉足游目於其間幾何不疑爲詞客遊戲倘恍無憑其臨深而自以爲高也亦固其所庠生夏馥超渦之李門集人幼聰慧有神童之目清咸同

之亂與高應遴同結團衛鄉里同受知於欽差袁甲三甲
三獎給五品藍翎及撻匪五色旗合股擾渦阜虜知府才
汝和幽之於鄧家砦將甘心焉馥超職饘橐委曲調護釀
千金犒匪夥卒出才於險馥超能詩解繪事文彩不及魏
收而輕薄過之受之者多銜恨次骨會知縣沈廉謀建渦
城委馥超敦工事議派欵高應瑞不應拘縣窘辱之應瑞
投牒上憲時曾文正督兩江以大亂之後長吏當與民休
息委同知李炳燾赴渦查辦立禱沈廉職並逮捕馥超急
馥超攜子走京師時才汝和死其子某爲道地數年事解
遂巡歸論者以馥超才名倘值右文之世得漸摩於通都

大邑之間其成就當不止是顧我既生不逢辰復不能遵
養時晦欲持此萎萎者以求勝於舉世不爲之秋氣矜之
隆睚眦賈禍糜軀湛族間不容髮所爲重於泰山者非耶
乃馥超卒以此顯則夫懷竒抱異之士遭亂遯荒終淹沒
無所表見者豈少也哉馥超晚年教授鄉里頗負時譽學
者稱薄山先生年八十重游泮水詩競傳誦焉

應瑞字兆祥縣西高家砦人世豪於貲兄弟四應瑞其季
也早失恃怙依兄應遴成立清道光末軍政醜醜伏莽四
起應瑞知天下將亂習弓馬練技擊咸豐辛亥中南闡武
舉當苗撚之方張也渦北密邇巨寇勢迫威脅不憚征繕

情等游魂及官軍犁巢草薙禽獮時或不免渦南率築圩自衛然逼於北苗擾於南圩長力難自存往往暮楚朝秦求延喘息其強有力者輒歛費抽丁或設局讞事甚且挾嫌互攻尋仇抗官地方糜爛於斯爲亟高家若以叢爾土圩介於各大寨之中十餘年間七鬯無驚其禦侮籌策大可想見欽差袁甲三以應瑞轉戰累功擢都司同治元年撚匪南竄應瑞助官軍解潁州圍欽差勝保提升游擊先是有一許高私於苗練者僧邱繫其子某瀕行刑適英翰飛騎至立釋之迨城工案發應瑞猝遭凌辱疑馥超陷已憤火中燒目爲之盲及投牒抵督署湘鄉侯相嘉應瑞知大

體能批逆鱗爲窮黎請命以儘先游擊擢升副將後疆吏
請帑金一萬四千六百餘兩命提督熊君思立董修縣城
涸民得弛負擔者應瑞啟之也應瑞慷慨任俠嘗請兵五
百捍桑梓年餘餉餽皆由自任潁州圍解以二千金助賑
暨皖撫英公籌借軍饟又復慨輸萬金家以中落惜狃於
習染子復我興意氣未除君子病焉卒年七十有九子二
長錫榮以廩生從袁文誠保恒西征累功游保知府卒於
軍幕次錫藩諸生

論曰春秋責備賢者夏高當亂離之餘克自振拔庶幾不
與草木同朽者矣乃不懲小忿終累大德且按厥行事實

有關於渦之治安者故著而論之亦史公傳張耳陳餘之
義意焉爾

張繼唐 任善鳴

昔太史公游俠傳敘曰布衣之俠其行雖不規於正義然
其言必信其行必果已諾必誠不變其軀赴士之阨困道
聲名施於天下而不矜其能羞伐其德千里誦義非苟而
已也然儒墨皆擯斥不載余甚恨之竊嘗讀而感焉謂撝
匪之亂必將有其人焉出乎其間乃一再詢諸父老數閱
月而得張繼唐繼唐字仿傑城西花溝集之張瓦房人家
素封少跳踉不屑章句學輕財急人之難一負諾責誓生

死不相背負聲名益彰徹大行張樂行起渦北震繼唐名
謀擁之爲盟主繼唐詢其侄善鳴善鳴曰識時務者在於
俊傑今清德雖衰天命未改以仿叔才望誠得憑權勢翊
中興掇勲闕直拾芥耳奈何附草寇游魂自取夷滅哉繼
唐深然之肥南有張大化者同宗至契擬避地大化所兩
遣使道意路阻終不能達旋牽連陷太和獄時欽差袁端
敏甲三駐師太清宮善鳴晝伏夜行赴軍門訴繼唐寃狀
甲三感動檄繼唐至亳州營次與之語大悅不覺晷刻之
移卽擢充得勝營管帶奉命勦撚五戰皆捷甲三倚繼唐
如心膂事必諮而後行自以爲得人如此撚匪不足平也

初髮逆林鳳翔之擾蒙辜也戍官而不害民有貯藏關防印信者概殺之撻首實與髮通滿族聞之羣飲恨圖報復河北鎮總兵崇安奉命幫辦皖北軍務朝議以淮陽民圩強半通匪於是下檢洗之令崇安以兵行飭得勝奇勝兩營立局外奇勝營營官公吉寺人時所稱張老如者也繼唐見事急邀附近數十村麇集於楊園子加結擔保請崇勘驗崇無異議兵瀕行戈什哈某以刀劈箱箠見細輒衣喝曰爾等非作賊此物何自來鄉人怒羣毆窘辱之幾死戈什哈哭懇於崇頓回師誓洗楊園子繼唐抗辯不少屈崇曰請君親族出餘聽吾所爲繼唐大聲曰良民依繼唐

爲生今死良民而獨生繼唐繼唐復何顏立天地間乎將軍若以爲罪請同時赴刀鋸語未竟有人自後斫繼唐立死鎗聲大轟圩中火起男婦相枕籍池塘街巷橫屍無容足地崇東行至西陽集士紳之迎師者輒誣以通匪殺之及澹河橋之敗一日夜奔二百里至亳甲三問敗狀且聞繼唐死遂拜疏自劾回京師崇革職拿辦尋賜死朝命以勝保繼之而軍事愈不可問矣時咸豐六年冬十一月也夫士爲知己者用繼唐遇端敏自分爲知己死矣乃不死於知己而死於豪暴之侵凌殉名烈士湮滅不彰皖北健兒至今無有能舉其姓字者史公有知其歛歔又當何如

耶

張希孔字宗尼榜名善鳴增廣生幼嗜宋儒學說家貧以
筆代耕值撚匪之亂蕩析奔波一歲數移其處雖攫饑餓
冒寒暑所交必正人所主必良士一日至太和之兩河口
糧絕矣脫藍衫鬻錢數千搏節用度間日不敢一飽然嗟
來不義之食終不屑屑然也嘗避居潁陰有同姓友名守
安者令其甥從善鳴學雖館穀甚廉而督課弗懈勝字營管
帶張學會善鳴族叔也憐其困予金數百俾經商於亳善
鳴恥伍市儈未數月婉謝去叔繼唐陷太和獄善鳴立救
出之年六十以胃病卒臨終遺其子本訓書其畧曰人之

有親如木之有本水之有源根深葉茂源遠流長吾卒後
汝奉養汝母撫養汝弟事母如父愛弟如子雖世亂家破
出亡在外天地鬼神必默佑爾吾在九原亦感愛爾萬不
可染近時習氣輕聽婦言以乖倫常蓋婦人見識粗淺只
知爲自己兒女其能孝姑嫜愛兄弟者千百中無一二耳
遭亂以來汝從吾奔走數年依依不舍孺慕天真尙未甚
離近來生計艱難一家數口賴汝衣食未嘗不爲難於汝
當困悖時聞出衝撞之語然少年性躁且無學力故至於
此父知汝心無他不汝過責也以後事母切須戒之生當
亂世更要順理而行蓋理卽天也順理卽順天也順天者

存有明徵矣今之水火兵疫凶荒饑饉所以造此大劫者天之怒也吾輩恐懼修省猶恐不能脫免倘逆天而行其能善終久存者未之有也人一心爲本心一壞惡念叢雜而起萌於心爲惡念見於事卽惡迹剛者殺人行劫柔者鮮廉寡恥大則覆宗絕嗣小則殺身亡家伊古以來歷歷可數不僅目前撚匪己也汝於起念時卽自忖曰此善念也惡念也如善念也當擴充之惡念也卽禁戒之如此方能立得爲人基本古來忠臣孝子大聖大賢無不從此安根著腳人之制行須循理不可使氣須度情不可任性須正大不可偏私須光明不可曖昧與人共處須具一團

謙和與人共事不辭一切勤苦不可損人利己不可是己
非人貧者當憐富者勿諂本分以外不可妄爲當與君子
處勿與小人伍當擇交勿濫交如此方能成就一箇君子
人品家門最要雍睦嚴肅雍睦和順也嚴肅者尊卑長幼
規矩界限內外分明凜不可犯也務勤儉戒嬾惰務質樸
戒奢華勿使少婦艷粧詬誶無聞慕凌不起時有機聲書
聲便是興隆氣象教子孫讀書不徒博科第而已造人品
保家業免俗氣非讀書不可否則一門之內蠢愚聚處縱
豐衣足食而俗氣厭人適爲有識者所鄙棄吾因家貧喪
亂使汝等失學追悔弗及汝等子孫務須竭力讀書不可

斷了書香一脈嗟乎善鳴處亂世能守正不阿卓爾自立
嚼然具澄濁世挽狂瀾之勝概其得力於鄉先生朱子之
學深矣

鄧必端張佩珩

鄧必端字彥方義門集人清增廣生成豐初避亂譙陽僧
忠親王南下奉檄舉辦團練始回籍旋經委員薛元啟諭
充義門總董必端念妖氣初平當爲地方謀捍衛與圩長
張新泰祝獻廷等依舊垣基修築甄圩以固人心自設錢
店領鹽局積有贏餘置因利局以惠便小販暨十年之間
異商土戶儲粟千石者不下百餘家光緒庚辰秋任蘭生

觀察巡閱駐義門必端請款六千就維新典舊址創立
義塾名曰興賢子秉樞廷棟

張佩珩字擣珍性慷慨多謀善斷撻匪之亂同本集楊豐
滿佐駐防軍官程文炳保守高爐集圩十有餘年僧忠親
王賞以五品頂戴同治四年張宗禹圍雉河集黨羽蔓延
數十里高爐集竟陷於賊巡撫英翰以集爲盜藪限一月
令居民遷出市廛一律焚燬佩珩親赴曾爵帥國藩行轅
陳情哀訴得免毀廢招商和衆逐漸整理不數年頓復舊
觀蔚爲縣東巨鎮

閔棟選

閆棟選字子材渦南小閆集人光緒乙酉武舉祖克誠有義行咸同寇亂家族率蕩析失所或百里無絃誦聲克誠代人贖子女以百數設家塾無吟域穎異者給筆札儒風爲之一振諸父懷謬同治辛酉武舉以擊匪功獎候補守備光緒二十五年歲大饑邑宰王樹鼎委辦南保賑務自備資斧詣鳳台界購糧米全活甚衆棟選幼而竒特慷慨豁達有乃祖乃叔風而勇畧尤富光緒二十四年劉疔痞倡亂閆廣遠乘勢糾衆掠小閆集棟選裂背欲擊之其堂弟如海曰賊勢方張我猝不及備不如姑容之以爲後圖棟選以好言撫之去陰選延陵王市劉集等保團丁數百

人遣族人閻友信佯入廣遠夥作內應十二月初八日棟
選與賊遇於佛鎮集之郝家橋率衆先進諸圩繼之友信
橫貫賊中內外夾攻匪潰奔追逐二十餘里獲廣遠斬之
餘黨四散明日黑旗賊魁葛懷玉破馮家圩歸棟選要擊
於肥河東岸追逐百餘里賊黨殲焉時白旗賊魁邵大法
屯王市集棟選復督各團初十日黎明直搗賊巢賊大敗溺
河死者不計其數縣南悉平事聞以儘先千總補用賞戴
花翎

劉成梁

劉成梁字棟宇延陵堡人有至性初投効豫軍屢立戰功

賞戴花翎叅將銜補用游擊與謝總兵寶勝方總兵有田
爲友宣統三年秋寶勝由懷慶調署南陽時成梁方家居
寶勝檄至南陽札委全軍營務處兼帶中營民國元年正
月劉馬陷南陽寶勝退保方城將死之呼成梁予金命之
去成梁厲聲曰安有隸人麾下利人之財而避人之難者
乎寶勝亡成梁親爲殯殮躬扶靈輻回籍成梁歿於懷慶
方有田爲紀其喪

渦陽風土記卷十四

渦陽縣知事葉縣黃佩蘭撰

人物下

列女

大易離爲申女明兩而麗乎坤位文樸遞嬗渦瘠樸婦女
役役井臼機杼或荷鋤代男子耕才媛蓋尠故節烈亦稱
盛焉茲釐宿蒙阜毫舊志及詢採所得分別甄載卓著者
傳之相類者表之言節必兼言孝從明令也殉者以烈別
之示異也未嫁夫死自往成婦書某女者禮不爲婦也婦
附姑後系於尊也妾附妻後體不敵也生存節婦守滿三
十年列表不列傳者以蓋棺方論定也傳列女而以丁貴

嬪先焉

梁丁貴嬪諱令光譙人祖父從官襄陽居沔北五女村寓
劉惠明廡下貴嬪生於樊城初產有神光之異紫氣滿室
故以光爲名相者云當大貴時與鄰女月下紡績諸女並
患蚊蚋貴嬪弗之覺鄉人魏益德將聘之未及成而武帝
鎮樊城嘗登樓望見漢濱五采如龍下有女子澣綉則貴
嬪也丁氏因人以相者言聞之於帝帝贈以環納之時年
十四貴嬪生有赤痣在左臂療之不滅又體多疣子至是
無何並失所在德后酷忌遇貴嬪無道使日舂五斛輒中
程若有助者被遇雖嚴益小心祇敬嘗於供養經案側髻

髯見神人心異之天監元年五月有司奏爲貴人未拜其
年八月又奏初貴嬪居顯陽殿及太子定位有司奏皇太
子副貳宸極皇儲所生不容無敬於是貴嬪備典章禮數
同乎太子言則稱令貴嬪性仁恕及居官接馭臣下皆得
其歡心不好華飾器服無珍麗未嘗爲親戚私謁及武帝
弘佛教貴嬪長進蔬膳受戒日甘露降於殿前方一丈五
尺帝所立義皆得其指歸尤精淨名經普通七年十一月
庚辰薨謚曰穆簡文卽位追崇太后子統字德施卽世稱
昭明太子者也賢孝嗜學貴嬪薨腰圍減削毀幾滅性誤
用道士言以蠟鷲諸物埋置墓側武帝將窮其事以徐勉

諫得止 節錄南史本傳

元封清河郡君杜氏朝列大夫張思敬妻贈宿州知州從善中女性純懿莊靜備婦人德族黨敬之士大夫稱禮法必朝列家卒於至正十年壽六十八子貞授進義副尉靈寶縣簿博學剛毅有古人風祔葬於仁義鄉道竹里之原忠孝書院山長進士馬元忠爲銘其墓曰帝哀淵懿惠且良玉靈食墨泡水陽千萬世下惟德芳

明王景凡妻楊氏生一女方九歲崇禎間土寇嘯聚擄景凡同亂不從殺之逼楊氏行氏曰掩吾夫卽從汝寇掩其夫氏携女投井死越八年貢士楊鴻烈聞之急浚井得二

骸禮祭移葬爲詩弔之有雖無名姓留青簡却有骨香沁
湛泉之句後人因號其井爲香井

趙氏張封京妻進士士驥姑也性剛明大義流寇犯皖翁
遇寇不屈刳殺之掠其夫以行趙氏倉卒掩翁屍急追賊
普濟橋東遙望其夫在賊中厲聲呼曰君父之仇不共戴
天速殺以報其夫猛奪賊刃斫賊不中見殺趙氏趨前泣
罵愈激賊怒手刃之暴屍於野三日其面悻悻如生見者
駭然以亂未獲上聞

清楊德福妻張氏西陽集人鄰無賴子史圭典潛與之戲
張氏大罵圭典羞怒石擊張氏中額死時康熙十五年事

也知縣趙裔昌擒圭典正法旌張氏

王元錫妻支氏年十五適元錫期年夫亡無子猶子巖桃未彌月支氏教育成立爲諸生巖生德奇德奇生慶澤未幾巖與德奇繼歿支氏同子媳田孫媳劉撫育慶澤感奮自勵後歷官山東膠州同知遷濱州知州支氏年八十五終雍正十年旌表田氏劉氏以慶澤貴均封安人慶澤歿妾王氏守節四十九年命子創修書院設義田道光四十年旌表王氏三世節孝沈歸愚彭芝庭諸先生皆贈以詩陳文恭宏謀爲之序

姜四姐葛維諒聘妻未婚維諒病歿女年十四隨父普祥

往弔欲自盡父勸之歸矢志苦守終身不渝乾隆十四年
奉旨建坊

王玉姐顏士玠聘妻武舉樹堂女知州慶澤孫女幼讀書
明大義嘉慶九年夫故女年二十二聞訃痛絕及蘇乃曰
夫死命也命可逃乎從一而終女子之義吾志在奔喪代
夫以事父母遂歸顏氏守節五年卒嘉慶十四年旌表
馬猷妻孫氏年十九而寡夫死欲以身殉其祖母楊氏年
踰七十苦節四十餘載泣語婦曰汝死吾何依孫氏悟乃
止遂與祖姑相依爲命飲食起居扶持維謹祖姑歿喪葬
盡禮以從弟泰運子兆瑞爲嗣以母教入庠兆瑞妻季氏

夏邑廩生式玉女孫氏病危季氏割股和藥以進母服藥
有異香病立愈孫桂生廩膳生守節四十年壽八十五嘉
慶十五年旌表

朱氏陸考古聘妻阜陽名族朱彩章公女彩章與考古父
儲澍交莫逆考古年十九補博士弟子員以力學遭疾不
起女聞訃求死不得跪向父母曰兒志決矣不能慷慨赴
死亦須從容就義否則終一死耳父弔婿述女言儲澍慨
然曰有媳若此吾兒爲不死矣以素車迎女至盡哀盡禮
越三月起治家事并曰針帶衣縞素不茹暈姑病割股進
姑病頓釋翁病痢女濯褻衣冰水中十指皸瘃目不交睫

翁歿哀痛幾絕課子載文讀入邑庠年七十無病坐逝玉
筋下垂泥丸如火及歛容貌如生奉旨旌表建坊

馬起龍妻王氏年二十而寡貧不自存勤紡績市甘旨以
養孀姑姑歿喪葬如禮撫猶子玉珍爲夫嗣玉珍早卒孫
蘭芳方在襁褓王氏教養成立年八十卒阜陽宋朝儒總
兵徵時從封翁就稼於渦依馬氏王氏奇其貌卵翼如已
子封翁卒權葬雒河東岸朝儒每掃墓必步行拜王氏馬
氏子姪皆愛若昆弟

牛永潔妻侯氏曹市集人年二十四而寡遺子斐然甫數
歲家貧不自給然奉親無缺翁病危割股療之以針耨積

資供斐然學成歲貢以辦鄉團積功擢知府孫師韓官歸
德總兵又牛永祺妻徐氏夫死年二十五家貧撫孤躬自
操作捻匪之亂民困於匪氏命三子安邦從戎臨行戒之
曰戰陣無勇非孝也勉之毋以我爲念安邦驍勇善戰累
功擢副將封一品夫人奉旨建坊年八十無疾卒

袁學儀妻牛氏咸豐八年苗逆倡亂學儀率鄉團擊賊遇
害牛氏每以不能復仇爲憾氏有子二長正大十歲次正
月七歲牛氏訓之曰爾父死於賊爾日後能殺賊爲爾父
報讐吾願足矣乃命正月從軍正月有膽畧每戰輒奮不
顧身殺賊甚衆累功保守備加都司銜牛氏年八十有六

卒同時殉難者袁學孔學儀族兄其妻張氏守節五十餘
年年八十二卒並建坊旌表

王萬箱妻趙氏王家橋人其夫被髮匪姚得光黨所戕氏
守節年八十二歲卒旌表

焦德星妻李氏龍山人德星於同治初年從軍山東李氏
一夕夢德星喋血至心知不祥聞凶耗仰藥死

楊果行妻葛氏梁町村人立禮女生員楊鑑遠媳年二十
一適果行生子雨霖五歲夫故欲投繯其兄同春責曰姑
老子幼死忍乎氏悟奉姑教子益謹密姑晚年失明葛氏
每晨以藥水洗之數年無倦容姑歿哀毀骨立鄉鄰感泣

兩霖早歲列諸生葛氏與其兄楊篤行妻爲姊妹篤行妻
立禮堂兄附貢立言女于歸四載篤行歿苦厲一門雙節
見重士林果行妻年七十卒篤行妻年五十卒

夏光儒妻李氏李門集人性聰穎幼攻詩書解句讀年二
十二而寡潛處不出戶庭事姑孝且工詩其詠菊四絕云
風風雨雨近重陽老圃黃花別有香詎料東籬拋擲後殘
枝能耐九秋霜耐霜自有傲霜枝人瘦花肥兩不知誰解
淒風寒月夜心香一瓣讀陶詩新詩偏愛晉淵明敢向西
風訴不平靖節還須勤晚節門前五柳一先生先生高隱
與花儔夢裏繁華付水流腰折除非籬下過一生從不解

低頭其詩骨格嶙峋發於至性年五十二卒

馬福田妻燕氏福田兄弟六人姊妹五人燕氏十九子歸
賢明領一時家政多所參酌未數年五弟婦孫姑信氏先
後歿孫生女甫三日呱呱在抱惟燕氏是依六弟及諸妹
均十齡上下少者僅七齡時避賊亳州流離申拮据扶養
福田壯乏嗣燕氏爲置媵生子未幾長兄嫂亡又未幾福
田及五弟六弟夫婦相繼亡孤子一孤侄三胥繞燕氏膝
下乾啼濕號之聲不絕於耳燕氏織紉以佐饗殮茅屋三
椽一燈如豆僅未亡人與貌諸孤焚焚相對應接不暇心
力交瘁未幾而燕氏之子又亡奈諸妹及諸侄女之已嫁

未嫁者皆以母事燕氏燕氏亦以女畜之三猶子亦待燕氏以生燕氏心雖戚而燕氏之自任愈重加以母家赤貧生母孟癯病無子又資燕氏以終餘年薄田五十畝不足仍取給於十指間有勸其鬻田補苴者燕氏曰撫孤未成又不能守世業何以見先人地下乎晚年有勸其市材以爲壽藏者燕氏曰命之不猶勿寧速朽後孤侄學書學敏學思幸皆成立於是燕氏無子而不啻有子矣古人有數人而存一家之孤者今以一婦人而存數家之孤而已之孤天轉奪之宜諸孤語及撫育之恩及燕氏一生遭際之苦往往扼腕飲泣不能成聲今毅軍統領馬志敏之母夫

人卽七歲而受撫於燕氏者於燕氏之歿也應諸孤之請爲表其阡燕氏卒年七十二

李永貴妻蔣氏孫村店人咸豐八年捻擾阜蒙間永貴率鄉勇殺賊爲賊所殺蔣氏年二十生子渥數月恐賊搜得乃抱避流澌中時嚴冬賊去匍匐登岸視懷中子已僵抱不忍釋夜竟甦教以成立歿年八十二

孫之南妻史氏年二十一夫歿貧無寸土葬夫於毫之義地年餘有毫人馬氏者誤認爲其母墓合葬焉史氏往奠夫墓更新異之詢諸土人始悉顛末詣馬氏與之辯不得直無已開棺檢之馬氏無詞乃折服史氏攢夫骨歸謀地

營葬姑患痼疾私封肉雜食品進之竟愈

魏學舜妻袁氏生員學恕女學舜卒氏年三十無子兄子真繼氏有女二嫁奩皆從薄人問其故曰真既承嗣魏氏財產已爲真有敢濫用以自私哉聞者義之年七十八卒時二姐志學女許聘田儒年十六聞儒病歿痛絕欲往父母阻之乘間奔弔田墓更縞衣歸縊寢室縣令伍侯申爲請旌表

劉瑞芝總兵保忠次女許聘記名提督王化成之子朝賓未嫁朝賓歿瑞芝聞訃夜吞金死時年二十翁姑欽其節迎棺與朝賓合葬光緒十八年旌表建坊

武舉張慶昌妻馬氏光緒十六年適慶昌性至孝姑病侍奉湯藥衣不解帶者數月二十五年慶昌患風疾馬氏顛天乞以身代及歿泣血失音斂後跪辭翁姑以奉養託兄嫂飲醜死年二十五知縣王公詳請旌表建坊

張步文妻王氏年二十八夫故遺一子一女父母俱存弱弟病癱瘓時捻匪猖獗烽烟四起王氏扶老携幼流離轉徙姑以弟累欲棄之王氏不忍扶掖數百里乞食供養亂平旋里家致小康光緒二十六年無疾卒年七十六
齊國士妻李氏鳳鳴女適國士年餘夫亡遺子數月越三載李氏抱子泣曰爾父歿母義從死。爾故隱忍至今今

爾能自立吾志畢當從此訣語竟自經死

張會昌繼室潘氏桂生女適會昌一年生蓮波會昌病故
潘氏投繯者再姑抱孫泣曰若死孤何託撫孤延嗣勝殉
夫多矣氏受命日依依姑側不離跬步姑疾篤氏焚香禱
天以冬單夏棉爲三年願已而病果瘳家貧以紡績供甘
旨數載姑歿典嫁衣營葬翁龍鍾扶護維謹蓮波讀書有
立

廩貢高錫純妻李氏亳縣心安女適錫純生子女各一錫
純力學嘔血死翁姑在堂李氏生事死葬以禮挈子女依
母家母命子逢時給李氏田三百畝書券贍養資及父歿

李氏子其珊長氏乃謂弟曰父母憐我予以田享受數年足矣今親故子壯應璧還女出嫁義不受母家物也遂出漆焚之携子女歸課讀促織未嘗言貧年六十卒

葛秉陽妻吳氏家貧無子秉陽客死廣東吳氏鬻嫁衣及器物儻謹厚者歸夫棺獨居數十年鄉里欽其苦節籲請旌表

魏梁才妻葛氏年十八適梁才梁才遊學皖垣暑假歸因晒火藥誤然身無完膚氏服侍廢寢食夫歿慟絕數日飲食不入口家人嚴護之氏忍淚慰翁姑姊妹乘間而縊時清宣統三年七月也年二十一歲知縣劉某詳請旌表

民國羅福才妻王氏王之賓女年十九于歸二十夫故無
子弟福純子亨淵繼每以子姪不讀書爲憾乃延師設家
塾村中貧寒子弟趨就之不計束脩亨淵學日進渦陽創
設中學命亨淵首入肄業安徽優級師範畢業迭任小學
教員教育會副會長孫運策畢業潁州中學氏年六十九
卒民國七年褒揚

武氏二人同堂姊妹家龍山性幽閑不御鉛華從母氏長
齋念佛聲影未嘗出閫外清宣統三年冬月王士秀陷渦
城土匪蜂起焚殺姦擄日有所聞時二女年皆十九母氏
悉送之夫家女曰狂猷燎原夫家豈真樂土夜分相對雉

經卒

范蠡村劉成先女有賢名許聘葛錦章民國七年將于歸錦章病歿成先謀改聘翌年五月十四日事洩晝談笑如常夜竟投水以死壻家感其義仍具鼓樂迎女柩與錦章合厝

佩蘭

上其事請褒揚

史永光妻魏氏營長漢朝女副將希古孫女居道竹橋有俠氣年十九適永光生子一女三民國八年魯匪擾宿渦交劫史掠魏氏以行氏哭詈無懼色匪畏其剛不敢加害行至宿境張彭莊官兵追及匪倉卒將氏鎖置彭姓屋氏懼逼以翦刺腹腸出軍人啟戶血殷地聲嘶述畢命狀酸

楚動人鼻至家越日死時年二十七 佩蘭 上其事請褒揚

清節婦表

姓	增生楊培妻韓	王元錫	王德奇妻劉	顏士玢妻王	馬猷妻孫	袁學儀妻牛	牛永潔妻侯	楊果行妻葛	夏光儒妻李	孫之南妻史	馬威妻張	孫太奇妻李	李嵐峯妻潘	葛秉陽妻吳	鄒文質妻程	都司葉潤序妻劉	楊文彪妻李			
氏	村廂	節年	守牽	旌	表	姓	氏	村廂	節年	守牽	旌	表	姓	氏	村廂	節年	守牽	旌	表	
三	三	三	三	三	三	三	三	三	三	三	三	三	三	三	三	三	三	三	三	三
五	五	五	五	五	五	五	五	五	五	五	五	五	五	五	五	五	五	五	五	五
嘉慶十四年	嘉慶十五年	乾隆十年	乾隆十年	乾隆十年	乾隆十年	乾隆十年	乾隆十年	乾隆十年	乾隆十年	乾隆十年	乾隆十年	乾隆十年	乾隆十年	乾隆十年	乾隆十年	乾隆十年	乾隆十年	乾隆十年	乾隆十年	乾隆十年
楊英生妻丁	楊英生妻丁	葛維諒妻姜	生員陸香妻朱	生員馬兆瑞妻李	袁學孔妻張	牛永祺妻徐	楊篤行妻葛	李永貴妻蔣	魏學舜妻袁	刁克孝妻孫	張會昌妻潘	虞膏錫純妻李	馬福田妻燕	陳從義妻邢	葉永順妻燕	楊綺妻郭	高燾	高燾	高燾	高燾
三	三	三	三	三	三	三	三	三	三	三	三	三	三	三	三	三	三	三	三	三
五	五	五	五	五	五	五	五	五	五	五	五	五	五	五	五	五	五	五	五	五
乾隆十四年	乾隆十四年	康熙十年	康熙十年	康熙十年	康熙十年	康熙十年	康熙十年	康熙十年	康熙十年	康熙十年	康熙十年	康熙十年	康熙十年	康熙十年	康熙十年	康熙十年	康熙十年	康熙十年	康熙十年	康熙十年

高易風上巳節婦表

同治六年

王家瑞妻朱雙壽

三〇

唐名依妻劉

三三

四〇

楊馬勳妻張

楊宗渭妻葛

馬普妻耿

馬天錫妻張

張祥雲妻王

馬月妻楊

徐開慧妻馬

徐開明妻馬

其已經入祀亂後殘闕失次拾之燼餘得節婦姓氏如下

張德馨妻張

袁繼禹

彭身正妻趙

馬同生妻張

張登道妻董

王俊聲妻張

李耿光妻王

王開

聰妻盛 周永順妻李

王永錫妻劉

于宗諾妻燕

丁訓宏妻鄭

馬自繼妻

耿張自省妻張

韓大文妻宋

許錦章妻鄧

馬呈錦妻丁

楊守諾妻賈

楊敏妻李 楊守身妻李

葛保長妻李

鄭廷弼妻李

蔡萬義妻陳

蔡附貴

妻王 祝辰田妻江

徐裕慶妻楊

王立德妻李

栗克松妻王

楊門丹妻戴

馬自貫妻蔣 馬自公妻張 李訓田妻馬 馬雲文妻張 鄒華道妻趙 徐麟

禱妻孫 采學詩妻馬 宋士錦妻蔣

楊金居妻吳舟城集

一七

五

王逢義妻葛草橋村

三五

五

王樹儀妻穆草橋村

一五

五

楊光耀妻葛蒙蘭村

三五

五

趙廷良妻張西陽集

一〇

五

譚東昌妻馬佛鎮集

一七

六

高應先妻李張村舖

一六

五

王鴻露妻楊曹集

一三

五

馮濟若妻董雙壽寺

一三

五

張珍之妻張龍集

一〇

四

李永濟妻任

一五

四

吳景先妻呂

一七

五

劉學渠妻胡	李學義妻紀柴村廟	鄭獻如妻孫同上	李克紹妻鄭西陽集	江同齡妻王蔡湖村	趙借清妻董楚店集	楊純萃妻尹梁河村	劉芳秀妻許同上	尹學詩妻倪杏花村	高秀文妻吳曹市集	趙振清妻賈西陽集	張振玉妻江雒河保	劉開泰妻羅龍山集	高克相妻劉張村舖	于中元妻程張村舖	邵景雨妻楊吳林村	王化恩妻劉臨湖舖	楊臨年妻王佛鎮集	許蘭廷妻王周家集	李萬邦妻沈西陽集
-------	----------	---------	----------	----------	----------	----------	---------	----------	----------	----------	----------	----------	----------	----------	----------	----------	----------	----------	----------

三	三	三	三	三	三	三	三	三	三	三	三	三	三	三	三	三	三	三	三
〇	〇	〇	〇	〇	〇	〇	〇	〇	〇	〇	〇	〇	〇	〇	〇	〇	〇	〇	〇

楊化南妻張佛鎮集	張外之妻汪草橋村	鄭鳳來妻王紀蔡湖村	江瑞之妻紀王張村舖	高克本妻殷大劉府	于思敬妻黃雒河集	張金蘭妻任李門集	劉朋從妻靳楚店集	劉三綱妻朱張村舖	任鈺之妻盛馬河村	陳思明妻朱佛鎮集	王錫光妻蘇丹城集	張昭風妻夏李門集	劉朋來妻燕趙旂屯	姜懷剛妻紀楚店集	趙悅文妻王張村舖	孫凝道妻楊草橋村	馬侯之妻王吳林村	劉敏之妻張雒河保	袁學選妻張雒河保
----------	----------	-----------	-----------	----------	----------	----------	----------	----------	----------	----------	----------	----------	----------	----------	----------	----------	----------	----------	----------

三	三	三	三	三	三	三	三	三	三	三	三	三	三	三	三	三	三	三	三
〇	〇	〇	〇	〇	〇	〇	〇	〇	〇	〇	〇	〇	〇	〇	〇	〇	〇	〇	〇

王寶善	武九皋	牛希之	牛希苞	牛履廷	牛履慶	馬開祥	張德志	牛元益	何如蘭	栗克松	吳德選	王太和	張昭鶴	王俊秀	吳友雲	馬繼昌	馬合珠	魏立安	韓鶴九
母朱	妻宋	妻王	妻楊	妻侯	妻丁	妻宋	妻徐	妻段	妻王	妻王	妻蔡	妻李	妻吳	妻何	妻孫	妻蔣	妻席	妻周	妻賈
丹城集	武家廟					鄭家壙			吳林村		吳家寨			荻蕪村	義壽集				龍山集

三

六

元

厚
光緒三十三年

光緒三十年
光緒三十年

光緒廿八年

龔志富	趙宗尹	王敬	牛希倉	牛卿仁	牛履盤	高應信	孫仲傑	牛履豐	馬蘊文	楊事敏	楊佩瑛	王太元	高錫朋	張光裕	孫仲介	牛永振	耿兆夢	鄧名侏	孟鴻
妻張	妻門	妻黃	妻王	妻馮	妻張	妻韓	妻周	妻孫	妻張	妻李	妻馬	妻李	妻慕	妻高	妻周	妻王	妻劉	妻馬	妻葛
李開集	佛鎮集					張村舖				梁野村	梁野村		張村舖						

三

四

三

五

同上
同上
光緒三十年

殷紹禹妻楊	徐登宵妻劉	程玉欽妻徐	高其鼎妻馬	劉閏女妻閏	楊守箴妻丁	牛鶴翔妻朱	江統盛妻斬	武振基妻張	劉述論妻梁	康忠信妻袁	鄧心貴妻趙	王者重妻李	張明都妻夏	殷光紹妻劉	劉永言妻楊	潘春明妻閏	祝盈允妻丁	侯友鄰妻任	龔介元妻宋
		徐彙	高家		梁野			寶	新								路	龍	

三	六	二	〇	三	七				七					〇	七	二	六		
四	〇	四	四	五	五	四	五	五	五				三	四	元	五	六	三	五

王道勝妻樊	吳延清妻李	徐廣友妻侯	李如琛妻盛	鄭玉成妻王	劉殿修妻張	徐文樂妻潘	賈紹先妻劉	馮化仲妻王	葛兆勳妻管	孫恒哲妻陳	劉成修妻張	于慰先妻華	殷宗信妻乙	袁鳳吉妻羅	吳體具妻牛	徐昌吉妻賈	程大福妻孫	楊鳳來妻常	王開科妻張
龍					上					衆	王	家					皇	居	

三	元	四	元	五	五	巨		三	元					三		〇	五		
四	三	四	四	四	四	五	五	五	五				三	六	五	五	六	六	六

節婦表

殷邦俊妻張	張光倫妻王	史霄之妻高吉橋集	高榮之妻程	牛獻之妻侯曹集	張思典妻韓柳橋村	夏鏡之妻吳李門集	王洪安妻紀太清宮	何南斗妻楊柳橋村	王開典妻葉	劉傳書妻張	王錫瑞妻李	謝可成妻賈	楊士琮妻馬	李明才妻劉	紀俊民妻趙紀莊	王者香妻唐吉曠集	張書林妻蔣閩家集	于貴哲妻馮	程有信妻劉
-------	-------	----------	-------	---------	----------	----------	----------	----------	-------	-------	-------	-------	-------	-------	---------	----------	----------	-------	-------

三	三	三	三	三	三	三	三	三	三	三	三	三	三	三	三	三	三	三	三
三	三	三	三	三	三	三	三	三	三	三	三	三	三	三	三	三	三	三	三

殷邦珍妻彭	王允恭妻謝雙壘	孫廣化妻李同上	楊純化妻徐	蔣欽妻孫	劉宗賢妻魏草橋	牛綏之妻孫曹集	趙黎生妻葛西陽集	張振剛妻藍南壘集	徐義之妻羅雙壘	劉振賢妻饒	彭貫一妻馬	王克勤妻馬	楊聚昌妻耿	楊士璽妻馬	梁測妻王	吳廷幹母江	劉化禮妻張	陳紹周妻張	劉獻敬妻耿重壘
-------	---------	---------	-------	------	---------	---------	----------	----------	---------	-------	-------	-------	-------	-------	------	-------	-------	-------	---------

三	三	三	三	三	三	三	三	三	三	三	三	三	三	三	三	三	三	三	三
三	三	三	三	三	三	三	三	三	三	三	三	三	三	三	三	三	三	三	三

鄒仲禮妻史	許莊妻尹	牛宗賢妻朱	曹金聲妻葛	楊喆妻韓	牛景和妻孫
三	三	三	三	三	三
鄒仲仁妻張	張金鍾妻高	唐道生妻孟青曠集	侯德隆妻牛	牛建第妻李	
三	三	一九	三	四	
其年歲無考者王錫五妻韓	劉照蔡妻栗	盛學道妻王	宋懷寶妻曾	李堂妻	
王乾元妻馬	王從禮妻張	王化明妻周	王化一妻朱	宋學義妻馬	
學聰妻王	王士勳妻張	李僧印妻周	周秀升妻張	程凌雲妻張	
李 蔡用光妻宋	王維修妻趙	馬繼周妻張	朱士錦妻蔣	馬維禮妻戴	
自賢妻蔣	張殿妻王	王道文妻崔	韓藏朱妻鄧	王菁妻宋	
張成德妻袁	侯大山妻董	張秉初妻王	馬桂枚妻施	王兆祥妻何	
于貴妻樂	馬秉彙妻王	王浩妻馬	耿振廷妻劉	杜紹文妻王	
夫名佚	張奎元妻程	張秉吉妻侯	馬繼善妻張	王作魁妻高	
張春芳妻劉	葛保相妻丁	張朝詩妻張	王立邦妻張	耿學禮妻王	
歲貢祝鴻勳母義齋集		盛建澤妻高			
孫良友妻朱	王名佚妻張	賈秉誼妻楊	高燿		
李自省妻王	石弓山	張名佚妻董			
知州王慶澤妻城內		李自興妻王	同上		

高陽縣志卷之四節婦表

民國節婦表

陸申祥	張心坦	侯殿周	張殿華	張興榜	張道炳	葛蘭興	劉中一	劉玉綺	劉昭	戴汝舟	劉麻繞	陸申貴	萬同華	生員陸悅	王清明	王自山	姓
妻劉	妻魏	妻牛	妻于	妻李	妻杜	妻戴	妻何	妻潘	妻張	妻魏	妻田	妻盛	妻李	妻王	妻盛	妻于	氏村廂
三	九	二	九	二	六	五	五	三	三	六	三	五	二	元	三	元	立節
三	三	四	五	五	五	五	五	六	六	五	五	三	六	三	三	六	守志
																	褒揚年月及事蹟
																	民國元年
侯宗順	周春光	馮仲典	江效朋	唐超升	李克敬	李永祥	劉學富	江家強	戴汝俊	張德瑄	張守庸	韓效古	盛振家	王萬箱	李天祐	高如瑞	姓
妻張	妻楊	妻袁	妻李	妻乙	妻潘	妻武	妻張	妻郭	妻楊	妻周	妻王	妻戴	妻江	妻趙	妻戴	妻朱	氏村廂
三	二	三	三	六	五	三	六	六	六	元	三	七	七	九	三	三	立節
三	元	五	四	五	五	五	四	五	五	五	五	五	五	五	五	五	守志
																	褒揚年月及事蹟
																	民國五年有傳

黃振龍妻葛	朱本妻李	張希文妻王	鄭如光妻江	張均衡妻王	江名侯妻張	王之本妻李	陸悅仁妻葛	王宗諾妻燕	李雲華妻劉	劉長炳妻周	雷善修妻王	張遠宗妻侯	譚鳳章妻王	吳若武妻周	戴汝明妻江	關玉琛妻黃	李大木妻段	羅亨文妻潘	董璜妻于
		新興集		梁疇村		雙溝寺										孫村店			雙溝

三三	三三	二七	二〇	二七	二〇	二〇	四〇	四〇	四〇	四〇	四〇	三三	三三	三三	三九	二〇	二〇	二〇	二〇
三三	三三	三三	三三	三三	三三	三三	三三	三三	三三	三三	三三	三三	三三	三三	三三	三三	三三	三三	三三

哥易風上祀全古節婦表

馬繼美妻劉	孫文彬妻高	姜名侯妻李	潘春光妻王	葛廷玉妻賈	蔣學海妻王	孫光祖妻楊	陸乃文妻王	王友鳳妻蔡	龐成立母陸	王錫元妻江	邱春妻吳	董應林妻王	張聖全妻王	王明童妻劉	尹德義妻潘	任化龍妻黃	葛樹德母李	王成維妻武	譚鳴岐妻寧
											古壩								古壩

六三	三三	三三	三三	三三	三三	三三	三三	三三	三三	三三	三三	三三	三三	三三	三三	三三	三三	三三	三三
六三	三三	三三	三三	三三	三三	三三	三三	三三	三三	三三	三三	三三	三三	三三	三三	三三	三三	三三	三三

七

王允昌妻羅	李化聖妻季	任漢觀妻王	于德義妻戴	李興然妻相	袁名依妻徐	楊懋禮妻常	燕懷振妻陳	李明羣妻張	徐學顏妻楊	李忠遠妻陳	王童妻董	劉春澤妻吳	劉興朝妻王	許重華妻劉	紀守義妻張	燕名依妻子	尹偉妻劉	劉澤勳妻管	王鳳石妻劉
張村舖												劉家灣	雙溝保	紀家場			張村舖		

三	六	三	三	三	三	三	三	三	三	三	三	三	三	三	三	三	三	三	三
四	四	四	四	四	四	四	四	四	四	四	四	四	四	四	四	四	四	四	四

都繼武妻劉	劉永慎妻江	王錫鵬妻孫	燕鳳五妻蔣	李甫田妻蔣	燕文妻楊	侯德茂妻任	馬英妻宋	邵景春妻于	盛學讓妻周	尹喜臨妻馬	王明謹妻宋	任宗太妻馬	楊守身妻李	許文樂妻羅	李振海妻施	董學信妻祝	郭純成妻盛	武志妻張	張德玖妻周
張村舖											石山	張村舖				董家樓	蒙閣村		

三	三	三	三	三	三	三	三	三	三	三	三	三	三	三	三	三	三	三	三
七	七	七	七	七	七	七	七	七	七	七	七	七	七	七	七	七	七	七	七

馬省身妻蔣
高錫榮妻王
陸方書妻閻
劉季蘭妻楊
石好智妻張
李貫傑妻馬
劉鵬舉妻馬
孫玉山妻王
江名佚妻王
李彩章妻王
趙立田妻路
陸悅道妻李
王克讓妻江
張希成妻高
侯家材妻于
李廷柱妻耿
秦效清妻張
王殿安妻仇
蔣宗和妻施
王殿俊妻高

石官
王家碧
楚彙
梁野村

三 二 九 四 三 三 三 三 二 七 三 二 六 七 二 六 二 三
 三 四 三 四 三 三 三 三 三 三 三 三 三 三 三 三 三

民國七年

金獻德妻葛
魏保發妻張
郭純法妻鄭
劉雲獻妻李
貫學貫妻王
葛立吉妻蘭
牛培光妻李
張萬容妻武
王錫瑞妻李
李有才妻陸
馮仲賢妻徐
翟萬妻王
戚好常妻董
王步修妻孫
楊興嵐妻李
于貴鐸妻朱
李治昌妻尹
魏漢宗妻潘
陸克昌妻張
許殿賢妻張

梁野村
王家碧
石官
嚴廟

三 三 三 六 七 三 三 三 二 三 二 三 三 二 三 三 三 三
 三 四 三 四 三 三 三 三 三 三 三 三 三 三 三 三 三

同易風上巳

張方甸妻周丹繁

徐保身妻楊

任從周妻李

高與賓妻董

孫敬妻劉

劉兆頌妻葛

李興妻郭

周秉清妻劉

王勤修妻李

董賀珠妻趙

唐金坤妻祝

孫佩韶妻韓

陸悅禮妻李

武生馬韓國事李

鄧娃妻袁

祝璋章妻吳路象集

董宗韶妻傅董壽營

羅福才妻王雙濤寺

劉松年妻馬梁町村

王效賢妻蔣雉河保

三三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

三

劉居士妻葉慕梅

三 同

吳體元妻楊大劉村

三 夫天自縊死

于宗介妻魏同上

三 夫死自縊

盛椿妻李蔡劉村

三 同上

馬炳安妻倪維河保

三 夫死七日不食自縊

李心安妻

三 自縊殉夫

牛履順妻徐世市集

三 夫被賊戕自縊

周修身妻吳大劉村

三 夫死自縊

李天職妻譚佛鎮集

三 同上

張廣順妻程臨湖鋪

三 生五月夫死因亂自戕

江南景妻黃佛鎮集

三 同上

劉繼孔妻張青豫寺

三 夫死於賊自縊

程介妻孫臨湖鋪

三 夫死自縊

蔣廣譽妻程義西集

三 夫死絕食自縊

李嘉修妻張西陽集

三 夫死自縊

張義生妻余丹城集

三 夫死葬後自縊

楊荷妻劉梁町村

三 夫死自縊

劉慎之妻葛柳橋村

三 夫死葬後自縊

高克商妻袁敬心

三 夫從軍陣亡聞訃從容自縊已旌

王守先妻馬雒河保

三 夫死葬後自縊

牛心諤妻郭

三 夫故絕粒死已旌

吳若敬妻袁

三 夫死葬後自縊

王寶光妻張丹城集

三 仰藥殉夫已旌

梁安邦妻宋先甲

三 夫死葬後自縊

馬俊良妻劉

三 夫死逾年仰藥死

陸國琛妻李蒙瓊

三 夫死葬後自縊

宋題名妻曾

三 夫死撫孤子天自縊

焦國全妻李儼樓

三 夫死葬後自縊

任宗志妻冉

三 夫故不食死

任德修妻杜

三 夫死葬後自縊

王錫留妻李友名

三 夫死自縊

鄧繡章妻李

三 夫死吞毒死

夏家肅妻高延隴集

三 夫死自縊

任之妻高

三 夫死吞毒死

王勤修妻張

三 夫死自縊

魏德修妻黃

三 夫死吞毒死

張起大妻董石吾山

三 夫死自縊

劉孟春妻徐

三 夫死殮後自縊

張行舉妻荆徵明荆家樓
 周慎修妻唐梁村
 楊名佚妻閻龍燈
 提督馬玉崑妾于縣城內
 夫死身殉
 二。夫死自縊
 夫死自經
 李長有妻張
 魏樑才妻葛
 曾傳經妻張善齋集
 三。夫死投縊
 二。夫死自縊
于歸五月夫亡
 後縊於棺側

以下吳徐氏等皆光緒二十四年邵大法破程家岩殉難烈婦已入祠韓志瑞妻程 王萬妻張 程荷
 朝妻李 程志儉妻王 徐廣屏妻王 王麻子妻孫 程志功妻任 夏范杜妻趙 程大學妻王
 程有魁妻梁 李全道妻韓 程大川妻普 李鈞妻穆 朱長富妻王 宋博學妻高 程思孝妻郭
 高其鳳妻朱 張萬里妻王 程大同妻劉 宋長龍妻徐 李全忠妻孫 徐玉田妻宋 程年妻高
 巴和林妻左 程有慶妻高 程志芳妻李 程有春妻王 邵義妻 郭好禮妻孫 程有德妻王
 李夢金妻王 宋乾倫妻張 王茂同妻葉 程有忠妻李 程興賢妻吳 程有盛妻何 王萬善妻
 李 張士杰妻何 宋長發妻王 夏秀重妻何 宋乾福妻程 程思敬妻賈 程大純妻宮 朱自
 立妻孫 徐三元妻王 程志立妻姚 程有廷妻王 韓有妻張 程有東妻葉 李全義妻張 夏
 士成妻張 程有禮妻劉 程有翼妻王 程大觀妻王 程志學妻謝 程有明妻王 李全節妻郭
 王栗氏 徐栗氏 徐吳氏

民國烈婦表

姓 氏 村廂 年 事蹟及褒揚年月 姓 氏 村廂 年 事蹟及褒揚年月
 李長有妻張義齋集 夫死自縊以殉六月
 馬秉乾妻倪維河保 三夫亡絕粒死
 田金昭妻魯維河保 三夫死自縊以殉九年六月
 史永光妻魏道竹橋
 李桂森妻孫城東關
 三夫死御藥以殉六年五月

高陽風土記全七烈婦表

民國烈女表

以下至張張氏皆民國元年八月十一日匪破王家圩殉難烈婦如下
秦張氏 王謝氏 秦張氏 王鄭氏 劉周氏 張張氏

清烈女表

尹大化妻王 氏村廂 齋年 事蹟及旌表年月 姓
高鴻儒妻李 氏村廂 齋年 事蹟及旌表年月 姓
張作棟妻周文名 韓村集 一九 將嫁聞夫卒自縊 高光之妻相 氏村廂 齋年 事蹟及旌表年月 姓
聞夫死自縊已旌
張少無禮告父母自縊
不嫁聞夫四事被拘
諒必死即日自縊

王全之妹王存姐 龍山集
劉荆壁女劉然姐 曹市集
劉兵劉保忠女劉瑞芝 城內
以上 陸方友陸 馬燦女馬 黃志謙妻陳對姐
時志學女時二姐 武仲三武女二女 龍山集
一九 因亂對縊

以下至王領姐皆 年節大法破程家砦殉 難烈女已入祠 程之姐 程留姐 程姪姐 程煥
姐 程賈針姐 程玉姐 程雅姐 程敬姐 程秀姐 程用姐 程金姐 李粉姐 程妮姐 程
彩姐 程林姐 李連姐 王玉姐 徐三姐 郭心姐 徐能姐 王梅姐 徐傑姐 郭富姐 王
三於姐 王玉姐 王金姐 王福姐 王貴姐 夏古姐 徐連姐 李林姐 夏林姐 李妮姐
徐知姐 朱能姐 張妮姐 徐言姐 韓福姐 李年姐 邵蘭姐 王領姐

民國烈女表

葛錦章妻劉范蘿村 氏村廂 齋年 事蹟及褒揚年月 姓
有傳民國八年六月周秀姐 氏村廂 齋年 事蹟及褒揚年月 姓
王家圩 元年八月土匪黃二
成破圩遇害

葛錦章妻劉范蘿村 氏村廂 齋年 事蹟及褒揚年月 姓
有傳民國八年六月周秀姐 氏村廂 齋年 事蹟及褒揚年月 姓
王家圩 元年八月土匪黃二
成破圩遇害

忠列表

車麟駟鐵秦之所以霸西戎也愛國尙武斯巴達所以雄
希臘也當戰雲瀰漫之秋而第與宋襄徐偃委蛇圖存容
有幸乎自有清末葉渦中躍馬控弦之士震悚寰區忠憤
義烈冠絕一時壯士矢爲鬼雄國殤蕩爲燐火男兒死耳
何戀戀馬革爲哉甲午之役渦人殺軍嵩武兩軍之死於日本者
踰百餘名異族競爭忠烈尤著惜冊籍無徵湮沒弗彰重
可痛悼耳茲採摭所聞都爲一表他日戰史有作庶於此
得省覽焉

姓

名職

業住

址年

月事

實

忠列表

馬玉龍

梁疇村咸豐二年

被匪殺

于宗介

大劉村咸豐二年

被匪殺

張大貴

草橋村咸豐三年

被匪殺

牛品三

練勇

曹市集

隨曹市團練李定邦營駐孫町集西賊眾困圍全軍覆沒

楊萬成

黃練集

被賊殺

郭秉禮子景堂孫瑞成

蒙關村

被賊殺

程大文

練總

臨湖鋪

帶練勦辦巨匪姚得光戰於清油湖陣亡

李茂遠

監生

雒河集

帶團勦捕匪首陳癩致正法被其弟陳生帶匪多人捉至雒河集扒心死

王昭

蔡湖村

因辦團獲匪甚多結仇被賊困圍殺死

魏建德

被匪殺

魏繼軒

王謀立

李伯

謝喬年弟恩

王勤子鑿

王之賓

程大功

程青雲

高鳳韶

高占魁

同上

雒河集

黃練村

蔡湖村

石弓山同上

臨湖舖咸豐五年

同上

張村舖

同上

辨練與賊結仇與子

謀立均被匪殺闔家

辨練與匪結仇闔家

被殺與匪結仇闔家

帶練勤辦巨匪鄧錦用

戰於臨湖舖陣亡

帶練勤辦黃梅香等

戰於黃家窰陣亡

帶練勤辦張家

圩陣亡攻賊圩於任

率練勇攻賊圩於任

表

二

于永山

王君明

程志賢

趙得龍

鄧繼陶

郝得功

史和羹

許汝會

池金川

宋玉

帶練勦賊戰於黃巖

寺陣亡

辦團練攻賊圩於任

家營陣亡

帶練攻賊陣亡

同上

辦團獲賊多被賊殺

粵匪破圩被殺

辦團練獲賊甚多被

賊殺

粵匪破圩被殺

辦團練殺匪百餘名賊攻義團

集賊戰於大石橋被巨匪劫辰獲殺

辦團投營保都司勦

匪陣亡

王文新 <small>子化泗 潘演孫</small>	李學詩	轉占元	孫之煥	魏繼先	盛貫	王文厥	韓法堂	韓椿	韓大文
-----------------------------------	-----	-----	-----	-----	----	-----	-----	----	-----

						增生			守備
--	--	--	--	--	--	----	--	--	----

臨湖舖	黃練村	同上	雒河保	同上	蔡湖村	臨湘舖	同上	張村舖	楚店集
-----	-----	----	-----	----	-----	-----	----	-----	-----

--	--	--	--	--	--	--	--	--	--

									團練入營保守備荆
									子關陣亡
									隨練勦匪陣亡
									隨練勦匪陣亡
									被匪殺

易風上祀卷七忠烈表

三

董筆	王紹周 <small>子孟</small> <small>孟</small>	趙希文	張化南	張從善	張瑾	轉占林	轉蕙堂	吳濟川	王信
童生	增生	練總	附生	教諭	練總			練總	同上
雉河保	楚店集	同上	義門集	丹城集	義門集	杏花村	雉河集	義門集	同上
					咸豐六年			咸豐六年	

辦練獲匪甚多被賊
 仇殺
 隨奇勝營在義門集
 西王家樓勦匪陣亡
 隨奇勝營在潁州東
 三里灣勦匪陣亡
 咸豐三年州牧孫公被匪首姚長春等截
 殺理率大救獲殺傷匪人與匪結仇避居毫
 州六年五月隨欽差袁攻勦義門集陣亡
 粵匪北過攜家避居齊山下聞示城歸
 德失守遂投井死
 在集西設一小學賊首劉尿管噴書聲
 入問曰何處考答曰北京怒罵曰嫉心未
 退令鄉河下殺之
 辦團練與賊結仇避居安溜集被賊首黃
 老虎率匪搜希文與子興業帶至義門集
 縛柱上以沸湯澆之罵不絕口子凌割死

被賊殺

張景周

陳守仁

張懷忠

弟懷實
子同文伊
同年同春

劉汝雨

王燦章

蔣廣譽

王化栢

王三義

薛美

孫方士

蔡湖村

西陽集

吳林村

張村舖

臨湖舖

同上

同上

佛鎮集

龍山集

雒河集

咸豐六年

同上

乏嗣繼兄子龍賊誘入夥
禁止不遂自縊死

張匪猖獗避居於臺自憤曰既不報國又不
字家何面目偷生於世抑鬱數日自縊死

馬易風仁已卷五忠烈表

劉朝綱 耆民 蔡湖村

賊勢猖獗押鬱數日
自縊死

以下二十五名係太清宮順河集人咸豐六年殉難

劉借君 劉步章 劉太和 劉太清 馮光遠

馮光理 馮光訓 馮光第 馮光如 李天倫

李春華 李奉春 石玉掌 渠興 姬盛清

張兆軒 張兆盟 張柳 王洪長 王洪言

王興志 司宗孟 李學淵 馮克龍 王文聲

葛銳思 練總 西陽集咸豐七年 帶練總家城縣命在豐家集勦匪劉

韓起宣 楚店集 辦團練與賊結仇圩

韓訓 同上 圩破遇害

楊萬清字計南

祝崑池

同上

立岡村

楊明體

監生

梁疇村

魏洪修

同上

范蠡村

王騰岸

文生

杏花村

王愛山

同上

同上

楊仲望

梁疇村

張紹孔

蔡湖村

楊其昌

柳橋村

牛履剛

曹市集

被賊殺

隨蒙城知縣俞勳匪在劉家集與江台陵戰並子同時陣亡咸豐三年辦練獲匪首劉四正法被劉尿殘殺

牛履真

牛保

張元長

侯金啟

李孟獻

徐獻 同上

王連城 弟金城
子霖

蔡湖村 同上

被賊殺

以下十八名柳橋村草寺村人咸豐七年殉難

楊廷輝 張熙古 孫開三 孫開城 孫化南

孫治隆 呼進修 呼四 潘文彩 陳進忠

陳 妮 潘希淵 沈學修 沈行仁 沈廣信

沈廣聚 韓從儒 韓玉賢

以下十五名大劉村人咸豐七年殉難

吳體勤 吳若恕 吳懷善 吳運嶺 吳若齊

吳體具 吳體倫 吳若行 王 現 周宜廷

周洪訓 曹大本 潘 四 吳體常

盛希禹 練總 蔡湖村咸豐六年五月 辦團與賊結仇

張學曾 副將 花溝集 由團練入營保花翎

張學霖 副將 同上 由團練入營保花翎

江潛恩 弟天智 監生 趙旗屯 被賊殺

忠烈表

楊椿

何三美

侯澄亭

楊鳳卜

張學孟 弟學詩子純
古繼任主往族
孫守明守宗

以下二十七名蔡湖村盛查塘人咸豐八年五月遇難

盛希古

盛希孟

盛羊

盛雙全

梁町村

柳橋寺

曹市集

柳橋村

臨湖舖同上

盛海霧

盛希顧

盛懷清

盛之清

同上

同上

同上

同上

同上

盛長江

盛萬清

盛學禮

盛皂

同上

同上

同上

同上

同上

盛之超

盛學章

盛午時

盛希修

同上

同上

同上

同上

同上

盛之唐

盛學謙

盛希千

盛玉桂

盛學往

張

鼎

盛長清
盛希清

盛大法
盛聚清 定

盛學思

練總

蔡湖村咸豐十年

辦團練衛鄉里與賊
結仇被賊所殺

董學珠

童生

雒河保同上

被賊殺

以下九名蔡湖村盛家樓人咸豐十年圩破殉難

盛佩

盛玉山

盛崑山

盛治亂

盛學典

盛建

盛

銀

盛學蘇

王開府

穆鶴鳴

都司

趙旗屯同治元年

由武童練入欽差袁三營保儘先
都司帶先鋒隊駐宿州勤倉裏圩陣亡

武源清

佛鎮集同上

被賊殺

楊瑞英

千總

高爐集同治二年

由投誠隨宿州知州英翰攜張烙刑蒙僧親賣
六箇軍功三月帶勇剿苗匪蒙安徵應沈康保
千總六月奉英翰計許投張宗禹賊賊破被殺

楊登科

梁町村

隨李南華營與苗逆戰於蒙
城東門外陣亡

周易風上巳祭日忠烈表

七

吳猛

石弓山

吳舉

同上

王坦

張村舖

吳黎

石弓山

紀書信

楚店集

董全

路家集同上

同上

以下十七名高爐集練勇於同治二年隨營官程文炳

攻楊心田賊圩遇伏陣亡

張文耀

王東曉

孫開讓

賈先春

方八蜡

呼郎

賈玉春

何念策

蔡鳳春

樊得龍

賈叶蘭 賈妮 楊妮子 張學樸 呼杭
 王羣 張號

楊心重

任思恭

練總

梁町村同治四年五月

辦練築圩衛鄉里巨匪張相任柱等攻圩圩破均被賊殺

至如盛

守備

強字營保守備義門集與賊楊悞戰於河南陣亡

顧從如

千總

強字營保守千總守義門集與楊楊悞戰於河南陣亡

丁汝貴

守備

同上

強字營保守備守義門集與賊楊悞等戰於河南陣亡

以下三十一名梁町村楊家圩人同治四年殉難

楊思慎

楊大合

蒲宗明

張見魁

劉永修

楊蘭

楊交

吳亮

李小有

盧大貴

蒲宗禹

劉高修

張長看

趙羅

楊狗

忠烈表

楊拉住 楊小毛 楊常 師春 師狗

蒲小蟾 李薰蘭 李白 耿松 耿恩

楊黑狗 楊小妮 張四 楊大鈴 楊小鈴

張掌

以下十名梁町村李家圩人同治四年死難

李朝棟 李克有 李克秀 李克信 李克臣

李玖 李顏標 李香 李俊德 李大春

孫立士 總兵 雒河保同治五年

趙得然 楚店集同治七年

以下六十二名臨湖舖程家圩人捻匪破圩遇害

投誠以功保提督記名總兵統營駐陝西鳳翔府勦回匪血戰眾寡莫敵力竭陣亡

由練勇入營保藍翎千總勦匪彰德陣亡

李守謙 聶永貴 徐免 程大祿 姚可本 尤廣隆 徐大科 程大軒 程大紹 李全才

徐卓正 王如柏 王如阜 程剛 程興隆 程祥 徐壯 程有套 程大權 姚可信

徐卓朋 王道 王大尊 姚景詩 尤家修 徐大紀 徐大孝 程大江 程興珠 姚黑

徐卓信 王夏 于仲元 程水 徐立紀 徐大悅 徐立 程有祥 程興立 徐明舉

徐卓曾 徐廣增 姚景魁 姚剛 程舉 徐大樣 尤學文 程揪 王立遠 姚景良

忠烈表

姚大舍

程典周

尹義

程興隆

程大田

程大立

程驢

李守正

李守穎

王萬相

程大受

程純

以下一百二十九名張村舖高家圩人捻匪破圩遇害

程步蟾

姚秉善

程文安

程有科

程妮子

王玉

程得

程奪

程斗

宋三

程太

宋憨子

程大賢

陳士興

程太和

程士欽

程上

陳成

陳星

陳軼士

陳鳳來

程思明

程思從

程柏

程思恭

張景賢

周萬成

任士貴

張成修

趙套

王 吟
程 受
梁宗聖
姚秉超
張秉信
孫宗賢
韓 傳
李 壑
程大運
程道修

姚志業
程 才
任 繼
程 鬼
張秉禮
孫小意
李 四
陳 琢
張秉正
程文江

姚柏林
姚石頭
任 坦
程 常
梁宗勉
程 稜
宋 六
陳 朋
張允好
程有德

姚 馬
姚志德
孫榮先
程大魁
梁崇一
程 石
李 長
任 玉
任宗禹
程 榜

程 祥
張允動
姚金玉
于 省
于中元
程 破
韓 瞻
張 玉
李 拉
張占選

忠烈表

滄陽風土言卷之四

張占修

于思逮

葉廣順

任明典

程文堂

程太交

崔希雲

程鳳梧

程怪

韓如意

宋七

苗牛

高應玉

高應瑞

高鳳台

高年

楊年

張倫

高輝

高賓

高洪信

劉元長

高孔傳

王御

高長玉

高當

高恒太

王萬箱

高習孔

姚虎

姚牛

高佑

高蠻

高學孔

任其廷

任大僕

任維波

王天華

于思見

孟協力

王明倫

孟本年

孫學詩

姚景美

張生

張四

姚羅

宋廣

王牛

以下十二名皆隨練勦匪遇害者

趙桂林

紀倫

王憲章

胡風和

楊九

劉占山

張九重

李士亮

趙興業

盛建樹

施鳳翔

武會

以下二十一名皆從軍勦匪陣亡者

王華國

鄧開成

陸悅安

陸國琛

張恒一

張成一

張守庸

董鳳信

潘進賢

孫佩珩

孫芳彥

張德榮

王家銳

王家瑞

王家安

王家倉

王之清

陳大文

趙福

張清品

徐效孟

高陽風土記卷之忠烈表

十一

以下三十名係義門集捕匪陣亡者

蔣得勝

萬載陽

趙宏義

鎖天正

呂山

陶蘭興

張環

許東城

王振

陳洪山

高永勝

顏振標

王天祿

祁天保

張蔚山

王永貴

顏喜

馬清和

李雲

王勝

王法曾

錢文舉

王其聖

梁振玉

王鳳魁

王宏勛

胡永華

蕭長勝

侯興

任占清

以下二十二名係粵逆破圩被害

李永順

馮見龍

張文秀

李標年

孟憲章

程有興

程有慶

張天文

武延清

曹汝清

劉好問 李顯榮 朱永海 曹渭清 趙銀
 曹體清 曹玉攻 曹鳳梧 高紹文 胡繼閔
 胡玉綸 許汝會

以下一百二十四名係臨湖舖程家寨人光緒二十四年匪首邵大發破寨遇害

王茂林	宋長發	張萬玉	程玉	王祥發
宋輝	徐廣胖	狄振榮	王祥有	宋正
徐廣太	宋磚學	王萬義	宋治功	徐保珠
程有璽	翟懷春	程有益	程大學	程心傑
張克才	李玉柱	李全勝	李三極	孫燦

忠烈表

張牛

張萬鐘

程大同

李麻留

朱自有

夏范柱

徐保聚

白長太

張德祥

劉棠

翟月

程思明

程大朝

程本德

程心興

高其鳳

李發柱

宋長太

程志樸

李全道

張萬禮

程有存

程大田

李大麻

王廠

邵來玉

徐玉仲

劉長山

鎖鳳山

程有省

孫永魁

程有年

宿斧頭

岳變

趙科

李萼金

張繡

李全位

張士欽

程有盛

王立

程志學

孫覓

夏秀雲

韓友

程志伏

李來印

夏涼

韓喜

王茂同

周尙德	高三	班士祥	葉小江	楊中賢	郭龍	徐三元	程有里	夏玉	紀品
周鐵錘	周文嵩	楊龍頭	張連	陳其祥	周萬里	劉九	宋乾福	朱水	夏虎
高四	葉萬貴	楊法	苗和	高二	李長榮	張石	李尿	王萬善	韓意
馬廷璧	劉小年	夏山林	楊興	高見	張九里	周尙勤	朱興隆	李毛	王學詩
	劉玉振	王卷	周三元	周萬如	楊道	張磨	程生	朱自立	孫香

以下八十三名係石弓山王家圩人民國九年八月十日土匪黃二成破圩遇害

王殿試 王懷勤 李 尿 王金斗 王鴻遠

王懷仁 王洪義 王懷古 王鴻宜 王洪續

王結實 王殿武 王洪收 王洪卿 王金鐸

王洪志 王洪福 王洪賓 王洪德 王洪信

王洪祚 王懷軍 乙 和 王尙禮 王洪畧

李 水 趙 收 周士才 周 呼 周 覺

王懷本 周 蕭 宋可圍 王洪亮 王洪恩

王懷精 王懷朗 王懷緬 王懷蔣 張學文

馮翠夏	王在論	張升	謝大小	馮運美
王德崇	張成	王振東	秦心效	秦心安
毛敲	羅亨讓	秦紹乾	王生	張寶玉
崔有才	秦紹標	羅生	謝鳳官	秦紹文
秦紹武	曠聾子	王洪道	周頂	秦小齡
李岡	秦愍國	劉化豫	秦小英	崔英吞
周愍孜	劉呼	劉毛	劉恒修	劉恒恩
姚考文	張重	張輩	張明	張九
羅亨貞	張丑	王興武		

渦陽風土記卷十五

渦陽縣知事古葉黃佩蘭撰

兵事

城父斬銍之間東蔽濠壽無名山大川限戎馬足田疇沃
衍足資耕屯渦肥舳艫尤便轉運上可以率三河豪傑北
定中原下可以據兩淮富饒進窺江表地處要呂勢屬必
爭而強悍之民其氣焰又足以召之五帝尙已禹誅防風
湯征葛伯著於近境究莫得而詳也魯史筆削以後其事
之見於傳記者

春秋僖公二十二年秋楚成得臣帥師伐陳取譙夷城

陳夷

邑譙郡城父縣十二年楚子伐徐兩次乾谿乾谿在譙郡城父縣今縣治西北乾谿溝

十二年夏四月楚公子比自晉歸於楚弑其君虔於乾谿

公羊傳靈王無道作乾谿之臺三年不成楚公子棄疾脅比而立之然後令於乾谿之役曰比已立矣後歸者不得

復其田里衆罷而去靈王經而死左傳王縊二十年楚遣於莘申亥氏申亥氏以其二女殉而葬之

太子居城父費無極日讒太子於王曰太子怨望居城父擅兵外交諸侯且欲入矣王囚其傅伍奢使

城父司馬奮揚殺太子未至而使遣之太子出奔宋三十年楚使左司馬沈尹戌取

城父與胡田以與之冬十二月吳滅徐徐子章奔楚遂城

夷以處之三十一一年吳人侵楚伐夷哀公六年吳伐陳楚

子救陳師城父吳伐陳復修舊怨也楚子曰吾先君與陳有盟不可不救乃救陳師於城父秋七月

楚子在城父將救陳卜不吉卜退不吉王曰然則死也再敗楚師不如死棄盟逃難亦不如死死一也其死難乎

庚寅昭王攻大冥卒於城父 九年楚伐陳取譙夷

秦始皇二十二年李信攻平輿蒙恬攻寢大破楚軍信又

攻鄢陵破之引兵而西與恬會於城父楚人隨之三日夜

不頓舍大破李信軍入兩壁殺七都尉李信奔還王剪代將日休

士洗沐而善飲食士卒皆投石越距剪曰士可用矣荆數挑戰而秦不出乃引而東剪舉兵追之大破荆軍至蕲南

二世元年陳涉令符離人葛嬰徇蕲以東攻鉅鄆苦柘譙

皆下之二年臘月陳涉至汝陰還至下城父即今縣治其御莊

賈殺以降鉦人宋留將兵定南陽東至新蔡聞陳涉死降

秦伍徐漢書作伍逢將兵居許章邯擊破之董蝶與符離人朱

鷄石皆特起兵

楚漢之交漢韓信彭越劉賈皆請進兵屠城父楚大司馬
周殷叛楚舉九江兵迎黥布並行屠城父

後漢建武二年帝幸譙遣馬武王霸圍劉紆於垂惠蓋延
等破劉永於睢陽其將蘇茂周建奔垂惠馬武圍垂惠克
之建安十四年軍至譙作輕舟治水車秋七月自渦入淮
十七年曹操南征孫權表請荀彧軍於譙

魏黃初六年魏主以舟師伐吳自譙循渦入淮

晉永嘉五年夏司空荀晞奉豫章王端建行宮於蒙城秋
漢石勒陷蒙城執荀晞及豫章王端元帝建武元年祖逖
取譙城降其塢主張平樊雅永昌元年石勒陷襄城城父

遂圍譙趙石堪襲兗州不克遂南奔譙城七年姚襄爲秦兵所敗帥衆來歸詔襄屯譙城永和九年殷浩自壽春帥衆北伐次山桑姚襄反浩棄輜重退保譙城器械軍儲多爲襄所掠士卒多亡叛浩遣王彬之擊襄於山桑爲襄所殺升平元年慕容儁遣大司馬恪進兵渡河掠地河南汝潁譙沛皆陷分置守宰而還三年謝萬帥衆入渦潁以援洛陽畏燕盛引兵還衆驚潰萬單騎還詔廢爲庶人於是許昌潁川譙沛諸城相次皆沒於燕太和八年苻堅敗玄率冠軍將軍桓石虔徑造渦潁經畧舊都

齊永泰元年魏攻齊宜陽齊圍魏渦陽以救之義陽圍解

齊師亦潰

魏鎮南王肅攻義陽齊裴叔夜圍渦陽以救之

魏王使將軍劉藻等救渦陽叔夜進擊大破之王肅請更遣兵救渦陽當止則止當下則下若孟表糧盡軍不及至致

有闕義陽當止則止當下則下若孟表糧盡軍不及至致

尖渦陽鄉之過也肅乃解義陽之圍與統軍楊大眼奚康生等救渦陽叔夜見魏兵盛夜退裴叔夜率師五萬圍渦

陽師潰退守渦口

魏南兖州所鎮去彭城百二十里刺史孟表固守拒戰叔夜攻圍之積所斬級

高五丈以示城內又遣軍至蕭瑣成寶真分攻龍亢戎即

魏馬頭軍也魏城自守徐州刺史廣陵王率二萬人騎五

千匹至龍亢瑣等拒戰不敵叔夜三萬人助之數道攻魏

魏新營未立於是大敗廣陵王數十騎走齊軍追獲其節

萬級獲生口三千人器仗驢馬絹布千餘計魏王聞廣陵王敗遣都督王肅大將軍楊大眼步騎十萬救渦陽叔夜見兵盛夜委軍遁走明日齊軍奔潰魏軍追之殺傷不可勝數日暮乃止梁普通五年裴邃拔魏鄭城上縣汝穎響叔夜還保渦口

應魏河間王琛憚邃威軍於城父累月不進大通元年曹

仁宗伐渦陽魏遣征南將軍元昭救之

梁前軍去城四十里至駝澗慶之與

塵下奔擊破其前軍還與諸將連營而進背渦陽與魏軍

相持自春至冬數十百戰魏作十三城欲以控制梁軍慶

之銜枚夜出陷其四城渦陽城王王緯乞降所餘九城兵

甲猶盛乃陳其俘馘鼓噪而攻之遂大奔潰斬獲略盡尸

咽渦流

魏永安元年梁以北海王顥為魏三年號孝基入據南兗

之銓城十一月以中護軍蕭藻為都督侵魏鎮於渦陽十

二月侯景率軍圍譙城不下反攻城父拔之

北魏太昌初魏軍追擊侯景退保渦陽

紹宗士卒十萬鳴鼓長驅而進景命

戰士皆披短甲執短刀入東魏陣但低視砍人脛馬足東

魏兵遂敗紹宗奔譙城裨將斛律光張恃顯復進軍渦水

可

亦不利
而還

東魏武定六年高岳等於渦陽大破侯景俘斬五萬餘人
渦水爲之不流

北魏孝昌初宗室元法僧據彭城稱帝詔鄆道元節制諸
軍軍至渦陽多有斬獲

隋大業十二年鹿邑民田黑社盜據渦州亳州城父人朱

粲號可達
江賊

自稱迦樓羅王衆十萬渡淮屠景陵沔陽轉剽

山南僭稱楚帝

唐天寶十五年真源令張巡與城父令姚閻等起兵討安
祿山中和三年秦宗權略地潁毫慄銳慘毒村斷人烟乾

甯四年宋全忠據亳州天復三年夏四月楊行密遣將數萬攻宿州汴梁唐懷貞救之

宋開寶元年北漢潁州砦主胡遇春來降紹興九年金兵抵亳州北渡河張俊率諸軍擊之盡復衛真鹿邑等地十年酈瓊在亳州張俊以大軍至城父都統制王德下符離乘勝趨亳與俊合俊引軍入城金人棄城遁父老列香花迎俊遂復亳州留統制朱超守之是年張俊遣王德復宿州嘉定十年宋兵攻金潁州焚掠而去十一年金宣宗二年十一月乙未紅襖賊李全餘黨掠宿州辛丑蠲宿州逋租十二月紅襖賊夜入蒙城大掠而去軍民死者甚衆是年陳臺等

州城父等縣盜賊蜂起樞府遣官討之捕盜軍所過殘民遣御史按察視所獲牛有司以錢收贖

金元光元年六月丁酉紅襖賊掠柳子鎮驅百姓及驛馬

而走捉控張禹追擊奪所掠還二年遣官分行陳毫溆鄧

裕諸州議民兵相聚立砦避兵各巡檢軍相依者五千戶以上置砦長一員百戶增

副一員仍先遷一官能安民弭盜勸農者論功注授正大九年鎮安軍提控楊春作

亂城父令李用宜不屈而死時單兵四百人號鎮安軍皆紅襖餘黨變詐反覆朝廷終

以盜賊待之亳州節度使粘哥荆山至鎮悉籍城中丁壯為軍春畏逼乘夜掩殺新軍殆盡荆山走衛春自為總

管屬縣皆下惟城父中統三年李瓊反求救於宋將夏貴

令李用宜不屈而死自蘄乘虛北奪毫滕宿邳滄濱七州新蔡符離蘄利津四

縣殺守將張柔子弘畧率戰船遏於渦口貴退保蘄弘畧發亳軍攻之水陸並進宋兵素憚亳軍焚城宵遁追殺殆盡盡復所失地

元至正己丑春城父縣達魯花赤伯顏率兵赴義門渠擊

賊爲賊所害

伯顏聞義門鄉塢下村賊白晝劫虜遂率弓兵赴救至白龍廟聞賊黨又掠福寧鎮之水

西村賊敗追之爲伏兵所襲轉奔福寧鎮境民兵不及十

援爲賊所害後人於伯顏被難處所塑像立祠祀之十一年劉福通破潁州五月柳子鎮巡檢侯德源哨賊至亳

殺賊蘇元帥等男女一百一十餘人六月賊入城父德源

率士卒及義兵殺賊二百餘人於烏夏店及浮梁七觜等

村又夜燒賊田氏謝氏營砦數十處殺五十餘人遲明引

兵入縣城城父人恃以爲安九月賊寇宿州土匪四起德源捕誅誦蓮經三百餘人於魯店十月賊王千戶犯臨渙燒民舍德源與戰於北門賊遁十五年韓林兒建都亳州二十六年明太祖遣將取潁州

明正德六年流寇屠蒙城楊虎作亂於亳武平衛指揮石璽百戶夏時擒誅之嘉靖元年流寇王堂作亂寇亳州十
字河三十二年施南詔作亂掠亳州潁地震動崇禎八年
正月闖賊圍潁州八月流賊老獃獃侵掠亳州九月流賊
復攻潁州兵備副使謝肇玄與貢生李栩擊走之渡淮犯
蒙城苗有才敗之於駱駝集十年流賊左衿王等犯潁州

潁營都司李栩設伏三里灣敗之生擒跳澗虎油葫蘆等
溺死二千餘救回難民七百餘人十二年春老獬獬掠潁
州秋復至十三年流賊袁老山寇亳州連營五十里焚殺
殆盡十四年袁老山盤據潁州潁上縣攻蒙城圍城三日
總兵劉良佐敗之十五年南五營賊潛謀奪潁州城義門
郭尙書智死之革裏眼左衿王等復謀入城郡判任有鑑
督民固守却之袁時中劫掠王老人集參將李栩死之有鑑
謀兵會勦黃得功引兵擊敗之追殺殆盡老獬獬等繼至
得功選精騎從潁西擊之亦潰去是年李自成陷亳州知
州何燮死之十六年亳州土賊房文字等盤踞民莊野無

居民

清順治十年山東膠州兵叛侵亳州東境曹撫沈文奎追
滅之嘉慶十一年宿蒙教匪樊明揚等聚眾倡亂侵城西
南宮記寺經壽春總兵德承額撲殺之十八年河南滑縣
教匪作亂邊境騷動巡撫胡元家帶兵駐紮雙溝集防禦
歷代兵事見於縣境者其概畧如此夫提封既當敵隧井
湮木刊原無可訴其狡焉以希冀非分者又復前仆後繼
慘莫之懲兩戒河山天若故留此方罫平原聚羣雄以布
戰爭之局史冊所載不可誣也乃有一二人崛起於草澤
之中搶攘幾無寧宇遞推遞演而中華維新之政體實萌

芽於此尤生民以來所未有太史公曰世異變成功大其
信矣乎撚匪

江淮間聚衆打降諺呼曰撚又盜撚紙然脂毀室劫財即名謂撚

始事於咸

豐元年蕩平於同治七年擾皖豫燕齊楚各行省以雉河
集爲老巢雉河集距亳蒙各百里政教所阻鞭長莫及撚
首張樂行雉河東岸張老家入距雉河集十二里家數有
蛇異一日風雨晦冥迅雷破門前柳巨蛇死而樂行生產
室有硫黃氣母以爲祥因小字香兒兄弟三長問行早逝
次敏行即張闖三即樂行宗禹爲樂行族姪席沃產數百畝
暴厲恣睢即後漢書所謂豪家屯聚宗賊者也當其初也
一良牧令防禦緩輯而有餘清末葉大吏多貪懦無能有

司權輕率規避苟且而不顧其後咸豐元二年間饑饉薦
臻龔得等橫行劫掠樂行族子楊會率黨十八人赴永城
掠羊百餘隻吏捕之獄時樂行販私鹽黃河北歸率龔得
等萬餘人圍永城劫楊等十八人出獄衆依樂行自固樂
行聲勢始大統領徐曉峯先駐西大橋舊屬
亳州聞之駭遁三
年樂行嘯聚雒河集山西會館祭旗起事時永城馮金標
張鳳山亳州朱洪占陳起生鄧作仁尹甲王懷山孫玉標
倪中平朱天保蒙城胡元衆張狗史鴨陳小愛江懷勤鳳
臺劉洪立王之重宿州李殿元號十八舖自西陽集沿途
搶掠潁州知州毛含煜遊擊武全蒙城知縣宋維屏各帶

兵勇追之於雒河集金標等勢窮旋由臨渙投誠宿州大營官軍駐雒河集焚鄒家樓賊巢匪氛稍戢以安慶金陵警報迭至官軍各歸守城匪勢又張二月欽差工部侍郎呂賢基兵部侍郎周天爵專辦皖省團練委員周某率投誠之馮金標等駐紮雒河集張樂行亦相率投誠

呂文節公之奉命而出也奏言團練防剿三事當分寄其任並致其力江北一帶擇精幹牧令稍假威權練本邑鄉勇因糧以守本境剿賊之事專責之統兵大帥統兵大帥駐營去賊百里外者立予逮問其實欽差並未轄一兵未携一錢賢者徒以名義忠悃相維繫倉猝捐軀無補時艱

呂之殉難舒城卽其證也是年九月周天爵亦以憂鬱卒於王市集初周天爵遣張樂行等會壽州知府金光筋平土匪陸遐齡於北爐橋光筋以啞者縛遐齡解軍轅餘黨敗散張樂行等皆賞頂戴尋以餉項無着遣散歸籍仍舊搶掠居民從者愈衆五月粵匪李開方林鳳翔吉文光由揚州破鳳陽自懷遠渡淮蒙古副都統勝保尾追不敢深逼蒙城知縣宋維屏亳州知州孫椿先後戰死粵匪到處讐官而不害民市不易肆凡藏有印信公文者殺無赦革新潮汎漸染漸深匪膽愈壯七月宿州知州張清泉協鎮朱連泰剿匪於雉河集初戰不利游擊錢某以大炮擊之

賊始退九月蒙城知縣劉瀛階守備楊鼎金擊紀黑壯於
丁家溝相遇於小澗集西官軍敗績文生杜遐齡等歿於
陣十月徐曉峯朱連泰及團總張虎文趙行五攻雒河集
獲匪甚衆十一月回蒙城教匪張捷三倡亂於義門集徐
曉峯朱連泰奉命掩剿奪其大炮斬其子大鈴四年三月
兵科給事中袁甲三繼周天爵接辦皖省團練張捷三仍
勾合撚匪抗拒官軍甲三命徐曉峯朱連泰進剿斃捷三
王道人於陣餘黨潰散大兵撤紮臨淮九月徐曉峯誘殺
狡匪宋洪占於雒河集十一月袁甲三因鄉紳之請遣張
家駒朱連泰紮義門集相機剿撚旋移軍亳州五年三月

宿州知州郭士亨建議收撫張樂行飭耆老往說樂行反正詐給口糧樂行不用命郭以憂死六月樂行犯蒙城武舉黃廷萬戰死樂行焚張虎文故里匪黨孫之友投亳州大營七月樂行焚義門集團練董事遭禍尤慘八月樂行掠馬收集朱連泰等軍敗績擄候補知縣史九恩而回九月樂行復犯蒙城墮其城十月樂行犯亳州圍月餘不下河南按察使余際昌遣師焚雒河集樂行老巢樂行回救亳州圍解此三年中樂行倏降倏叛進退綽如縱橫跌宕所向無前而所謂統兵大帥者方且翹首江天驚心動魄以皖北爲不足慮從征之士逍遙河上虛與委蛇賊氛日熾

人人喪其樂生之心轉思擁渠魁爲奇貨競仗策以從借
箸爲樂行籌大計六年正月蒙城歲貢鄭景華李士鈺謀
於撚衆尊樂行爲盟主樂行乘肩輿至雒河集祭告天地
宣布信條旗分五色以正鑲遞推遞廣又有八卦水花等
名目各旗統將皆聽盟主調遣三月樂行犯懷遠四月袁
甲三聞樂行猖獗調翼長舒通額副都統克蒙額南陽總
兵邱聯恩懷慶總兵崇安以降人孫之友爲鄉導由歸德
直抵蘆家廟敗黑旗首領蘇天福於五馬溝又敗之於田
家溝天福求救於樂行樂行糾合五旗迎敵甫交綏黑旗
先遁大敗樂行於馬家橋樂行再戰再北官軍由渦河南

岸窮追之於鐵牛嶺樂行竄三河尖是役也捻巢盡覆創
痛鉅深甲三駐軍太清宮六月官軍追剿樂行於三河尖
樂行竄歸老巢焚殺鄉紳之助官軍者阜陽舉人朱鳳鳴
以勸諭撻衆投誠被屠戮尤慘河北鎮崇安者以帝胄執
兵柄痛粵寇過境有聲譽謂捻匪橫恣蒙亳人士實縱容
之於是殺亳紳張繼唐屠楊園子所過之地凡紳耆之迎
師者皆誣以通匪草薙而禽獮之所殺幾數千百人自亳
之草帽店窮追樂行韓奇峯等東至臨渙孫之友擬引匪
聚殲於宿州山套捻衆據漕河橋相持終日崇安以殺戮
餘威驕不設備匪用龔得計募死士劫營縱火喊殺官軍

大潰西竄幾二百里不能成軍士人亦以崇安之所施者
報之噫捻匪鴟張幾二十年草寇行爲究無與於文明之
數崇安輩逼拶激宕若惟恐革命思潮發之不驟且溥也
迨辛亥之變清廷親貴猶有祖述其說者生心害政邦以
淪胥可哀也夫是年張樂行歸附太平天國蓄髮受印信
膺封爵洪秀全以張樂行爲沃王任柱爲魯王餘賞賚有
差七年正月張樂行赴粵匪之約時李秀成已破六安與
樂行合軍圍霍邱知縣王啟秀潛通樂行廩生鄒霖等誓
死守城破士民死者十數萬人樂行人六安州據之分兵
圍潁上固始命宗禹赴五河打捐

撫匪掠糧遠地謂之打捐就地借貸謂之磨灣

宗禹曰士不用命奈何樂行曰殺之至五河飽掠而歸李
兆受以二十營兵船追之宗禹前隊駛不可止張文所屬
黃旗藍邊船十八人宗禹皆殺之投幼孩水中反棹大敗
兆受文見樂行泣訴見殺狀樂行詰宗禹宗禹曰叔命之
矣敢辱明令以取覆敗樂行嘆曰汝真閻王哉宗禹閻王
之稱以此鳳臺諸生苗沛霖跣弛好大言初從樂行爲之
畫策軍中以苗先生呼之尋歸辦團練連圩數十聲震兩
淮勝保督師皖北以花翎五品官撫沛霖沛霖以聲妓蠱
之勝保恨相見晚沛霖怙侈殘忍以剿撫爲名迭破渦之
高爐集焚趙旗屯楊家樓席家樓數至雉河集與集紳王

榮甲以賓禮見及再至精華皆萃榮甲宅沛霖掩入席捲
去自是與樂行各樹一幟倏分倏合以趨於亡勝保立白
旗軍前曰招撫難民去樂行降者旬日幾十萬檄南陽總
兵邱聯恩由汝上游潛濟賊素憚邱號曰邱老虎聯恩得
檄卽馳入賊壘殺其驍將焦淮浦勝揮軍夾擊樂行大敗
斬首萬餘人又敗之三河尖潁上固始圍解六月官軍復
霍邱圍樂行鳳關關四面距水樂行糧盡且大疫日輿尸
拋淮流勝保以礮船蹙之樂行大困李兆受新交歡李秀
成以二十四軍翼樂行走六安撓黨以累戰不利且囊橐
充裕謀解散歸農樂行患之其妾杜進曰主人初無意作

白頭賊諸堂王強推以為盟王騎虎而又欲下之可乎今

日之事勿庸多言衆感動議遂寢七月袁甲三遣總兵朱

連泰史榮春擊劉狗即大老淵圩破之劉走蒙關店八月蒙城

知縣俞可亭復敗之于西陽集九月都統伊興額擊羅和

尚於龍山集十月勝保剿匪雒河集旋退駐潁州夫緩轡

輕騎交綏而退左旋右抽中軍作好君子曰此皆以兵為

戲者也十一月樂行忌劉永敬即餓狼及其侄劉天臺即小白龍

誘殺之於六安其黨羽遂稍稍散去十二月劉天福回抵

鐵牛嶺遇苗沛霖敗之遂入徐家圩據守八年二月楊瑞

英據西陽集五月江臺陵孫葵心從樂行大隊由正陽關

東下輟懷遠破定遠臺陵葵心歸老巢是月張宗禹襲清江浦破之清江爲河督駐節之所其武備乃廢弛至此撻黨飽掠各載寶而歸雉河商人有轉鬻以致富者樂行之據定遠也官軍及苗沛霖圍之粵匪忠王及王中率兵趨救圍解九年正月袁甲三罷以徐州總兵傅振邦辦三省軍務都統伊興額副之七月撻撲亳州城知州博銘卻之十月勝保丁憂回旗起復袁甲三代領其軍十年三月樂行遣其黨江臺陵王懷義等擾豫南州縣幾徧所至燔劫千里爲墟閏三月傅振邦圍閻墟撻巢四月克之擒撻首鄧虎等十月苗沛霖反沛霖以功歷保川北道建奉旨團

練督辦旗區壽春鳳宿蒙懷等處爲東練阜潁霍及光固
新息爲西練偃蹇不法勝保陰縱之以孤樂行之勢及甲
三督師欲剿之而力不能時樂行將張龍守鳳陽沛霖率
任開金以官軍圍之敗樂行援師復鳳陽及臨淮定遠各
城朝廷僅晉沛霖布政使司銜沛霖以甲三抑已決計反
使朱萬隆取鳳陽關尙貫金襲霍邱苗開金犯懷遠潁上
與張龔連和遣朱鑫陸長華通款江寧洪秀全以沛霖爲
掃北王十一年五月苗沛霖圍壽州八月英翰蒞宿州討
兵實羅人才恤孤獨繕城郭剿撫兼施人心響應十月壽
州陷十一月張樂行與苗沛霖糾五色旗及粵匪馬永和

等圍潁州府城時安徽巡撫賈禎駐潁州飭署鳳潁道葉春培帶鄉勇守東關副將姚長齡梁世紳帶楚勇守南關副將范文英率撫標親軍守西關記名總兵馬陞帶川勇守西北關署壽春總兵李章帶撫標親軍副將陳義帶廣勇守東北關樂行軍餉皆由苗圩供給自十一月至次年二月圍攻不下地道葯線屢然不轟三月勝保再視師淮北沛霖又受撫樂行頓失後援聞浙江提督鮑超救兵至樂行軍潰沛霖復敗之於潁上樂行走雒河集陳玉成之被賺於苗沛霖也以檻車送潁州勝保大營潁人有對之述城守功者玉成張目曰以龍淵汙邪地道宜無成功城

東南林木葦蕩叢雜綿亘倚乘風一把火相餉城中尙有
燠類乎貴府亦幸遇馬呆子耳聞者悚然呆子謂馬永和
也同治元年七月袁甲三病劇回籍命親王僧格林沁統
轄山東河南軍務督撫提鎮均歸節制七月勝保移節陝
西閏八月僧王自夏邑移軍商邱之黃仲集丙午攻蘆廟
撻巢擒李金元斬之九月克廬廟莊進破老莊分軍克邢
大莊毀丁家花園其王莊王路五馬溝岳樓八里莊季棗
園香舖吳廟口各寨相率投誠臺北肅清復進攻亳州東
南渦河兩岸及宿州圩寨破蔣集焚援賊於蘇閣圩十二
月攻韓樓撻寨毀其圩進攻夏橋張橋集諸撻二年正月

張樂行竄宿州同知英翰截擊之樂行遁雉河集退守尹家溝是月英翰用貢生牛斐然收撫楊瑞英李勤邦劉天福等二十餘人二月舒通阿等破尹家溝雉河集兩賊巢進擊之於張村舖樂行悉五色旗衆二十萬迎敵僧王使陳國瑞都統富民阿以驍騎二萬橫衝之樂行大敗攜子走宿州夜扣李勤邦扉勤邦曰香哥耶飲以酒極歡乃潛使人馳告英翰黎明英翰率牛斐然楊瑞英等千餘人掩執樂行及其子獻僧王大營並執蘇天福江臺陵皆凌遲處死十年逋寇一旦縛之如圈豚然漢李固有言破殄寇虜宜更選有勇畧仁惠任將帥者以爲刺史太守魏尙之

爲雲中龔舍之爲太山其大效也英翰以功擢潁州府知府仍統軍不任吏事穎亳兵事始有轉機張樂行旣死撚仍分爲東西兩股西股爲小閭王張宗禹東股爲魯王任懷邦卽任柱專以分合飄忽制勝倏而分數十股使官軍彼此不能分顧倏而合數萬衆使官軍倉猝不及支持倏而遁竄數百里外使官軍跟尋無踪倏而盤旋百十里中使官軍懷疑莫測官軍追勦期年累月不得一遇向所謂漢之宗賊者忽變而爲明之流寇孫傳庭謂勦流寇當驅之於必困之途取之於垂死之日如但一彼一此爭勝負於矢石之間卽勝亦無關於蕩平曾李二公卽師此意以定

中原時僧軍駐義門集樂行餘黨皆竄伏遠近悚息觀變
三月僧王檄苗沛霖散練歸農以二千人從軍沛霖以奉
命入陝求緩期及勝保被逮僧王移軍山東沛霖度僧王
之終不已容也反意愈熾遂分軍復圍壽州五月撻首張
闖即敏行回雉河集張宗禹過定遠亦歸老巢殺楊瑞英西陽
集高爐集皆復從撻劫官軍糧臺旋聞僧王再督師南下
羣撻復分股竄掠是月蔣凝學兵潰臨淮壽州陷曾國藩
亟檄各軍防晚豫鄂各要害九月十四日僧王督師自大
名南下駐亳州十八日進軍高爐集二十日破楊寨楊心
田奔西陽集與葛春元併力拒守二十二日攻西陽集駐

軍葛家樓十一月十二日張宗禹由太和竄豫境二十一日僧王率大軍西行救蒙城沛霖怒練總李南華叛已圍蒙以南華爲說皖撫唐訓方檄沛霖退兵沛霖不奉命與官軍相持已十有二月沛霖掘長濠三匝以拒援兵城中糧運阻絕二十五日連毀賊壘十一座進紮蔡家圩廿六日督諸軍分路鑿擊賊大潰圍解沛霖死苗初與張比樂行之敗沛霖與有力焉樂行死沛霖之覆滅隨之沛霖號知兵殆天奪其魄歟僧王遣翼長蘇克金等收復渦河南北一百八十餘圩惟西陽集葛春元石弓山項盤等頑悍尤甚官軍以炮彈焚裂市廛爲墟糜爛慘狀爲樂行時所

未有是月帮辦僧王軍務將軍富明阿皖撫唐訓方先後
奏言撚匪倡亂前撫臣仿堅壁清野使民築圩自衛既而
加磚增堞堅如城郭各立圩主抗錢糧擅生殺甚至尋仇
劫掠如苗沛霖等釀成巨禍宜平毀圩寨革圩長之名目
不得歛費抽丁設局讞事使權歸有司至皖北地方遼濶
并應添設文武職官以資彈壓奉旨俞允此爲涇陽設縣
及龍山立營之始三年正月巡撫喬松年駐軍臨淮臬司
英翰拒雉河副都統克蒙額分防潁宿之間仍備張宗禹
夏五月張宗禹賴文光馬永和圍麻城陳國瑞力戰敗之
麻城圍解馬永和東走皖聞金陵克復赴英翰軍降九月

張宗禹擾宿松望江之間東掠潛太僧王赴英山追勦十月僧王至英山賴文光張宗禹陳大喜復合股趨豫境易騎而步多所裹脅至鄧州城南任柱謂張宗禹曰黃旗敗衄之餘請以藍旗前驅黃旗接隊可乎宗禹曰不能衝鋒焉能接敵今日吾死期也激勵將士一戰而挫僧軍遂圍鄧州又勝之於碓山僧軍翼長恒齡戰死於水推磨滕冀長死於火燒砦四年二月撚竄山東曹單等縣僧軍接戰於姜米砦不利猶窮追不已王寢食俱廢恒解鞍小憩引火酒兩巨觥輒上馬逐賊四月曾國藩聞僧王輕騎追撚一日夜行三百餘里步兵弗能及曰兵法忌之必蹶上將

擬密陳奏未及而僧邸之兇聞至初撚於三月悉股竄曹州濟寧各屬復渡運河北奔蘭山南趨郟城贛榆將及裏下河僧王求戰不獲朝旨責王逗遛撚奔河套三面阻水僧王以騎兵五千追及之將戰左右請待步軍至不許請休息一二日又不許詰朝未及成列撚數萬奄至遂敗晚駐曹西十八里之李莊宗禹揮軍掘長塹圍之放火鼓噪撚皆袒左臂僧軍奪路出宗禹以大炮轟官軍爲三師大潰僧王死麥隴中

王敗坐麥隴中撚童張皮縛手刃之

撚中諺云打幾箇圈

卽追軍莫及僧王之敗撚卽以打圈之法誤之也五月初四日朝命曾國藩接辦山東河南軍務旋命潘鼎新率淮

軍十營並余在榜開花炮隊千人航海至天津駐景德二州以衛畿輔張宗禹知京師有備與賴文光復至白龍廟石弓山等處十六日犯義門集十七日犯龍山營十八日抵臺子寺北藩司英翰率道員任蘭生史念祖等十七營拒之兩軍相交鎗聲砰訇動地烟塵上蔽天日旋聞人馬嘈雜戈矛擊撞之聲未幾電光驚繞乍開乍合刀影閃爍忽明忽滅如是者三小時陡覺烟塵大開如潮湧堤潰既而收隊令聞囂聲漸遠見萬馬脫銜轡趨飲於澗濱者皆長髮兵也英翰收散伍退保澗陽城宗禹縱兵圍數重英翰乘夜以數十騎潰出請援師於魯國藩魯國藩於閏五

月行次清江浦初三日至臨渙初八日抵亳州敗撻於渦河北岸十三日敗之於渦北孟窩十五日又敗之於寺兒集十九日破龔圩李莊解義門集之圍六月初三日劉銘傳疊破撻於崔家樓孫家砦石弓山龍山羣撻辟易渦陽圍解張宗禹裝旗於王家窪五孩與任懷邦不協遂分道入豫曾國藩奏言此賊已成流寇官軍勢成尾追擬設四鎮四游之師於撻匪必經之地以有定之兵防無定之賊變尾追爲迎擊制賊不流奏入從之五年張牛任賴分擾湖北由麻城入皖三月仍竄豫四月撲泗州縱橫於皖北各州縣六月曾國藩復建分地設防之議乃察看黃運兩

河防務次張秋會直督劉長佑東撫閔敬銘議分汎設守兼採劉銘傳扼守沙河之議與豫撫李鶴年鄂撫喬松年議各分汎地層層緊逼逐撚於西南多田多山之處以湘淮數枝游擊之師鵬勦疏入允之嗣以夷門師潰河防無成臺臣劾督師玩寇曾國藩引咎請病假數月十一月改授李鴻章爲欽差大臣曾國藩回江督本任是年十月張宗禹自汝走宜陽永寧入陝西南州犯華陰十二月敗陝撫劉蓉之師於灞橋三十餘營皆潰遂圍西安曾國藩檄鮑超往援鮑不應命乃檄湘軍劉松山星馳抵關中一戰解同朝圍六年二月大破撚衆於西安初宗禹以陝甘有

回漢之闕擬合回以抗官軍回酋馬艷魁謂漢回不兩立宗禹終漢族乃僞與合使宗禹軍迎戰而自後夾擊之宗禹怒結漢練攻回破數十寨且令曰掠回勿掠漢陝民以宗禹庇己且力足抗回也乃棄官軍而附宗禹宗禹勢益熾宗禹入陝歷一年又一月迭擾咸陽同州醴泉三原涇陽延安各州縣十一月破綏德州得任懷邦告急書將出潼關赴東撝有老翁教宗禹曰不可官軍聚山左河北必虛吾引兵出彰懷踰大名直犯畿輔官軍必回軍宿衛則東圍不戰自解矣宗禹從之二十二日宗禹由延安竄延長探龍王場冰橋方結東岸守兵甚嚴宗禹退紮四十里

命五孩帶短刀隊五百乘夜渡冰橋拔其鹿角焚對岸敵壘宗禹建大將旗鼓而進遂破吉州道平陽出橫嶺關走澤潞犯懷衛彰時東撚甫平李鴻章駐徐州方馳驛奏捷聞警單騎冒雨至潘鼎新營請其入衛劉銘傳與鴻章有違言曾國藩手書勸勉始允北征七年正月宗禹北擾定州欽差李鴻章豫撫李鶴年皆遭嚴旨譴謫庚申撲保定知省垣有備南趨博野掠深州入東昌四月宗禹涉運入南皮犯天津京師戒嚴詔諸道兵入援湘楚魯豫皖直吉黑之軍先後至李鴻章奏飭堅壁清野重申分地設防之議沿運築壘自張秋屬天津層層逼勒節節兜勦五月庚

辰劉松山陳國瑞張曜宋慶等擊撻德平破之於濱州之
白橋再破之海豐宗禹走吳橋周盛波設伏敗之斬宗禹
之侄張二彪六月十八日豫軍張曜宋慶會諸軍大敗撻
衆於濟陽東北黃河徒駭河之間著名頭目斬獲甚夥宗
禹謀撲運河被水陸各軍擊退踈伏鄆家渡左右宗禹之
渡運也期與任賴合至天津知東股夷滅失望解圍走武
定見餘糧棲敵則大喜謂千里連營事權不一秋高馬健
一呼可涉也至是黃汎陡漲灌運河三尺官軍礮船駛集
又陰雨彌月河海漳運滙爲澤國馬尺寸不能騁居民遠
徙入保芻糧乏絕宗禹大窘二十二日復敗於陵縣僞淮

王邱遠才率八百騎降陳國瑞宗禹弟五孩敏行子美秀而武至是患痘死二十九日冒雨走滄州由高唐奔運河

劉銘傳以生力軍扼之諸軍縱橫決盪張宗道戰死宗禹

以十餘騎遁往平穿秫鳧水不知所終西撚平

宗禹之敗寺以爲投

水死據聞宗禹敗後以百餘騎衝圍出至一村有場房數間止焉從者僅十八騎見梁上有刈麥鎌取之喜曰此殺人利器也夜深走出從者覓至河干見宗禹衣履及乘馬而已其馬號八拍轡尹家溝有尹僂者即十八人中之後投精銳張宗禹之爲人也沈靜好謀其馭衆用兵動與軍充差官

古會當中國疲勞之餘乃極肆多方亟起以乘其敝倘非元老壯猷士卒用命其不爲有明甲申之續者幾希卒之青燐遍野貂蟬盈朝十萬髑髏適足償羊頭冒濫之價朝

野上下怙侈酣嬉以卒亡有清之社稷誰貽之毒宗禹輩當職其咎矣樂行好利逐末去宗禹遠甚顧蜂擁毒螫亦如此則鹽法不良爲之也乃後三十年復有牛師秀劉疙瘠之事牛劉倡亂於光緒二十四年戊戌渦陽縣設縣已三十有五年矣承平日久一時文恬武嬉咏歌太平龍山營遊擊何師程設青雲壇扶乩鬥詩以儒將風流傾動人士知縣桑雋惡聞盜賊陳福元繼之亂機四伏醞釀已非一日渦陽鹽引舊分南北兩綱曹市集石弓山龍山新興集一帶爲蘆鹽引地官運派消店夥恃財凌人時以運鹽短少勒令車戶加倍賠償車頭牛師秀積不能平加以水旱

爲災餓殍載道十月知縣歐陽靄蒞渦甫三日卽嚴催科
且優柔寡斷不克治理繁劇十一月十八日牛師秀劉疙
瘠魏德成等香盟於縣東北之柴村廟潛謀搃掠二十六
日首劫曹市集鹽店二十七日擾青疇集劫石弓山鹽店
時匪衆尙不滿三百益劉天驥百餘人勢始壯聞龍山何
遊擊李守備赴壽春爲總兵郭寶昌祝壽是晚乘虛襲龍
山飢民冀得升合粟攜囊響應四面雲集駐亳韓金明帶
馬隊一哨來援因誤攜槍彈未戰而退次早龍山陷匪大
肆焚燒掠遊擊署尤酷圩長張德馨巷戰死之劉疙瘠欲
稱盟主魏德成恃勢不服

魏之父曾爲撚匪咸同年間旗幟尙在其家

因分贓

不均劉尤啣恨且忿魏德成鄭得勝等擾其鄉里三十日
北走丹城圩長王品剛有智畧聞劉魏交惡設盛筵中庭
請盟主升坐魏昂首踞上位品剛率家人羅拜歡呼去劉
忿恨幾不終席旋請魏議事手刃魏兄弟三人自稱大漢
盟主劉疙痞作亂之名始此同日燕懷軍燕超凡起牌坊
集攻義門集不克十二月初三日復攻破之焚掠滿載去
是日孫志隆起衆興店初五日邵大法李向善起鄧家集
初六日孫仲一周大太趙金郎馮東魯起楚店集李韶趙
學宗起李門集與邵大法等合股至柘樹店遂破程家寨
殺男婦一百七十餘初八日臨湖舖王俊工彪狸舖邵懷

修同時起盤踞張村舖左右合飢民約萬餘人初九日匪分途四劫馮東魯由張村舖西出王家橋入阜陽界初十日至三塔集破王家砦殺圩長王三哭燕懷軍出張村舖西破周家砦殺楊忠賢又由四大王廟掠阜陽邵大法由李門集合葛懷玉葛大祥劉懷勤等走肥南十一日破馮家寨殺四百餘人孫仲一由李家橋入阜境破關家砦殺關鳳羽匪勢日張先是龍山失守城內戒嚴分電各路乞援知縣與城紳王開朗馬驥才等議開倉賑守城飢民每日每日給小麥一升制錢一百梟奸民李登科擲首城外人心稍定未幾靖威軍張雲松兩營自亳防至卓勝軍王

鳳臺一營自壽州至鳳陽潁州各救兵亦先後至皆駐城中張雲松之自毫來渦也遇賊於張老家會卓勝軍戰於父子橋不利傷哨官一退入城守賊復向東北劫掠時縣人袁大化在直隸聞渦陽飢請賑金三千攜之歸至永城聞變間關抵臨渙適徐州鎮劉煦帶兵四百人赴臨渙防堵遂相商禦敵之策次日劉出隊袁以騎兵數十人先之遇賊於道竹橋相持至晡時鎗擊賊火藥車聲大轟賊驚潰又次日劉鎮搜餘匪至樊將軍廟賊伏黑溝中其任及甥中炮死劉忿甚復整軍追賊數十里殺千餘人其實皆饑民也

饑民狃於龍山之役聞賊攻臨渙攜筐篋蜂擁至遇道竹橋潰匪爭問將掠某處猶不知其敗也至

是被殺破腹者所食。後劉匪匿青瞳集。劉元珍家圩長劉草具宛然。聞者哀之。秉忠執而送之。官閭家集武舉閔棟。選辦團練。頗有聲賊之擾張村也。其族人閔好文糾眾應之。因威脅棟。選求濟師。棟選計戕之。及葛懷玉破馮家寨。歸棟。選及圩長張殿安率練勇千餘人蹙之於肥河北岸。迎擊。尾追斬匪首千餘級。賊大崩潰。葛懷玉邵大法牛師修燕懷軍亦先後被鄉團搜獲。餘匪星散。壽春鎮將郭寶昌逗留於蒙之小澗。集十二日間捷。始至西陽。集何師程將已獲匪渠劉疙瘡。邵大法葛懷玉燕懷軍繳寶昌即軍前正法。劉匪起滅。共十七日破砦七而縣城幸無恙。夫愚民求食橫遭屠戮。情

殊可憫然魏劉實強悍不逞之徒倘非王品剛間之於先
袁大化敗之於後卽棟選挫之於終恐咸同之禍又將復
見可不懼哉事定遊擊何師程以甘言餽歐陽靄竟攘破
劉匪爲己功以彌飾其陷汎溺職之罪通郭寶昌蒙稟邀
賞神乎尤不可及已歐陽去繼任者山東王樹鼎辦善後
頗洽輿論第是年朝廷方勵行變法司牧者不能宣布德
意致使蝟鋒螳斧盜弄潢池亦孔醜己顧國是迄無定議
內訌外患警告頻仍渦人士渴慕新政抑鬱無聊迨辛亥
八月武昌師起皖江南北反正獨立之電紛至沓來十月
初九日牛保裕劉鴻慶據渦陽宣告獨立保裕爲總司令

鴻慶爲軍政長以王友松任民政王善繼任財政陸方榮任司法何從義任外交鄭瑞昭充保安軍營長大會士紳懸白旗於今之高小校司令以下皆纏白紗爲記十六日知縣劉敬襄擲印宵遁是時渦中保安軍鄭瑞昭百人駐義正學堂綠營兵五十人駐守備舊署傅鴻禧防兵六十人駐界溝口魏其榮巡警兵二十名王家卿帶河下鹽船兵二十人各具槍支與城中互應聲勢頗震王士秀者卽王金妮虞城人以世局紛擾聚衆三百餘人響應壽州王隆庭趨趙觀望始駐永之馬疇橋繼移渦之新興集再進而至龍山十一月二十日以貿易爲名馬步諸軍長驅自

北門入至石獅子街東口鄭營開槍轟擊相持一小時許
鄉紳王鳳嶺劉成斌等大言曰此皆一家人也和議成矣
同室尙操戈乎鄭退入營部士秀至縣署城紳二十餘人
陸續接見獨劉軍政不至士秀自稱大漢國民軍軍統以
黃帝紀年出示安民約法十三條關於禁令者八犯者軍
前正法關於指令者五查出軍政府分別賞資二十一日
士秀以千金購劉鴻慶移軍政府於合興當店大搜城內
外馬及槍械接簿索無幸脫者以馬成驥王蘭爲籌餉員
索現金七萬兩王馬以錢三千串及雜糧二百九十餘石
應之二十二日孫凌志率鄉民千餘人斬木腰鎌來助城

守王士秀諭却之各予以當典衣服皆歡然去二十三日
索劉鴻慶急飭軍士分段守城居民入暮即不得往來是
夜二鼓劉鴻慶縋城走是時近鄉士紳及城紳之逸出者
分電求援或激勵鄉團預備攻城二十六日士秀逼鄭軍
出城瑞昭整隊出北門暫駐天主堂二十七日亳州巡防
統領李竹銘失其名率兵由觀音寺撲城西門鄭瑞昭助之
士秀兵據界溝沿塵戰自辰至酉殺傷相當頭目陳馬武
中彈死楊澄鑑等以鄉勇沂渦南岸進攻以助聲威城兵
四人自老城南憑小村落穴墻攻擊鄉團退却是夜亳軍
退至馬套樓次日竟全隊歸亳二十八日士秀燒郝家莊

王家土樓草橋廟朱家樓各村二十九日燒河北張大莊
張大樓及沿河民房十二月初三日江防營統領李紹臣
率五營至龍山初四日早進兵臺子寺哨官某中炮死兩
軍相遇於五道溝土秀軍潘雲登大敗入城李軍追至渦
河而返分軍駐官路口席家樓等處初五日韓大武率毅
軍五哨至駐城西王莊初七日歸德鎮將李永芳率三營
至駐城西馬套樓鄭瑞昭與各援軍聯絡聲氣相機進攻
數日之內各軍與土秀兵迭有衝突無大挫屻土秀雖號
稱軍統而陸振江潘雲登陳馬武龐三傑孫秀峯王軍禮
王廣運竇金山謝得田等皆自成部伍不相統攝入城之

始紀律尙能遵守逐漸廢弛非刑勒賄之事日有所聞兼之藥彈奇窘公私均無所取給是時管鵬南屯闕墮集初十日士秀赴管求濟軍實十三日五鼓城中派健卒百餘人迎之行三里許鄭瑞昭蹙之於岳家橋激戰四小時鄭子彈行罄江防營以大軍接敵士秀兵百餘人生還者僅四人耳十五日亳人周懷清與法蘭西駐渦教士聶思聰居中調停先是江防營幫統蕭振恒隻身入城與士秀商和議辦法至是周聶屢續開議迭經磋商給士秀犒軍開拔費二十一日士秀率衆離渦江防統領李紹臣入城籌措善後事宜以幕僚劉炳林權縣知事縊殺王鳳嶺及

鄭蘭馨兄弟計士秀據渦凡一月有二日

勦撫遣派統帥表

姓	名官	職任官年分	屯駐地	姓	名官	職任官年分	屯駐地
善	祿	河南提督	咸豐三年	永城縣	武隆額	安徽提督	五年 亳州
呂	賢基	都侍郎		舒城	崇安	懷慶總兵	六年 同
周	天爵	欽差大臣		宿州	勝保	欽差大臣	七年 督江北軍
陸	應毅	河南巡撫		開封府	史榮春	提督	八年 曹州兗州
舒	興	阿陝甘總督		陳州	田在田	總兵	
袁	甲三	欽差大臣	以上同	宿州	邱聯恩	南陽總兵	
英	桂	河南巡撫	四年	開封府	穆勝阿	副都統	
							安徽

馬步風二日三統帥表

朱連泰總兵

亳州毛昶熙團練大臣以上同河南

僧格林沁蒙古親王

八年

德楞額協鎮

九年曹州

傅振邦河南巡撫

九年

宿州勝保

都統欽差大臣

十年督河南軍

伊興阿都統

九年

宿州曾國藩欽差大臣同治三年

關保協鎮

同

督河南軍李鴻章欽差大臣

七年

撫匪各旗表

人名旗色住址別號人名旗色任址別號

張樂行黃旗張老家老樂張慎德黃旗曹市集頭號雷

張敏行

張闖張振江

張單樓

張宗禹

小閻王張慎聰以上同曹市集三閃

張清	張五孩	張宗道	張宗先	張廣	張營	江臺陵	孫蔡心	龔得	程大道
					以上同	白旗	同	白旗黃邊	白旗
					以上同	江老家	同	宮記寺	江家集
						老	老	老	二老
羅克有	張朝捷	蘇天福	趙浩然	李家英	楊興太	臺	蔡李鶴	子周懷林	坎田
黑旗					以上同	趙鳳珠	嶺	紅旗黃邊	嚙
大羅家					張家橋	紅旗	紅旗白邊	周家樓	紅旗黑邊
麻子			永城			大	牛坑	周	永城
						趙莊	李莊	萬	
							三老		
							鶴		

韓奇峯藍旗蒙城狼子李允藍旗蒙城大肚子

劉金鼎草寺村山貓劉天臺同順河集小白龍

劉天福順河集保忠雷彦小花旗亳州

劉天祥以上同同李廷彦大花旗同

王萬一黑旗龍山集胡椒大王冠三黑旗商邱

宋錫元同商邱張龍藍旗黑邊

葛春藍旗黑邊葛樹彬白旗藍邊

楊瑞英藍旗白邊高爐集王懷義白旗黑邊

王大位紅旗藍邊鄧作仁黑旗紅邊

鄒煥林紅旗紅邊李如梅黑旗白邊

大牛

周名甲 紅旗黑邊

侯士偉 紅旗黃邊

盛見如 白旗藍邊

相玉山 黃旗紅邊

尹自興 黃旗白邊

司馬氏上巳祭三王旗表

三

洪陽居士言卷三

三

兵防

古者寓兵於農以爲民也自井田法壞而兵民始分兵之
所以衛民者其終反足以擾民管子內政寄軍令唐府兵
之制尙存古意趙宋僱役法行而兵皆頑民明清相沿其
弊迭見渦因捻匪作亂而龍山有綠營之設綠營蠹而劉
屹塔牛士秀有不軌之圖渦人之焦頭爛額屢矣茲斷自
設縣爲始覲縷其卒伍編制之跡庶有心自衛者知有擇
焉

清同治三年巡撫唐訓方欽差大臣僧格林沁總督曾國
藩先後奏請雉河集既設新縣該處附近之龍山地勢極

關緊要賴宿亳各營皆有防守專責不能調遣擬請於龍山添設游擊一員與賴宿亳遙爲犄角聯絡聲氣用資鈐束遘壽春鎮節制奉旨依議同治八年始設游擊駐龍山以渦陽全縣四十九堡及阜陽王市集一堡爲管轄區域所屬左營守備一員千總外委各一員額外四員均分駐龍山額設左營兵四百九十名分別留營撥汎南山頭駐把總一員汎兵二十七名分轄龍山集青疇集太清宮殷家廟崔家廟尙義集六堡北山頭駐外委一員汎兵十一名分轄耿皇寺丁塚集二堡新興集駐把總一員汎兵二十七名分轄新興集重興寺丹城集寶塚集雙溝集

青塚寺六堡曹市集駐外委一員汛兵十一名分轄曹南
集順河集柴村廟劉村集四堡石弓山駐額外一員汛兵
八名分轄石弓山道住橋二堡另於青曠集安塘一處塘
兵五名通宿州丹城集安塘一處塘兵五名通河南永城
俱歸左營管理至所屬右營守備一員把總外委各一員
額外三員均分駐渦陽縣城額設右營兵五百二十八名
分別留營撥汛存城把總分轄汛地雉河集杏花村梁曠
村蔡湖西村蒙關村高爐集草橋寺七堡其餘張村舖駐
千總一員汛兵四十六名分轄張村舖李門集楚店集三
堡王市集駐外委一員汛兵十一名分轄王市集小閭家

集佛鎮集立崗村四堡江家集駐額外一員汛兵八名分
轄江家集衆興店二堡劉家集駐額外一員汛兵八名分
轄劉家集舊城集馬疇村三堡義門集駐把總一員汛兵
十九名分轄義門集趙旗屯彪狸舖三堡西陽集駐外委
一員汛兵十一名分轄西陽集蔡湖東村吳林村黃練村
草寺村五堡花溝集駐額外一員汛兵八名分轄花溝集
臨湖舖二堡另於高爐集安塘一處塘兵五名通蒙城趙
旗屯安塘一處塘兵五名通亳州俱歸右營管理復有渦
陽水汛哨官一員駐縣城屬右營分汛地上至義門集下
至西陽集止長九十里額設馬兵八十戰兵一百六十守

兵五百六十共七百名以上各營汎軍裝器械則有帳房
鑼鼓之屬其官弁兵丁俸薪養廉公費及餉乾年共一萬
三千九百三十三兩有奇由安徽藩庫支領另有賞卹暨
軍流差費藥鉛等項活支銀兩不在此數其軍禮操典每
歲正月擇吉祭旗纛神前一日預設棚帳旗纛羊豕祭品
於教場以把總爲承祭官質明率各兵戎裝至教場行兩
跪六叩禮上香獻爵帛讀祝文畢後復位再行兩跪六叩
禮畢開操習箭靶自開操之後每辰衆兵齊集教場箭道演
習鎗箭三六九日齊集教場習箭打靶操至入伏日止七月
十五日復開操至冬至日止霜降祭旗纛神如正月之儀

又儀門集巡檢司弓兵十二名其他民壯舖廝亦皆兵之支流渦縣晚出設置或未完備無可考稽故從畧焉

辛亥革命清帝遜位所有營汛員弁雲散風流渦陽地處邊鄙人性强悍防營既撤盜賊愈盛民國元年渦人倡辦民團一時聲勢頗震是年十二月奉安徽都督柏文蔚令改辦民警三年十二月奉大總統令又改辦保衛團即渦人所謂團防是也先是宣統三年十月渦陽獨立安徽巡防營營官鄭瑞昭帶巡防營兩哨過渦渦人以急需留之由地方發餉添設爲保安軍民國二年改爲淮北巡緝營旋又改爲清鄉隊三年皖北鎮守使倪毓棻改編爲皖北

團防第四營併入清鄉隊三月知事張其濬以是年民困災重請裁撤五分之三僅留額兵百名改爲渦陽團防隊

六年六月知事唐豫桐添餉增兵改編爲警備隊團防局

亦於是時撤銷其編制步兵一營營分四哨每哨兵士六

八名伙夫一名營設管帶幫帶書記官哨設哨官哨長司

書生馬隊一哨設哨官歸管帶兼領現已裁去留馬隊六

名縣知事爲營務處財政局局長爲軍需官另設參事員

以地方紳士委充受上級行政官節制不咨陸軍部註冊經


費則取了地附加軍械則爲公款購領服裝則用灰色領

章肩章袖章均以紅色裝之營部設城內駐步兵一哨並
駐馬兵四鄉分駐三哨薪餉管帶月支錢一百千幫帶月
支四千哨官月支三千哨長月支十五千營書月支
十六千哨書月支十千號月支九千四百號兵月支八
千四百正目月支八千四百副目兵士月支七千二百伙
夫月支四千五百馬隊考渦地自民國以來所辦民團民
一名月餉較步隊加倍

警團防科餉募兵已成地方軍隊性質並無團防實際故團防局實同虛設正銀一兩而附加錢二千民力殫矣顧兵數仍不敷分布一旦有事軍餉有加無減可斷言也況大力者之咨調旁觀者之覬覦又有不可思議者夫以官衛民事遠形變以民自衛時近情真其難易較然無待龜筮佩蘭於九年九月依三年大總統公布地方保衛條例重辦鄉團分全縣東南西北中爲五區共分十九團按戶抽丁依法編制甲隸於牌牌隸於保保隸於團團屬於區各有統系各有標幟分操合操農隙舉行民不籌餉兵不擾民於先王匿武之意庶有合焉然事甫推行卽有奸人

破壞而佩蘭不久去任此事已無形停止矣

又縣衛隊八十名設衛隊長一名計分八棚每棚目兵九
名伙夫一名月餉由丁漕平餘項下開支縣知事直接管
轄



清
國
月
一
日
午
三
時

渦陽風土記卷十六

渦陽縣知事古葉黃佩蘭撰

藝文

一代國史類有藝文志或名經籍蓋所以經天地緯陰陽正紀綱弘道德機神之妙用聖哲之能事寓乎此矣嶽嵴之士鬱不得志於當時始退而著書以洩其抑塞磊落之奇蓋秘而必宣與夫卓絕孤特之精誠實足泣鬼神而裂金石故名山之業視名世之勲爲尤重幸而故國文獻採自輶軒因緣側之柱史復得一二宏通魁壘之儒如漢之劉向梁之阮孝緒者表章而論定之聖王有作且有行其

法以致太平者後生末學讀其書想見其人輒油然而生
尚友之想卽稿項黃馘計無復之亦可慷慨悲懷援古人
以自壯天地之不終否人材之不至墮落豈不賴有是哉
涓士自設縣以來偏重武功著述之家不少概見其得之
於採訪者率皆抄撮稿本畸零篇頁從無序跋評定之書
不得已捃摭先哲遺著詮次成篇雖仿之班劉志畧不無
違異亦竊附於李申耆氏小山嗣音之義云爾

奏疏

請釐定五經章句疏

漢徐防

伏以五經久遠聖意難明宜爲章句以悟後學且聞詩書

禮樂定自孔子發明章句始於子夏其後諸家分析各有異說漢承亂秦經典廢絕故立博士十有四家甲乙之科以勉勸學者所以示人好惡改做就善者也伏見大學試博士弟子皆以意說不修家法私相容隱開生姦路每有策試輒興諍訟論議紛錯互相是非孔子稱述而不作又曰吾猶及史之闕文疾史有所不知而不肯闕也今不依章句妄生穿鑿以遵師爲非義意說爲得理輕侮道術寢以成俗誠非詔書實選本意改薄從忠三世同常道專精務本儒學所先臣以爲博士及甲乙策試宜從其家章句開五十難以試之解釋多者爲上第引文明者爲高說若

不依先師義有相代皆正以爲非五經各取上第六人論語不宜射策雖所失或久差可矯革

歷陳川亂情形呈請議處懇迅簡大員及時救濟疏

清

田振邦

奏爲川省先後變亂詳情暨奉旨辦理情形督臣趙爾豐奪權讓位臣未及匡正恢復呈請議處懇祈速派大兵收川以救危亡而顧巴藏先行飛奏恭摺仰乞聖鑒事竊川省自因路事釀成風潮人心習爲不靖會匪盜賊乘機思發七月十五日捕拿蒲羅諸人以後四處匪起省城危急陸防兩軍極力防堵匪得不逞龍泉山一戰殲其大股東

路清平人心稍定而西南路匪勢倏然猖獗失城囚官警報迭至尤以新津爲匪聚會之地臣遂督飭防軍各營出解雙流之圍分兵四出規全後路陸軍統制官朱慶瀾親率營隊進攻花橋塲而逼新津並令步隊第六十八標統帶官王鑄人率所部由龍泉驛廻擊中興塲一帶之匪而約期會師遂於八月二十一日克復新津敗匪退集邛州直隸州文得龍死之適北路紛紛告急隨即會商分派陸防軍收復新都新繁彭縣郫縣資陽等處臣則進駐新津安集流亡清理伏莽援救危急之師接濟軍需之品王鑄人率兵進攻先克邛州次復蒲江大邑崇慶州等處臣又

分兵各屬緝盜清鄉設官安民每於城鄉聚集紳民宣布朝廷德意以收回已散之人心維時陸軍步隊第六十六標統帶官葉荃由甯遠添募荃字五營併所部回解雅州之圍而克復嘉定川省所失城池俱已收復所餘者惟灌縣一處敗匪數萬咸聚於此據險爲巢賊復分黨圍困我軍於崇甯王鑄人以回省之師一戰而解崇圍再戰而復灌縣匪之傷亡逃散殆盡方以川亂平定爲國家慶詎意九人釋放以後日與革黨造作謠言僞傳電報謂北京業已失守各省均已獨立湖北革黨不日來川督臣趙爾豐惑於謠傳方寸失主不加詳察反乞憐黨人退位作

保身家之計又懼臣握兵在外先函臣歸臣以不畫押不
繳印又撤臣之兵權臣又與將軍臣玉崑密議大事而玉
崑退縮趙爾豐遂於十月初六日交印於
而初七
日竟宣布獨立同日督辦鐵路大臣端方同伊弟爲自帶
之軍兵變均於資州遇害于是
自僞稱大漢四川

軍政府正都督朱慶澗亦以官紳所逼爲僞副都督令在
外之官軍旋省各路同志會之代表來賀遂使同志會死
灰復燃官軍始而灰心繼而解體加以川人

以排客籍爭權提倡哥老會致使兵與官離遂有十月十
八日陸防軍全體解散之事
二人遂僞稱正

副都督各屬亦旋自獨立四分八裂茫無所主臣與陸軍
統帶官王鑄人密謀反正招集防軍管帶田九龍蔣天章
王振清張書堂彭振英郭青雲陸軍六十八標管帶官吳
俊卿隊官賈俊義等出省招集散兵以圖恢復乃人心不
堅隨招隨散所集僅百餘人聞陝西湖北均已失陷惟漢
中一府獨存臣因北走漢中擬借其力爲圖川之計及至
漢中而已被匪圍困當與合兵破之漢中兵力旣單餉械
無出所恃漢中鎮江朝宗矢志不變與陝安道黃誥合衷
共濟督率文武各員力謀治安漢中十二屬幸尚保全而
危險已極甘軍雖取長武尚未恢復西安亦無餘力他顧

臣之愚衷屢謀而事不成臣力旣竭臣罪無辭只有籲懇
天恩治臣之罪以爲坐失疆土者戒臣更有請者川省自
同志會匪鬧事以來民皆習於戰鬪製裝造械到處皆然
兵潰以後軍械局之槍礮散布民間現以團體不堅各謀
自立事無統馭其力已分朝廷宜乘時派兵懲剿收集原
來之客籍軍官而利用其氣招安散歸之陸防軍而弱其
戰力必有事半功倍之效若彼稽久謀生守備日固扼險
拒戰進取殊難巴藏久缺餉項邊兵必至回潰使外人因
而取之失四川又失巴藏則大局糜爛更至不可收拾臣
迭蒙朝廷厚恩未能圖報萬一舉凡有關國家大計萬不

敢緘默貽誤所有川事始末暨平亂情形督臣奪權讓位
臣匡復無效請加議處以及懇速派兵收川各緣由理合
先行馳奏上聞至於四川提督印綬俟臣到京呈繳合併
陳明恭摺具陳伏乞皇上聖鑒訓示謹奏

按此摺上於辛亥十一月十八日十二月在蘭州奉寄
諭著該提督迅速來京二年春振邦卒於通州

論

養生論

魏 嵇 康

世或有謂神仙可以學得不死可以力致者或云上壽百
二十古今所同過此以往莫非妖妄者此皆兩失其情試

粗論之夫神仙雖目不見然記籍所載前史所傳較而論之其有必矣似特受異氣稟之自然非積學所能致也至於導養得理以盡性命上獲千餘歲下可數百年可有之耳而世皆不精故莫能得之何以言之夫服藥求汗或有弗獲而愧情一集渙然流離終朝未餐則囂然思食而曾子銜哀七日不饑夜分而坐則低迷思寢內懷殷憂則達旦不瞑勁刷理鬢醇醴發顏僅乃得之壯士之怒赫然殊觀植髮衝冠由此言之精神之於形骸猶國之有君也神踪於中而形喪於外猶君昏於上國亂於下也夫爲稼於湯世偏有一溉之功者雖終歸於焦爛必一溉者後枯然

則一溉之益固不可誣也而世常謂一怒不足以侵性一
哀不足以傷身輕而肆之是猶不識一溉之益而望嘉穀
於旱苗者也是以君子知形恃神以立神須形以存悟生
理之易失知一過之害生故修性以保神安心以全身愛
憎不棲於情憂喜不留於意泊然無感而體氣和平又呼
吸吐納服食養身使形神相親表裏俱濟也夫田種者一
畝十斛謂之良田此天下通稱也不知區種可百餘斛田
種一也至於樹養不同則功收相懸謂商無十倍之價農
無百斛之望此守常而不變者也且豆令人重榆令人瞑
合歡蠲忿萱草忘憂愚智所知也薰辛害目豚魚不養常

世所識也蝨處頭而黑麝食柏而香頸處險而癭齒居晉
而黃推此而言凡所食之氣蒸性染身莫不相應豈惟蒸
之使重而無使輕害之使闇而無使明薰之使黃而無使
堅芬之使香而無使延哉故神農曰上藥養命中藥養性
者誠知性命之理因轉養以通也而世人不察五穀是見
聲色是耽目惑玄黃耳務淫哇滋味煎其腑臟醴醪煮其
腸胃香芳腐其骨髓喜怒悖其三氣思慮消其精神哀樂
殃其平粹夫以蕞爾之軀攻之者非一塗易竭之身而外
內受敵身非木石其能久乎其自用甚者飲食不節以生
百病好色不勸以致乏絕風寒所災百毒所傷中道夭於

衆難世皆知笑悼謂之不善持生也至於措身失理亡之於微積微成損積損成衰從衰得白從白得老從老得終悶若無端中智以下謂之自然縱少覺悟咸歎恨於所遇之初而不知慎衆險於未兆是猶桓侯抱將死之疾而怒扁鵲之先見以覺痛之日而爲受病之始也害成於微而救之於著故有無功之理馳騁常人之域故有一切之壽仰觀俯察莫不皆然以多自證以同自慰謂天地之理盡此而已矣縱聞養生之事則斷以所見謂之不然其次狐疑雖少庶幾莫知所由其次自力服藥半年一年勞而未驗志以厭衰中路復廢或益之以畎澮而泄之以尾閭而

欲坐望顯報者或抑情忍欲割棄樂願而嗜好常在耳目之前所希在數十年之後又恐兩失內懷猶豫心戰於內物誘於外交賒相傾如此復敗者夫至物微妙可以理知難以目識譬猶豫章生七年然後可覺耳今以躁競之心涉希靜之塗意速而事遲望近而應遠故莫能相終夫悠悠者既未效不求而求者以不專喪業偏恃者以不兼無功追術者以小道自溺凡若此類故欲之者萬無一能成也善養生者則不然矣清虛靜泰少私寡欲知名位之傷德故忽而不營非欲而疆禁也識厚味之害性故棄而弗顧非貪而後抑也外物以縻心不存神氣以醇泊獨著曠

然無憂患寂然無思慮又守之以一養之以和和理日濟
同乎大順然後蒸以靈芝潤以醴泉晞以朝陽綏以五絃
無爲自得體妙心玄忘歡而後樂足遺生而後身存若此
以往恕可與羨門比壽王喬爭年何爲其無有哉

答難養生論

答曰所以貴智而尚動者以其能益生而厚身也然欲動
則悔吝生智行則前識立前識立則志開而物遂悔吝生
則患積而身危二者不藏之於內而接於外祇足以災身
非所以厚生也夫嗜欲雖出於人而非道之正猶木之有
蝎雖木之所生而非木之宜也故蝎盛則木朽欲勝則身

枯然則欲與生不並立名與身不俱存畧可知矣而世未
之悟以順欲爲得生雖有後生之情而不識生生之理故
動之死地也是以古之人知酒肉爲甘鳩棄之如遺識名
位爲香餌逝而不顧使動足資生不濫於物知正其身不
營於外背其所害向其所利此所以用智遂生之道也故
智之爲美美其益生而不羨生之爲貴貴其樂和而不交
豈可疾智而輕身勤欲而賤生哉且聖人寶位以富貴爲
崇高者蓋謂人君貴爲天子富有四海民不可無主而存
主不能無尊而立故爲天下而尊君位不爲一人而重富
貴也又曰富與貴是人之所欲者蓋爲季世惡貧賤而好

富貴也未能外榮華而安貧賤且抑使由其道而不爭不可令其力爭故許其心競中庸不可得故與其狂狷此俗談耳不言至人常貪富貴也聖人不得已而臨天下以萬物爲心在宥群生由身以道與天下同於自得穆然以無事爲業坦爾以天下爲公雖居君位饗萬國恬若素士接賓客也雖建龍旂服華袞忽若布衣之在身故君臣相忘於上蒸民家足於下豈勸百姓之尊已割天下以自私以富貴爲崇高心欲之而不已哉且子文三顯色不加悅柳惠三黜容不加戚何者令尹之尊不若德義之貴三黜之賤不傷冲粹之美二子嘗得富貴於其身終不以人爵嬰

心故視榮辱如一由此言之豈云欲富貴之情哉請問錦
衣繡裳不陳於閭室者何必顧衆而動以毀譽爲歡戚也
夫然則欲之患其得得之懼其失苟患失之無所不至矣
在上何得不驕持滿何得不溢求之何得不苟得之何得
不失耶且君子出其言善則千里之外應之豈在於多欲
以貴得哉奉法循理不絀世網以無罪自尊以不仕爲逸
遊心乎道義偃息乎卑室恬愉無還而神氣條達豈須榮
華然後乃貴哉耕而爲食蠶而爲衣衣食周身則餘天下
之財猶渴者飲河快然以足不羨洪流豈待積斂然後乃
富哉君子之用心若此蓋將以名位爲贅瘤資財爲塵垢

也安用富貴乎故世之難得者非財也非榮也患意之不足耳意足者雖耦耕畝被褐啜菽豈不自得不足者雖養以天下委以萬物猶未愜然則足者不須外不足者無外之不須也無不須故無往而不乏無所須故無適而不足不以榮華肆志不以隱約趨俗混乎與萬物並行不可寵辱此真有富貴也故遺貴欲貴者賤及之故忘富欲富者貧得之理之然也今居榮華而憂雖與榮華偕老亦所以終身長愁耳故老子曰樂莫大於無憂富莫大於知足此之謂也難曰感而思室饑而求食自然之理也誠哉是言今不使不室不食但欲令室食得理耳夫不慮而欲性

之動也識而後感智之用也性動者遇物而當足則無餘
智用者從感而求勸而不已故世之所患禍之所由常在
於智用不在於性動今使瞽者遇室則西施與嫫母同情
瞶者忘味則糟糠與精粳等甘豈識賢愚好醜以愛憎亂
心哉君子識智以無恒傷生欲以逐物害性故智用則收
之以恬性動則糾之以和使智上於恬性足於和然後神
以默醇體以和成去累除害與彼更生所謂不見可欲使
心不亂者也縱令滋味常染於口聲色已開於心則可以
至理遣之多美勝之何言之也夫欲官不識君位思室
不擬親戚何者知其所不得則不當生心也故嗜酒者自

抑於鳩醴貪食者忍饑於漏脯知吉凶之理故背之不惑
棄之不疑也豈恨向不得酣飲與大嚼哉且逆旅之妾惡
者以自惡爲貴美者以自美得賤美惡之形在目而貴賤
不同是非之情先著故美惡不能移也苟云理足於內乘
一以御外何物之能默哉由此言之性氣自和則無所困
於防閑情志自平則無鬱而不通世之多累由見之不明
耳又常人之情遠雖大莫不忽之近雖小莫不存之夫何
故哉誠以交賒相奪識見異情也三年喪不內御禮之禁
也莫有犯者酒色乃身之讐也莫能棄之由此言之禮禁
雖小不犯身讐雖大不棄然使左手據天下之圖右手旋

害其身雖愚夫不爲明天下之輕於其身酒色之輕於天下又可知矣而世人以身殉之斃而不悔此以所重而要所輕豈非背賒而趨交耶智者則不然矣審輕重然後動量得失以居身交賒之理同故備遠如近慎微如著獨行衆妙之門終始無虞此與夫耽欲而快意者何殊間哉難曰聖人窮理盡性宜享遐期而堯孔上獲百年下者七十豈復䟽於導養乎案論堯孔雖稟命有限故導養以盡其壽此則窮理之致不爲不養生得百年也且仲尼窮理盡性以至七十田父以六弊蠢愚有百二十者若以仲尼之至妙資田父之至拙則千歲之論奚所怪哉且凡聖人有

損已爲世表行顯功使天下慕之三徙成都者或非食勤躬經營四方心勞形困趨步失節或竒謀潛稱爰及干戈威武殺伐功利爭奪或修身以明汗顯智以驚愚藉名高於一世取准的於天下又勤誨善誘聚徒三千口勸談議身疲磬折形若救孺子視若營四海神馳於利害之端心騫於榮辱之塗俛仰之間已再撫宇宙之外者若比之於內視反聽愛氣嗇精明白四達而無執無爲遺世坐忘以寶性全真吾所不能同也今不言松栢不殊於榆柳也然則中年枯頰樹之重崖則榮茂日新此亦毓形之一觀也寶公無所服御而致百八十豈非鼓琴和其心哉此亦養

神之一徵也火蠶十八日寒蠶三十日餘以不得踰時之命而將養有過倍之隆溫肥者早終涼瘦者遲竭斷可識矣圉馬養而不乘用皆六十歲體疲者速彫形全者難斃又可知矣富貴多殘伐之者衆也野人多壽傷之者寡也亦可見矣今能使目與瞽者同功口與瞶者等味遠害生之具御益生之物則始可與言養性命矣難曰神農倡粒食之始鳥獸以之飛走生民以之視息今不言五穀非神農所倡也旣言上藥又倡五穀者以上藥希寡艱而難致五穀易殖農而可久所以濟百姓而繼天閱也並而存之惟賢志其大不肖者志其小耳此同出一人至當歸止痛

用之不已耒耜墾辟從之不輟何養命蔑而不議此殆玩
所先習惟於所未知且平原則有棗栗之屬池沼則有菱
芡之類雖非上藥猶於黍稷之篤恭也豈云視息之具
唯立五穀哉又曰黍稷惟馨實降神祇蘋蘩蕝藻非豐肴
之匹潢汙行潦非重酎之對薦之宗廟感靈降祉是知神
饗德之與信不以所養爲生猶九土述職各貢方物以効
誠耳又曰肴糧入體益不踰旬以明宜生之驗此所以困
其體也今不言肴糧無充體之益但謂延生非上藥之偶
耳請借以爲難夫所知麥之善於菽稻之勝於稷由有効
而識之假無稻稷之域必以菽麥爲珍養謂不可尙矣然

則世人不知上藥良於稻稷猶守菽麥之賢於蓬蒿而必
天下之無稻稷也若能仗藥以自永則稻稷之賤居然可
知君子知其若此故惟性理之所宜資妙物以養身植玄
根於初九吸朝霞以濟神今若以肴酒爲壽則未聞高陽
有黃髮之叟也若以充性爲賢則未聞鼎食有百年之賓
也且再生嬰疾顏子短折穰歲多病饑年少疾故狄食米
而生癩瘡得穀而血浮馬秣粟而足重鴈食粒而身皆從
此言之鳥獸不足報功於五穀生民不足受德於田疇也
而人竭力以營之殺身以爭之養親獻尊則 菊苳梁聘
享嘉會則肴饌旨酒而不知皆淖溺筋腋易糜速腐初雖

甘香入身臭腐竭辱精神染污六府鬱穢氣蒸自生災毒
饕淫所階百疾所附味之者口爽服之者短祚豈若流泉
甘醴瓊藥玉英金丹石菌紫芝黃精皆衆靈含英獨發奇
生貞香難歇和氣充盈澡雪五臟疏徹開明吮之者體輕
又練體易氣染骨柔筋滌垢澤穢志凌青雲若此以往何
五穀之養哉且螟蛉有子果羸負之性之變也橘渡江爲
枳易土而變形之異也納所食之氣還質易性豈不能哉
故赤斧以練丹蘼髮涓子以朮精久延倕佺以松實方目
赤松以水玉乘烟務光以蒲萐長耳邛疏以石髓駐年方
圓以雲母變化昌容以蓬蘽易顏若此之類不可詳載也

孰云五穀爲最而上藥無益哉又責千歲以來目未之見
謂無其人卽問談者見千歲人何以別之欲校之以形則
與人不異欲驗之以年則朝菌無以知晦朔蜉蝣無以識
靈龜然則千歲雖在市朝固非小年之所辨矣彭祖七百
安期千年則狹見者謂書籍妄記劉根霞寢不食或謂偶
能忍饑餓冬冬僂而體溫夏裘而身涼桓譚謂偶耐寒暑
李少君識桓公玉椀則阮生謂之逢占而知堯以天下禪
許田而楊雄謂好大爲之凡若此類上以周孔爲關鍵畢
志一誠下以嗜欲爲鞭策欲罷不能馳驟於世教之內爭
巧於榮辱之間以多同自減思不出位使竒事絕於所見

妙理斷於常論以言變通達微未之聞也久溫閑居謂之無歡深恨無肴謂之自愁以酒色爲供養謂長生爲無聊然則子之所以爲歡者必結駟連騎食方丈於前也夫俟此而後爲足謂之天理自然者皆役身以物喪志於欲原性命之情有累於所論矣夫渴者惟水之是見酌者惟酒之是求人皆知乎生於有疾也今若以從欲爲得性則渴酌者非病淫酒者非過桀跖之徒皆得自然非本論所以明至理之意也夫至理誠微善溺於世然或可求諸身而後悟校外物以知之者人從少至長隆殺好惡有盛衰或稚年所樂壯而棄之始之所薄終而重之當其所悅謂不

可奪值其所醜謂不可歡然還成易地則情變於初苟嗜欲有變安知
今之所孰不爲臭腐曩之所賤不爲竒美耶假令廝養暴登卿尹
則監門之類蔑而遺之由此言之凡所區區一域之情耳
豈必不易哉又饑飡者於將獲所欲則悅情注心飽滿之
後釋然疏之或有厭惡然則榮華酒色有可疏之時蚍蛇
珍於越土中國遇而惡之黼黻貴於華夏裸國得而棄之
當其無用皆中國之蚍蛇裸國之黼黻也以大和爲至樂
則榮華不足顧也以恬澹爲至味則酒色不足欽也苟得
意有地俗之所樂皆糞土耳何足戀哉今談者不覩至樂
之情甘減年殘生以從所願此則李斯背儒以殉一朝之

欲王父發憤思調五鼎之味耳且鮑肆自玩而賤蘭茝猶海鳥對太牢而長愁文侯聞雅樂而塞耳故以榮華爲生具謂濟萬世不足以喜耳此皆無主於內借外物以樂之外物雖豐哀亦備矣有主於中以內樂外雖無鐘鼓樂已具矣故得志者非軒冕也有至樂者非充屈也得失無以累之耳且父母有疾在困而瘳則憂喜並用矣由此言之不若無喜可知也然則樂豈非至樂耶故順天和以自然以道德爲師友玩陰陽之變化得長生之永久任自然以託身並天地而不朽者孰享之哉養生有五難名利不滅此一難也喜怒不除此二難也聲色不去此三難也滋味

不絕此四難也神慮轉發此五難也五者必存雖心希難
老口誦至言咀嚼英華呼吸太陽不能不廻其操不夭其
年也五者無於胸中則信順日濟玄德日全不祈喜而有
福不求壽而自延此養生大理之所效也然或有行踰會
閔服膺仁義動由中和無甚大之累便謂人理已畢以此
自臧而不盪喜怒平神氣而欲卻老延年者未之聞也或
抗志希古不榮名位因自高於馳騫或運智御世不嬰禍
故以此自貴此於用身甫與鄉黨鯁齒者年同耳以言存
生蓋闕如也或棄世不羣志氣和粹不絕穀茹芝無益於
短期矣或瓊糝旣備六氣並御而能含光內觀凝神復樸

棲心於玄冥之崖含氣於莫大之涘者則有老可卻有年
可延也凡此數者合而爲用不可相無猶轅軸輪轄不可
一乏於輿也然人皆偏見各備所患單豹以營內致斃張
毅以趣外失中齊以誠濟西取敗秦以備戎狄自窮此皆
不兼之禍也積善履信世屢聞之慎言語節飲食學者識
之過此以往莫之或知請以先覺語將來之覺者

明膽論

嵇康

有呂子者精義味道研覈是非以爲人有膽可無明有明
便有膽矣嵇先生以爲明膽殊用不能相生論曰夫元氣
陶鑠衆生稟焉賦受有多少故才性有昏明惟至人特鍾

純美兼周外內無不畢備降此已往蓋闕如也或明於見物或勇於決斷人情貪廉各有所止譬諸草木區以別矣兼之者博於物偏受者守其分故吾謂明膽異氣不能相生明以見物膽以決斷專明無膽則雖見不斷專膽無明則違理失機故子家軟弱陷於弑君左師不斷見逼華臣皆智及之而決不行也此理坦然非無疑滯故畧舉一隅想不重疑呂子曰敬覽來論可謂海亦不加者矣析理貴約而盡情何尚浮穢而迂誕哉今子之論乃引渾元以爲喻何遼遼而坦謾也故直答以人事之切要焉漢之賈生陳切直之策奮危言之至行之無疑明所察也忌鵬作賦

清隱居二言卷二
暗所惑也一人之膽豈存盈縮乎蓋見與不見故行之有
果否也子家左師皆愚惑淺弊明不徹達故惑於曖昧終
丁禍害豈明見照察而膽不斷乎故霍光懷沉勇之氣履
上將之任戰乎王賀之事延年文生夙無武稱陳義奮辭
膽氣凌雲斯其驗歟及於期授首陵母伏劍明果之疇若
此萬端欲詳而載之不可勝言也况有覩夷塗而無敢投
足階雲路而疑於迄秦清者乎若思弊之倫爲能自託幽
昧之中棄身陷阱之間如盜跖竄身於虎吻穿窬先首於
溝瀆而暴虎馮河果敢之類則能有之是以余謂明無膽
無膽能偏守易了之理不在多喻故不遠引繁言若未反

三隅猶復有疑思承後誨得一騁辭夫論理性情折引異
同固尋所受之終始推氣分之所由順端極末乃不悖耳
今子欲棄置渾元捃摭所見此爲好理綱目而惡持綱領
也本論二氣不同明不生膽欲極論之當令一人播無刺
諷之膽而有見事之明故當有不果之害非中人血氣無
之而復資之以明二氣存一體則明能運膽賈誼是也賈
誼明膽自足相經故能濟事誰言殊無膽獨任明以行事
者乎子獨自作此言以合其論也忌鵬闇惑明所不周何
害於膽乎明旣以見物膽能行之耳明所不見膽當何斷
進退相扶可謂盈縮就如此言賈生陳策明所見也忌鵬

作賦闇所惑也爾爲明徹於前而闇惑於後有盈縮也苟
明有進退膽亦何爲不可偏乎子然霍光有沉勇而戰於
廢王有所撓也而子言一人膽豈有盈縮此則是也賈生
闕鵬明有所塞也光懼廢立勇有所撓也夫惟至能無所
虧耳苟自非若此誰無弊損乎但當總有無之大畧而致
論之耳夫物以實見爲王延年奮發勇義凌雲此則膽也
而云夙無武稱此爲信宿稱而疑成事也延年處議明所
見也壯氣騰厲勇之決也此足以觀矣子又曰言明無膽
無膽能偏守案子之言此則有專膽之人亦爲膽特自一
氣矣五才存體各有所生明以陽曜膽以陰凝豈可爲有

陽而生陰可無陽耶雖相須以合德要言異氣也凡餘雜說於期陵母暴虎云云萬言致一欲以何明耶幸更詳思不爲辭費而已矣

管蔡論

嵇康

或問曰案記管蔡流言叛戾東都周公征討誅以凶逆頑惡顯著流名千里且明父聖兄曾不鑿凶愚於幼稚覺無良之子弟而乃使理亂殷之弊民顯榮爵於藩國使惡積罪成終遇禍害於理不通心無所安願聞其說答曰善哉子之問也昔文武之用管蔡以實周公之誅管蔡以權權事顯實事沈一作故令時人全謂管蔡爲頑凶方爲吾子

論之夫管蔡皆服教殉義忠誠自然是以文王列而顯之發旦二聖舉而任之非以情親而相私也乃所以崇德禮賢濟殷弊民綏輔武庚以興頑俗功業有績故曠世不廢名冠當時列爲藩臣逮至武卒嗣誦幼冲周公踐政率朝諸侯思光前載以隆王業而管蔡服教不達聖權卒遇大變不能自通忠疑乃心思在王室遂乃抗言率衆欲除國患翼存天子甘心毀旦斯乃愚誠憤發所以徼福也成王大悟周公顯復一化齊俗義以斷恩雖內信如心外體不立稱兵叛亂所惑者廣是以隱忍投刑流涕行誅示以賞罰不避親戚榮爵所顯必鍾盛德戮撻所施必加有罪斯

乃爲教之正今之朝議管蔡雖懷忠抱誠要爲罪誅罪誅已顯不得復理內必幽伏罪惡遂章幽章之路大殊故令奕世未蒙發起然論者誠名信行便以管蔡爲惡不知管蔡之惡乃所以令三聖爲不明也若三聖未爲不明則聖不佑惡而任頑凶不容於時世則管蔡無取私於父兄而見任必以忠良則二叔故爲淑善矣今若本三聖之用明思顯授之實理推忠賢之闇權論爲國之大紀則二叔之良乃顯三聖之用也以流言之故有緣周公之誅是矣且周公居攝邵公不悅推此言則管蔡懷疑未爲不賢而忠賢可不達權三聖未爲用惡而周公不得不誅若此三聖

所用信良周公之誅得宜管蔡之心見理爾乃大義得通
外內兼叙無相伐負者則時論亦得釋然而大解也

書

與郭淮書

文 欽

大將軍昭伯與太傅伯俱受顧命登牀把臂託付天下此
遠近所知後以勢利乃絕其祀及其親黨皆一時之俊可
爲痛心奈何奈何公恃與侯大司馬公恩親分著義貫金
石當此之時想益毒痛有不可堪也王太尉嫌其專朝潛
欲舉兵事竟不就復受誅夷害及楚王想甚追恨太傅旣
亡然其子師繼承父業肆其虐暴日月滋甚放主殺后殘

戮忠良包藏禍心遂至篡弑此可忍也孰不可忍欽以名義大故事君有節忠憤內發忘寢與食無所吝顧也會母丘子邦自與父書騰說公侯盡事王之義欲奮白髮同符太公惟須東問影響相應聞問之日能不慷慨是以不顧妻孥之痛卽與母丘鎮東舉義兵三萬餘人西趨京師欲扶持王室掃除姦逆企踵西望不得聲問魯望高子不足喻急夫當仁不讓况救君之難度道遠艱故不果期要耳然同舟共濟安危勢同禍痛已連非言飾所解自公侯所明也共事曹氏積信魏朝行道之人皆所知見然在朝之士冒利偷生烈士所恥公侯所賤賈豎所不忍爲也況當

塗之士邪軍屯在項小人以閏月十六日別進兵就於樂
嘉城討師師之徒衆尋時崩潰其所斬截不復訾原但當
長驅徑至京師而流言先至母上不復詳之更謂小人爲
誤諸軍便爾瓦解母上還走追尋釋解無所及小人還項
復遇王基等十二軍追尋母上進兵討之卽時克破所向
全勝要那後無繼何孤軍梁昌進退失所還據壽春壽春
復走狼狽躓闕無復他計惟當歸命大吳借兵乞食繼踵
伍員耳不若僕隸如何快心復君之讐永使曹氏少享血
食此亦大國之所佑念也想公侯不使程嬰杵臼擅名於
前代而使大魏獨無鷹揚之士與今大吳敦崇大義深見

愍悼然僕於國大分連接遠同一勢日欲俱舉分分中國
不願偏取以爲已有公侯必欲其忍師胸懷宜廣大勢恐
秦川之卒不可孤舉今者之計宜屈已伸人託命歸漢東
西俱舉爾乃可克定師黨耳深思鄙言若愚計可從宜使
漢軍克制期要使六合校考與周召同封以託付兒孫此
亦非小事也大丈夫寧處其落落是以遠呈忠心時望嘉
應時淮已卒欽不知故有
此書見三國志裴注

與山巨源絕交書

嵇康

足下昔稱吾於潁川吾常謂之知言然經怪此意尙未熟
悉于足下何從便得之也前年從河東還顯宗阿都說足

下議以吾自代事雖不行知足下故不知之足下旁通多
可而少怪吾直性狹中多所不堪偶與足下相知耳聞聞
足下遷惕然不喜恐足下羞庖人之獨割引尸祝以自助
手薦鸞刀漫之羶腥故具爲足下陳其可否吾昔讀書得
弁介之人或謂無之今乃信其真有耳性有所不堪真不
可強今空語同知有達人無所不堪外不殊俗而內不失
正與一世同其波流而悔吝不生耳老子莊周吾之師也
親居賤職柳下惠東方朔達人也安乎卑位吾豈敢短之
哉又仲尼兼愛不羞執鞭子文無欲卿相而三登令尹是
乃君子思濟物之意也所謂達能兼善而不渝窮則自得

而無悶以此觀之故堯舜之君世許由之巖棲子房之佐漢接輿之行歌其揆一也仰瞻數君可謂能遂其志者也故君子百行殊塗而同致循性而動各附所安故有處朝廷而不出入山林而不反之論且延陵高子臧之風長卿慕相如之節志氣所託不可奪也吾每讀尚子平臺孝威傳慨然慕之想其爲人少加孤露母兄見驕不涉經學性復疏嬾筋駑肉緩頭面常一月十五日不洗不大悶癢不能沐也每常小便而忍不起令胞中畧轉乃起耳又縱逸來久情意傲散簡與禮相背嬾與慢相成而爲儕類見寬不攻其過又讀莊老重增其放故使榮進之心日積任實

之情轉篤此由禽鹿少見馴育則服從教制長而見羈則
狂顧頓纓赴蹈湯火雖飾以金鑣饗以嘉肴愈思長林而
志在豐草也阮嗣宗口不論人過吾每師之而未能及至
性過人與物無傷惟飲酒過差耳至爲禮法之士所繩疾
之如讐幸賴大將軍保持之耳吾不如嗣宗之賢而有慢
弛之闕又不識人情闇於機宜無萬石之慎而有好盡之
累久與事接疵釁日興雖欲無患其可得乎又人倫有禮
朝廷有法自惟至孰有必不堪者七甚不可者二卧喜晚
起而當關呼之不置一不堪也抱琴行吟弋釣草野而吏
卒守之不得妄動二不堪也危坐一時痺不得搖性復多

蠶爬搔無已而當褻以章服揖拜上官三不堪也素不便
書又不喜作書而人間多事堆案盈几不相酬答則犯教
傷義欲自勉強則不能久四不堪也不喜弔喪而人道以
此爲重已爲未見恕者所怨至欲見中傷者雖瞿然自責
然性不可化欲降心順俗則詭故不情亦終不能獲無咎
無譽如此五不堪也不喜俗人而當與之共事或賓客盈
坐鳴聲聒耳囂塵臭處千變百伎在人目前六不堪也心
不耐煩而官事鞅掌機務纏其心世故繁其慮七不堪也
又每非湯武而薄周孔在人間不止此事會顯世教所不
容此甚不可一也剛腸疾惡輕肆直言遇事便發此甚不

可二也以促中小心之性統此九患不有外難當有內病
寧可久處人間邪又聞道士遺言餌朮黃精令人久壽意
甚信之游山澤觀魚鳥心甚樂之一行作吏此事便廢安
能舍其所樂而從其所懼哉夫人之相知貴識其天性因
而濟之禹不偪伯成子高全其節也仲尼不假蓋於子夏
護其短也近諸葛孔明不迫元直以入蜀華子魚不强幼
安以卿相此可謂能相終始真相知者也足下見直木不
可以爲輪曲者不可以爲楠蓋不欲以枉其天才令得其
所也故四民有業各以得志爲樂惟達者爲能通之此足
下度內耳不可自見好章甫強越人以文冕也已嗜臭腐

養鴛鴦以死鼠也吾頃學養生之術方外榮華去滋味游
心於寂寞以無爲爲貴縱無九患尙不顧足下所好者又
有心悶疾頃轉增篤私意自試不能堪其所不樂自卜已
審若道盡塗窮則已耳足下無事寃之令轉於溝壑也吾
新失母兄之歡意常悽切女年十三男年八歲未及成人
况復多病顧此恨恨如何可言今但願守陋巷教養子孫
時與親舊叙離濶陳說平生濁酒一盃彈琴一曲志願畢
矣足下若矜之不置不過欲爲官得人以益時用耳足下
舊知吾潦倒麤疏不切事情自惟亦皆不如今日之賢能
也若以俗人皆喜榮華獨能離之以此爲快此最近之可

得言耳然使長才廣度無所不淹而能不替乃可貴耳若
吾多病困欲離事自全以保餘年此真所乏耳豈可見黃
門而稱貞哉若趣欲共登王塗期於相致時爲權益一旦
迫之必發其狂疾自非重怨不至於此也野人有快炙背
而美芹子者欲獻之至尊雖有區區之意亦已疏矣願足
下勿似之其意如此既以解足下并以爲別嵇康白

與呂長悌絕交書

康白昔與足下年時相比以故數面相親足下篤意遂成
大好由是許足下以至交雖出處殊途而歡愛不衰也及
中間少知阿都志力開悟每喜足下家復有此弟而阿都

去年向我有言誠忿足下意欲發舉吾深抑之亦自恃每
謂足下不足迫之故從吾言間令足下因其順親蓋惜足
下門戶欲令彼此無恙也又足下許吾終不繫都以子父
六人爲誓吾乃慨然感足下重言慰解都都遂釋然不復
興意足下陰自阻疑密表繫都先首服誣都此爲都故信
吾又無言何意足下苞藏禍心邪都之含忍足下實由吾
言今都獲罪吾爲負之吾之負都由足下之負吾也悵然
失圖復何言哉若此無心復與足下交矣古之君子絕交
不出醜言從此別矣臨別恨恨嵇康白

記

平蠻始末記 節錄

田振邦

建昌古邛都地土司沿革載在明史種族一曰猓獠一曰西番人率獷悍好殺男女皆兵跣足以白布纏頭履峻巖如平地面垢不洗以黑爲尙童叟皆露喙鬚出拔務盡生兒三日浴於河披黑氊爲衣男以幅巾衛下體女以布裙食燕子麥稗子及牛羊肉慶節始食稻男女結隊踏歌山頂以爲娛樂食鹽各懷數枚每食以舌舐之卽什襲藏築土爲牆覆木板以避風雨以室西北隅爲最尊之所插草棒其上而神聖之尊者下榻其間餘橫卧地上枕石懷刀劍文字類古鐘鼎約千餘訂巨冊名之曰經蠻僧掌之病

輒以爲鬼請僧至家磔羊豕鷄瀝血祈禳懸角沾毛羽壁
上僧吹竹筒口喃喃病者隨之跳舞卽愈人死會葬者賽
馬繞墓田數匝以爲禮土產以皮革爲大宗栴榔厚樸亦
出其間二板房產白蠟蟲子年售二十萬五金煤鐵墮地
堆積惜迷信風水不任開採與漢人市以土貨易鹽布飲
以酒無呼不諾自稱其種曰黑骨頭稱漢人所育曰白骨
頭掠漢童男女令自爲婚配生育以爲奴僕名曰娃子或
轉鬻若販猪仔然無斗尺衡量銀以箇布以疋穀以堆夫
死婦改醮除生我所生外聽所適名曰上門其節婦室女
則全支敬重誤遭污立自戕罪人投深澗擲石碎之以爲

刑戰則製皮爲甲鑄鐵爲鎧善造弩箭長不盈尺以毒物
漬其鏑百步外能中飛鳥及身輒潰爛死臨戰蜂擁而來
俯身長號地爲之震善刳營中夜聞鳥聲磔格宜急爲備
戰士可數日不食馬健而馴木鐙皮鞍人仰臥其上履山
澗不以爲險購火器不惜重貲喜械鬥則傾巢出不勝
不止名曰打冤家然一遇官軍立釋憾禦侮官軍退仍鬥
如故他支或居中和解不得則以室女或寡居婦作調人
又不得女解裙露下體滾地狂號則抗約者罪卽不赦必
羣起致討盡殺乃已戰敗請降椎牛以皮置木架上投誠
各頭目偃僂出牛口外架旁置血酒降者取飲以表信誓

名曰鑽牛皮雜處無城郭近者號淺山巒遠者曰深山巒
土曰白姆子馬達什母小牧鷄阿侯蘇噶吳春發二鴨馬
家諾米大老虎無慮數十支而以阿侯吳春發爲最強

按阿侯蘇噶又名阿侯素干記中稱阿侯省文也

明孝子程薇廬墓後記

黃佩蘭

嗚呼此明萬厯孝子程世清爲母廬墓處也庚申方有事
於邑史刺遺編得孝子名惜事蹟未著爲抑鬱者久之冬
十一月偕南陽張忠甫王敬銘遊程氏塋兆見斷碣埋埃
際拂之乃龍波王澄程孝子廬墓記載靖宇戴見明兩先
生所書而篆額者也奈碣跌缺數寸敲火礪角點畫半湮

急沃以水映日光摩挲往復吟哦之聲大作追口涎手脍
於孝子椎心泣血之誠竟得十之六七僉曰此希世珍也
夫行不本乎心理之同卽智馭威劫而無所施渦肥奇桀
代生不轉瞬而蕩爲朝霏萎爲蔓艸者何可勝道孝子獨
不出戶庭閤然自致其天性所不能已乃數百年後若故
留此片石與吾輩相語於霜花旭照之中悲喜無端莫知
所以與人同者物必歸焉豈不諒哉余旣收藏殘碣於忠
孝祠復記其概畧而系之以銘銘曰

嗚呼孝子此其藏兮繞廬悲號儀鸞凰兮胡墓門之有棘
萃鴉獍而競跳梁兮幸坯土片石厯三百年而彌光兮聿

有鬼神呵護於其旁兮摩崖以書石兮張兮毫彼澗流蘋
藻薌兮垣繚以曲近宮牆兮丸丸松柏柯鬱蒼兮庶千秋
萬歲編迪我民於新造邦兮

序

嵇中散集序

原稱題辭

婁東

張溥

嵇辭清峻阮旨遙深兩家詩文定論也叔夜著文論六七
萬言唐志猶有十五卷今存者僅若此殆百一耳然視建
安諸子篇章彫落斯又巋然大部矣家誠小心篤誨酒坐
語言兢兢集木獨以柳下鍤鍛傲睨鍾會竟遭譖死東漢
馬文淵誠其兄子效龍伯高毋效杜季良足稱至慎善保

家門而薏苡一車妻孥草索怨謗之來非人所意凡性不
近物者勉爲抑損終與物乖中散絕交巨源非惡山公於
當世人事誠不耐也書中自序蓬首垢面懶癯入真阮嗣
宗口不臧否亦心知師之卒不能學人實不宜仕宦強衣
被之適速死耳集中大文諸論爲高諷養生而達莊老之
旨辯管蔡而知周公之心其時役役司馬門下者非惟不
能作亦不能讀也范升繫獄楊政肉袒道旁哀泣請命明
主立釋叔夜將刑東市太學生三千人求爲師不許抱臥
龍之姿櫻僭臣之忌其死也正以此耳贈兄詩云雖曰幽
深豈無顛沛幽憤詩云繫此幽阻實耻訟寃夫人身隱矣

而禍猶隨之禍至而復不欲與直也不死安歸乎廣陵散
絕弊在用光鍾士季呂長悌獸睡耳豈能殺叔夜者哉

龍津史談序

吳楚竒

史非傳信之書而傳疑之書也無論洪荒草昧杳邈難稽
卽漢唐近代以來可疑者正復不少其間禮樂刑政忠孝
節烈紛布燦陳不爲審時度勢畧跡原心豈通儒之見乎
然自古及今論史者不啻百家予何人斯而敢爲喋喋哉
曰不然知人論世各有深心不妨因乎前人以爲是非亦
何妨反乎前人以伸予奪事在邃古者斷之以理事在晚
近者度之以情世風日下江河莫挽昔日之小人或爲今

日之君子嚴以繩之亦寬以諒之他如幾先之哲事後之
悔或守經而失宜或達權而盡利逆作者竟至順成善始
者不必善終爲法爲戒取其一二事推而廣之可以觀物
理人情之變可以通心思耳目之窮可以明造化吉凶進
退存亡之故一披覽間如登天門而俯一切如燃溫犀而
照重淵也又何疑之莫釋信之未審哉貴賤窮達經權常
變操是術也以往其無所之矣獨愧寥寥一家之言非垂
世之書也故不敢附先賢史論史斷之列而名之曰史談

康熙戊午

吳越遊覽圖詠序

睢陽劉坤

勝地非詩畫不傳詩畫非其人不貴昔人謂洞天福地神
區奧境非有夙緣者不得一至然而榜人牧豎固日涉層
巘而逐烟波擔販營商亦嘗歷名山而浮大瀆叩厥中藏
奚有也是必天地之奇與吾心之靈相觸相引而寓之手
口之間然後山川景物分見於宇宙者時聚於高人達士
之懷而並有其不朽故曰勝地非詩畫不傳雖然古之人
如林逋之高吟太白之觴咏海嶽先生之墨陣離奇棗坡
居士之筆情澹遠皆高世絕俗而寄其曠致孤踪後人覽
其吉光片羽猶徘徊想慕如不勝情否則筆墨雖工君子
無取焉故曰詩畫非其人不貴南英吳子才堪命世學富

清隱居二言卷三
三
等身而叔夜孤松張緒楊柳見之者每不禁朱霞天半白
鶴雲中之慕迺者薄遊吳越文人游藝卽景卽圖卽圖卽
咏意致灑灑蕭然塵外在南英未嘗於筆墨求工要其逸
情勝致曠古遺今既能使造物不獨有其奇併以見文人
慧業變化生心不徒作沾沾枯澁想也有圖咏而勝地以
傳有南英而圖咏洵足貴矣雖然是烏足以窺我南英哉
瑰琰之質列之圭璋俎豆而無不華也麟鳳之姿置之天
池閬苑而罔弗宜也以南英之人詎斤斤焉以詩畫爭長
者彩筆咏梧鳳之章蘭膏繪冲人之壁吾將拭目望之矣

吳越遊覽圖詠序

吳楚奇

或有謂余曰子好遊乎余亟應曰否否士君子一日得行其志耳目心思每弗遑也遊云乎哉故夫人得從事於山巔水涯不得謂非人生之不幸也雖然名山勝地啟我良多憑高岡而志梧鳳俯幽谷而念猗蘭覽俗尙之貞淫謁忠孝之往蹟非有夙因每難一邁余於西泠孤嶼夢想多年嘗勒句云生前應有湖州約此日常懷石上緣嘻亦可謂情見乎辭矣但扁舟兩屐至易至難阮孚之囊不免羞澁縱清風明月憐余諒余其如七尺幻泡無能飛渡何於是思之思之不得已而寄之畫又不得已而寄之詩私鐫小篆曰湖山知我如是者又十年旣而幡然悟躍然喜曰

誤矣天下惟聾瞶者不可以視聽惟蹇蹇者不可以登陟
惟冥頑不靈者不可以抒發其幽思而領會其旨趣天既
假我以耳目手足又畀我以心思固居然能視能聽能登
陟能抒發能領會之人也而顧自安於聾瞶蹇蹇冥頑不
靈誰之過歟然意決志堅而卒不果行歲屆庚午山左千
乘張夫子方令吳余蒙亟薦而未售一時知遇之感謁自
平江方謂庾信江南歛歔未已忽幡然悟躍然喜曰湖山
舊約其在斯乎於是幽巖異境獨往獨來遂買舟東下直
抵西冷烟雨空山芒鞋灑水新晴南浦蠟屐穿雲因而渡
錢塘過山陰探禹穴平生夢想一旦成真其樂何似既又

幡然悟躍然喜曰與其未見而寄之詩寄之畫豈當前而反漠漠乎且世之遊者未必畫畫者未必遊即遊矣畫矣歸坐芸牖懸空摹擬得其似未得其真奚取焉緣是松滋好時不假暫離每遇竒觀先擇危巒虛厰置身其上凝眸注視意曠神完然後即景揮毫不使遠近參差高低大小纖微未肖雖力弊神疲弗顧也且各紀其概繫以短句雖鄙俚淺陋弗辭也帙成持示二三同人已經者如逢其故未見者恍遇其真則斯遊也非人生之幸要亦未可謂之不幸矣獨是天下之大異地名區繫懷不少佇而待之不能迫之又不得也山川有情其謂我何今而後或有謂余

滄陽居士詩卷二
日十洲三島雪嶺雲濤實神往焉曷共諸余又將幡然悟
躍然喜曰嘻子好遊乎吾與子遊康熙辛未五月

江西游覽圖詠序

江西 熊飛渭

此年以中丞各憲作人雅意謬知豫章書院今春又忝白
鹿洞王與西江諸士談經論古而外時瞻眺五峯泉壑間
竊意昔賢學攬性天原非斤斤焉於章句索言詮也平日
心契象先鷺飛魚躍左右逢源故發爲論說自有月映萬
川處處皆圓之妙然而識此意者鮮矣長夏扃門課士忽
南英子遠涉匡廬枉駕謁余余驚眙久之學人日抱殘編
窮年帖噪安所謂逸情雅志嘯傲湖山否則利藪名場又

日不暇給何許心期而超然塵壒耶及相晤傾蓋之際令人意致飛揚精神灑滌再覽所著吳越圖咏一書摹繪既精品題復妙竒思異想今古無儔不覺相視大呼日子豈謝公蘇子三生再來耶相與言懽者累日瀕行又出一冊示余曰此匡廬遊覽圖咏孤懷高寄未計工拙願乞一言爲弁余生平未諳畫理但覺摹擬神妙如化工肖物不爽錙銖而雋思穎句又復石破天驚夫世之爲詩畫者多矣或規行矩步或冥騫狂塗自非深於太極西銘之學心契象先其能如此超然塵壒耶世之覽者卽以作性天元機也可卽以作鳶魚真諦也可康熙甲戌

瑣說集序

寶應

王式丹

人生自少至老其爲言百千萬億發乎情未必準乎理卽使理與情協又或迂濶不適於用詞說雖繁求所爲言近旨遠以布帛菽粟緯地經天者鮮矣南英吳子學攬天人才涵今古談竒博雅冠絕一時平居高談雄辨徃徃出人意表而又非徒逞談鋒無裨理奧無與彝倫者每當偶有所得或縱譚快意輒書寸紙於壁久之成帙自謂紛離雜錯流於鄙瑣祇供閒中自怡悅云爾予讀之但見有時類莊列之竒恣有時闡朱程之奧義有時卓識千古石破天驚有時妙解人情雲開日見有時搜竒探異萬象紛布而

斷以心裁有時考古訂今各溯源流而指其迷謬既情理之悉協又非迂濶不適於用潛心玩索真於布帛菽粟中具緯地經天之蘊古人謂不遇異人必讀異書吳子兼之矣其他著述種種未遑登棗坊客先購此以行聊綴數語於簡端與高人共析賞焉康熙甲申長至前三日

王氏三世節孝詩序

陳宏謀

亳州王氏三世以節孝著有司旣請旌其間當代立言者復相與歌詠之於是天下無不知有三節婦者濱州刺史王君稼亭蓋節母支孺人之曾孫田安人之孫而劉安人之子也哀所得詩篇若干首都爲集而問序於余余諾之

江陰居士詩集卷之二
瞿然曰從一而終婦道也而苦節之難則視忠臣烈士爲
尤甚蓋其生長深閨非有詩書禮義之教而及其遭逢多
故艱難困苦有中人以上所不能堪者故三百篇柏舟而
外不少概見我朝風化之美以節見者指不勝屈而婦姑
相繼至於三世者則未之前聞今乃於王氏見之嘻異哉
夫道有困而必亨數無往而不復其在剝之上九曰碩果
不食君子得輿王氏當不絕如綫之餘賴三節婦繼繼承
承迄於不墜則王氏之子孫其必有以大其宗也固宜吾
聞刺史事母以色養先銓四川崇慶州以母老恐不能迎
養遂乞改近地復補濱州嘗語曰吾少遭閔凶恃吾母與

祖母以養以教幸而成立今祖母已不可復見矣肯置吾
母於六七千里外乎言未既遂至泣下由是觀之刺史之
能孝其親也不待言矣夫烏有孝於親而傲其上者乎烏
有孝於親而虐其民者乎則其必將以古循吏爲法而他
日之所以報國者視其所以承家而又可知矣刺史勉乎
哉至三節孝之事已詳著諸篇故不具論異時當更爲傳
以絕俾言女宗者有所考焉

贊

原憲贊

嵇康

原憲味道財寡義豐栖遲華門安賤固窮絃歌自樂體逸

清隱居士言卷二
三
心冲進應子貢邈有清風

司馬相如贊

長卿慢世越禮自放犢鼻居市不恥其狀託疾避官蔑此
卿相乃賦大人超然莫尙

許由贊

許由養神宅于箕阿德貞體全擇日登遐

井丹贊

井丹高潔不慕榮貴抗節五王不交非類顯譏輦車左右
失氣披褐長揖義陵羣萃

琴贊

惟彼雅器載璞靈山體其德真清和自然澡以春雪澹若
洞泉温乎其仁玉潤外鮮

箴

太師箴

嵇康

浩浩太素陽曜陰凝二儀陶化人倫肇興厥初冥昧不慮
不營欲以物開患以事成犯機觸害智不救生宗長歸仁
自然之情故君道自然必託賢明茫茫在昔罔或不寧赫
胥既往紹以皇羲默靜無文太朴未虧萬物熙熙不夭不
離爰及唐虞猶篤其緒體資易簡應天順矩絺褐其裳土
木其宇物或失性懼若在予疇咨熙載終禪舜禹夫統之

者勞仰之者逸至人重身棄而不恤故子州稱疾石戶棄
桴許由鞠躬辭長九州先王仁愛愍世憂時哀萬物之將
頽然後蒞之下逮德衰大道沉淪智慧日用漸私其親懼
物乖離 孳仁利巧愈競繁禮屢陳刑教爭施天性喪

真季世陵遲繼體承資憑尊恃勢不友不師宰割天下以
奉其私故君位益侈臣路生心竭智謀國不吝灰沉賞罰
雖存莫勸莫禁若乃驕盈肆志阻兵擅權矜威縱虐禍蒙
邱山刑本懲暴今以脅賢昔爲天下今爲一身下疾其上
君猜其臣喪亂弘多國乃殞顛故殷辛不道首綴素旗周
朝敗度疑人是謀楚靈極暴乾谿潰叛晉厲殘虐樂書作

難主父棄禮殼胎不宰秦皇荼毒禍流四海是以亡國繼
踵今古相承醜彼摧滅而襲其亡徵初安若山後敗如崩
臨刃振鋒悔何所增故居帝王者無曰我尊慢爾德音無
曰我疆肆于驕淫棄彼佞倖納此選顏諛言順耳染德生
慮悠悠庶類我控我告唯賢是授何必親戚順乃造好民
實胥效治亂之原豈無昌教穆穆天子思聞其僊虚心導
人允求讜言師臣司訓敢告在前

銘

木司銘 太平御覽

嵇含

鳥號之樸豐條足理弦弧走括截飛駭止射隼高牆出必

有擬既用禦武亦以招士

誠

家誠

嵇康

人無志非人也但君子用心所欲準行自當量其善者必
擬議而後動若志之所之則口與心誓守死無二耻躬不
逮期於必濟若心疲體懈或牽於外物或累於內欲不堪
近患不忍小情則議於去就議於去就則二心交爭二心
交爭則向所見役之情勝矣或有中道而廢或有不成一
簣而敗之以守則不固以之攻則怯弱與之誓則多遲與
之謀則善泄臨樂則肆情處逸則極意故雖繁華熠熠無

結秀之勲終年之勤無一旦之功斯君子所以歎息也若
夫申胥之長吟夷齊之全潔展季之執信蘇武之守節可
謂固矣故以無心守之安而體之若自然也乃是守志之
盛者可耳所居長吏但宜敬之而已矣不當極親密不宜
數徃徃當有時其衆人又不當宿留所以然者長吏喜問
外事或時發舉則怨或者謂人所說無以自免也若行寡
言慎備自守則怨責之路解矣其立身當清遠若有煩辱
欲人之盡命託人之請求當謙辭遜謝其素不預此輩事
當相亮耳若有怨急心所不忍可外違拒密爲濟之所以
然者上遠宜適之幾中絕常人淫輩之求下全束修無玷

之稱此又秉志之一隅也凡行事先自審其可不差於宜
宜行此事而人欲易之當說宜易之理若使彼語殊佳者
勿羞折遂非也若其理不足而更以情求來守人雖復云
云當堅執所守此又秉志之一隅也不須行小小束修之
意氣若見窮乏而有可以賑濟者便見義而作若人從我
欲有所求先自思省若有所損廢多於今日所濟之義少
則當權其輕重而拒之雖復守辱不已猶當絕之然大率
人之告求皆彼無我有故來求我此爲與之多也自不如
此而爲輕竭不忍面言彊副小情未爲有志也夫言語君
子之機機動物應則是非之形著矣故不可不慎若於意

不善了而本意欲言則當懼有不了之失且權忍之後視
向不言此事無他不可則向言或有不可然則能不言全
得其可矣且俗人博吉遲傳凶疾又好議人之過闕此常
人之議也坐言所言自非高議但是動靜消息小小異同
但當高視不足和答也非義不言詳靜敬道豈非寡悔之
謂人有相與變爭未知得失所在慎勿預也且默以觀之
其非行自可見或有小是不足是小非不足非至竟可不
言以待之就有人問者猶當辭以不解近論議亦然若會
酒坐見人爭語其形勢似欲轉盛便當亟舍去之此將鬪
之兆也坐視必見曲直黨不能不有言有言必是在一人

其不是者方自謂爲直則謂曲我者有私於彼便怨惡之情生矣或便獲悖辱之言正坐視之大見是非而爭不了則仁而無武於義無可當遠之也然大都爭訟者小人耳正復有是非共濟汗漫難勝可足稱哉就不得遠取醉爲佳若意中偶有所諱而彼必欲知者若守大不已或劫以鄙情不可憚此小輩而爲所攙引以盡其言今正堅語不知不識方爲有志耳自非知舊鄰比庶幾已下欲請呼者當辭以他故勿往也外榮華則少欲自非至急終無求欲上美也不須作小小卑恭當大謙裕不須作小小廉耻當全大讓若臨朝讓官臨義讓生若孔文舉求代兄死此忠

臣烈士之節凡人自有公私慎勿強知人知彼知我知之則有忌於我今知而不言則便是不知矣若見竊語私議便舍起勿使忌人也或時逼迫強與我共說若其言邪險則當正色以道義正之何者君子不容僞薄之言故也一旦事敗便言某甲昔知吾事以宜備之深也凡人私語無所不有宜預以爲意見之而走者何哉或偶知其私事與同則可不同則彼恐事泄思害人以滅迹也非意所欽者而來戲調蚩笑人之闕者但莫應從小共轉至於不共而勿大冰矜趨以不言答之勢不得久行自止也白非所監臨相與無他宜適有壺榼之意束修之好此人道所通不

須逆也過此以往自非通穆匹帛之饋車服之贈當深絕
之何者常人皆薄義而重利今以自竭者必有爲而作
貨微歡施而求報其俗人之所甘願而君子之所大惡也
闕
又慣不須離摟強勸人酒不飲自己若
人來勸已輒當爲持之勿謂勿逆也見醉薰薰便止慎不
當至因醉不能自裁也

傳

嵇康傳

陳壽

嵇康字叔夜譙國鉅人也其先姓奚會稽上虞人以避怨
徙焉銓有嵇山家于其側因而命氏兄喜有當世才厯太

僕宗正康早孤有竒才遠邁不羣身長七尺八寸美詞氣有風儀而土木形骸不自藻飾人以爲龍章鳳姿天質自然恬靜寡慾含垢匿瑕寬簡有大量學不師受博覽無不該通長好老莊與魏宗室婚拜中散大夫嘗修養性服食之事彈琴詠詩自足於懷以爲神仙稟之自然非積學所得至於導養得理則安期彭祖之倫可及乃著養生論又以爲君子無私著無私論蓋其胸懷所寄以高契難期每思鄴質所與神交者惟陳畱阮籍河內山濤預其流者河內向秀沛國劉伶籍兄子咸琅琊王戎遂爲竹林之遊世所謂竹林七賢也戎自言與康居山陽二十年未嘗見其

喜愠之色康嘗採藥游山澤會其得意忽焉忘反時有樵蘇者遇之咸謂神至汲郡山中見孫登康遂從之游登沈默自守無所言說康歸去登曰君性烈而才雋其能免乎康又遇王烈其人山烈嘗得石髓如飴即自服半餘半與康皆凝而爲石又於石室中見一卷素書遽呼康往取輒不復見烈乃嘆曰叔夜趣非常而輒不遇命也其神心所感每遇幽逸如此山濤將去選官舉康自代康乃與濤書告絕書旣行知其不可羈屈也性絕巧而好鍛宅中有一柳樹甚茂乃激水圍之每夏月居其下以鍛東平呂安服康高致每一相思輒千里命駕康友而善之後安爲兄所

枉訴以事繫獄辭相證引遂復收康康性慎言行一旦縲
繼乃作幽憤詩初康居貧嘗與向秀共鍛於大樹之下以
自贍給潁川鍾會貴公子也精練有才辨故往造焉康不
爲之禮而鍛不輟良久會去康謂曰何所聞而來何所見
而去會曰聞所聞而來見所見而去會以此憾之及是言
於文帝曰稽康卧龍也不可起公無憂天下顧以康爲慮
耳因譖康欲助母邱儉賴山濤不聽昔齊戮華士魯誅少
正卯誠以害時亂教故聖賢去之康安等言論放蕩非毀
典謨帝王者所不宜容宜因釁除之以淳風俗帝旣昵聽
信會遂并害之康將刑東市太學生三千人請以爲師弗

許康顧見日影索琴彈之曰昔袁孝尼嘗從吾學廣陵散
吾每靳固之廣陵散於今絕矣時年四十海內之士莫不
痛之帝尋悟而恨焉初康嘗游乎洛西暮宿華陽亭引琴
而彈夜分忽有客請之稱是古人與康共談音律辭致清
辯因索琴彈之而爲廣陵散聲調絕倫遂以授康仍誓不
傳人亦不言其姓字康善談理又能屬文其高情遠趣率
然玄遠撰上古以來高士爲之傳贊欲友其人於千載也
又作太師箴亦足以明帝王之道焉復作聲無哀樂論甚
有條理子紹別有傳

按嵇康事當時錯於朝命傳說不一本志捃摭裴注糾

正其誣茲復登陳傳俾讀者得考鏡焉

果敏公英翰別傳

雪橋詩話

楊鍾羲

薩爾圖果敏公英翰以舉人起安徽州縣豐頤皤腹能騎射馳突健鬥淮北兵飢賊橫崎嶇血戰屢禽賊酋雉河之役外援絕矣輕騎突圍出合諸將之兵以褫方張之寇朝廷錄其功自宿州一歲四遷至皖臬徐西叔癸亥寄英廉使霍山行營云武陵峰前戰氣高兼天岳色擁旌旄漢廷將畧歸虞詡淮甸長城倚石苞曾奉清言知榦局屢煩折簡到蓬蒿磨崖會趁春風便濡染中興汗馬勞其刺宿州降巨盜數萬西叔爲作方畧記及受降碑陰銘旣撫皖屢

平劇賊移督兩粵未幾被劾罷論者謂巡撫張某欲取而
代之事多疑似明年起用烏魯木齊都統卒於關外時太
夫人尚在

按本志果敏公傳蓋取材於宿志及故老傳聞得此較
爲完美故亟登之

碑

邑侯王公去思碑

張翼明

愚村落密邇蒙邑且叨選時應頰道之聘往來漆園壽春
之間是以知蒙蒙壽屬也而與宿毫兩州壤錯如繡其地
風俗淳于毫然時尙所移隣毫而移於毫者不無無賴少

年蹴踔矣弄丸榜蒲符呪游■伐塚晨歸夜出走死地如
驚而移於宿者不無不逞奸雄虎視豺嘯把袂擊筑陽交
吏胥陰附偵探武斷鄉曲者以十數自非巖明如光庭敏
斷其能勝任而愉快乎屬庚戌放榜後西川王侯得籤蒙
邑侯於蒙之地方明如觀火於蒙之風俗照若燃犀於是
以精明爲寬仁以嚴敏爲博大見焚焚者愛若子女見耽
耽者讐之如鷹鷂之於鳥雀也開荒闢萊而邑無林莽矣
放賑施粥而邑無顛頽矣不寧惟是向所謂狹斜揭竿崔
苻者今皆亡命而境內肅清則攬轡之聲怒瀾之威有以
折強陽耳昔士會在晉盜皆奔命於秦侯寔使逞奸雄魚

肉市里把持公府者今皆改絃而勉強慕義則投巫之武
破柱之明有以馴菜傭耳昔翁歸在東海察吏有記藉每
拔藉取黠豪案致其罪吏民風尙丕變侯寔近之況且木
牘所驅朝發夕至鄉落無公役之追呼而淮西役如白龍
鎮者亦畏懼而不入蒙境則境宇之安堵又可知也夫邑
乏惡少則關門無搶攘之勞邑無奸雄則懦善懷德者專
足思者也况加以役不下鄉鄉不識吏其恩澤之心入於
境宇者詎有涯際者哉而欲蒙邑之無思也誰乎今侯以
循良卓異調衝巨之真州蒙士民留之不得諸生周之臣
等謁余而求傳去思碑而余雖不能文而以鄰部睦誼不

能辭也因舉其耳目睹記之二三實蹟記之篇什若其他課士減租縷縷善政載之口碑不能一一枚舉

按王公諱伉祀蒙城名宦

新築渦陽縣城碑記

代英翰作

台肥

徐子苓

咸豐間余備員前行因以究心輿地形勢嘗建言國家州郡參伍互控淮北壤關民悍如廬州之梁園靈壁之固鎮蒙亳間之雉河皆宜增縣選吏用以招徠綏輯剷夷亂階於時軍興未遑也同治二年春僧郟軍出淮北余適刺宿州生俘賊酋張樂行以獻其年夏叛人苗沛霖圖據蒙城余檄在前行攻守斬馘閱七月叛人授首江淮犄靖於是

前撫者喬公今相國會公申前議請卽雒河設縣而以古
渦陽爲名奏聞報可工甫料而難作方是時王師初定江
寧粵西餘賊竄連楚豫樂行死黨殘孽因依媯煽僧邸不
幸陣歿曹州賊乘勝跨河踰淮余時駐軍潁州念賊新集
氣盛雒河地阻而便賊老巢也計惟我軍先據致賊以內
固本根而外合羣帥首尾並擊賊可聚而殲焉遂請行比
結壘而賊至先是三年夏有司經始縣城土垣荒畧材木
貨賄狼藉露柩比圍守事起倉卒軍饋不繼我軍樓櫓所
資諸將吏餽廩芻牧各營弁賞功卹死幸藉是而獲濟焉
方是時賊蠶起環河而營我軍併力死守總四十有五曰

內儲不支外授咸絕閏五月己未余突圍出籲師羣帥會
軍河干辛卯殲賊於高鑪六月乙未破田家賊巢凡三戰
賊大崩丙申雉河解圍皖省歲連兵公私罄矣是役費不
貲而渦陽之城先奏可其費盡入於軍事且輟茲工之成
余所爲歛歔反復而益樂道之者此也縣隸潁州其地截
蒙臺均阜宿得里四百得保四十有四其官知縣典史校
官各一其城高廣若干丈其衙署學宮壇廟若干所肇工
七年之秋竣工八年之冬楚南熊軍門思立實總其成踵
而繼之者知縣事薛君元起君河南人莅事有績縣人便
之初議城貲無出李軍門良臣豪士也立輸七萬錢爲佐

既耗於圍守之用未幾喬公有事秦中余忝受代得舊部
熊君躬任其事爲節縮公費所存約萬金付君君親執畚
爲士卒先工不煩民期年之間費省而辦今年夏余奉命
重撫是邦道河干縣人請記旣嘉熊君之勞又以渦水之
名最古且大水也方明之季黃河決溢渦之源流幾不可
辨詩曰高岸爲谷深谷爲陵古之人蓋嘗歎之獨渦云乎
哉因書且係以銘銘曰

渦水曰洵姬公所錄受沙入淮發源鳴鹿越百千年蕩於
大河渦濱之山曰狼曰駝余嘗逐賊於山之下水有衰王
山則終古渦陽舊城肇自元魏維茲新築下城父地新築

峩峩昔者賊巢伏莽惟狐集林惟鴞嗟我王民廼陷於盜
墮阬落井天日不照僧耶奮戈損軀爲國維喬與曾版圖
式劃新築後先由兩軍門薛君繼之煦民以春舊服旣褚
新疇爰伍塾有詩書野無桴鼓嗟爾令賢民不令欺令克
有終歌斯誦斯我銘貞石奉宣帝德於萬斯年視天罔極
按此碑爲庚申訪碑錄所未及甲子夏自芳大令自都
門從先生文集鈔來或脫稿而未經勒石耶文筆淳樸
精核足以折衷羣言裨補信史洵珍品也先生字西叔
乙未舉人與朱默存王謙齋有三怪之目師事姚石甫
有敦良吉齋文集行世故客池州守陳源亮所游江忠

烈會文正戎幄篤古自得詩尤極其詣力果敏爲刻之
於潁州云

剗修義正書院暨義倉碑記

桐城周照

竊以鍾靈雖資川岳而敏秀必借膠庠此鹿洞鵝湖所以
爲養育人才之本也渦邑創自同治甲子兵燹之餘未遑
設學邑侯薛公雲錦中州名族筮仕楚北迭著循聲壬戌
調皖宰吾樅陽稱卓異焉政治之暇加意人才縣試所拔
皆知名之士如吳汝綸之得中書孫慧基之入詞林張覲
文王巖恭之魁秋榜已可見我公加意人才之明效大驗
矣丁卯春來渦凡農桑諸政莫不次第舉行而所尤汲汲

者則在學校遂與邑紳議建書院兼作考棚爰捐俸銀以鳩厥工邑紳王雨樓燕崑玉王梅村王輝山劉欽亭王鼎臣仰體邑侯心踴躍從事解囊倡捐之外又復晝夜勤儉盡心襄理由是講堂書齋文場不數月間莫不以次告竣顏曰義正蓋於興賢造士之中而寓化民成俗之至意焉又修義倉一區稟請上憲給發千金積粟千石以備凶荒而資膏火於以延名宿講貫涵育薰陶將見人文蔚起科第連綿與鹿洞鵝湖媲美其收效豈有窮哉是爲記

旌表王烈婦碑記

柏漢青

吁嗟呼乾坤正氣忠孝大節惟天下奇男子乃能致命遂

志扶綱常於不倣然或一念激發倉皇引決不旋踵而大
義以彰及一轉念間動多顧慮遷就因循英氣消阻遂致
背其前說而無以自解所以名節之地成於果斷而敗於
猶諛人情大抵然也若烈婦王馬氏則實有卓卓可傳者
氏爲馬成敏之女儒童王守先之妻也守先爲王騰臯之
子因胞伯騰階無子兼承其嗣蓋一人而雙祧者也光緒
七年八月氏于歸年十九歲奉事翁姑得其懽心賢孝之
名噪於閭里次年二月守先病故氏願以身殉視死如歸
當日仰藥者再絕而復甦者亦再至次日防者偶懈投繯
殞命夫未嘗其毒而驟飲之旣嘗其毒而愈甘之初服艱

再服尤艱既甘心於鳩毒之味復引頸於尺組之下初念
決轉念尤決此卽烈烈丈夫幾經挫折猶以授命爲難而
况巾幗之幼弱者乎乃氏於前日則慷慨以赴義於次日
則從容以盡節一意孤行百折不回推是心也鼎鑊可甘
刀鋸不避雖至粉身碎骨亦能當之而無懼嗚呼何其難
也學校感其義稟懇旌表奉旨建坊立石氏雖歿而名垂
不朽非倖致也余與騰階公相交已久知其敦古誼寡言
語以醫名家濟人多矣而竟不食其報時耶命耶所可慕
者馬氏生以孝顯死以烈著苦節榮名一息千古以肅倫
常以勵風化微斯人其誰與歸余旣考其實行採入縣志

而又爲之叙其巔末如此蓋有聞風慕義肅然而起敬者
矣是爲記

墓誌銘

宋公墓誌銘 并序

孫家鼐

今天子御極之二年佩珍軍門以其封翁建威將軍墓誌
述於余時彼統兵防壽余亦讀禮家居相知既深而又感
其光前人以昭來許也故不揣謏陋撮其大畧以壽諸石
封翁諱文清字華國號煥齋世居鳳台縣西北闕曠巷彎
村先世安耕讀無仕宦列膠庠者代有數人翁生五子長朝
望次朝常三朝興五朝振四朝儒卽軍門也封翁性豪直

好施與爲人排難解紛片言服衆遇困乏推解不少吝遠
近稱鄉望焉然以是家益落道光二十六年歲荒歉偕家
而北就稼渦陽越三年卒於病享年五十有二因艱於財
權葬渦陽河北上肘孜義地內咸豐四年軍門暨昆玉奉
母氏孫太夫人回籍太夫人躬自紡績課諸子以耕作勤
儉持家得免凍餒八年三月以疾終於內寢享年五十有
五卜葬於家南三十畝地之東偏蓋自粵捻紛馳民人失
所軍門久欲從戎而不果者徒以有先親在同治二年始
搜劾於卓勝軍統帶馬步各軍勦賊於江皖豫鄂直東山
陝甘肅九省積功厯保至頭品頂戴花翎以提督記名遇

缺簡放並賞給法克精河巴圖魯勇號三代正一品封典
由是先將軍孫太夫人因以子貴矣夫飲水必溯源植木
必探本子之能事父教之忠於以知其身後食厚報而享
榮名者有由來也凱旋省墓軍門以先時未獲盡禮爲憾
擬祝遷與太夫人合墓以妥先靈嗣以堪輿家言爲之中
止以久安之魂魄不忍再事動搖也乃即塋側價買馬姓
地一塊以資義塚前葬之地易爲宋氏祖塋呈縣示諭勒
石在案嗚呼孝哉寵荷龍章端賴亢宗之傑嗣封高馬鬣
永崇昌後之佳城則此後孝子賢孫春秋展拜瞻先壟而
奠椒馨繼繼承承吾知其未有艾也是爲誌而系以銘銘

曰維彼善人克昌厥後生子嫫姚殄厥羣醜極品崇封帝
德高厚天假牛眠如岡如阜窳窳既安旣表悠久瓜瓞綿
延永垂不朽

賦

琴賦 有序

嵇 康

余少好音聲長而翫之以爲物有盛衰而此無變滋味有
厭而此不勦可以導養神氣宣和情志處窮獨而不悶者
莫近於音聲也是故復之而不足則吟詠以肆志吟詠之
不足則寄言以廣意然八音之器歌舞之象歷世才士並
爲之賦頌其體制風流莫不相襲稱其材幹則以危苦爲

上賦其聲音則以悲哀爲主美其感化則以垂涕爲貴麗則麗矣然未盡其理也推其所出似元不解音聲覽其旨趣亦未達禮樂之情也衆器之中琴德最優故綴叙所懷以爲之賦其辭曰

惟椅梧之所生兮託峻嶽之崇岡披重壤以誕載兮參辰極而高驥含天地之醇和兮吸日月之休光鬱紛紛以獨茂兮飛英蕤於昊蒼夕納景於虞淵兮旦晞幹於九陽經千載以待價兮寂神時而永康且其山川形勢則盤紆隱深確鬼岑岳立嶺巉巖岵嶇嶇崦嵫丹崖嶮巖青壁萬尋若乃重巘增起偃蹇雲覆邈隆崇以極壯崛巍巍而特秀蒸

靈液以播雲攄神淵而吐溜爾乃顛波奔突狂赴爭流觸
巖飢隈鬱怒彪休洶湧騰薄奮沫揚濤節汨澎湃蟹螯相
糾放肆大川濟乎中州安廻徐邁寂爾長浮澹乎洋洋縈
抱山邱詳觀其區土之所產毓奧宇之所寶殖珍怪琅玕
瑤瑾翕施叢集累積奠衍於其側若乃春蘭被其東沙棠
殖其西涓子宅其陽玉醴涌其前玄雲蔭其上翔鸞集其
巔清露潤其膚惠風流其間竦肅肅以靜謐密微微其清
閑夫所以經營其左右者固以自然神麗而足思願愛樂
矣於是遯世之士榮期綺季之疇乃相與登飛梁越幽壑
援瓊枝陟峻嶒以游乎其下周旋永望邈若凌飛邪睨崑

崙俯闕海湄指蒼梧之迢遞臨迥江之威夷寤時俗之多
累仰箕山之餘輝羨斯嶽之弘厥心慷慨以忘歸情舒放
而遠覽接軒轅之遺音慕老童於駮隅欽泰容之高吟顧
茲桐而興慮思假物以託心乃斲孫枝準量所任至人攄
思制爲雅琴乃使離子督墨匠石奮斤夔襄薦法班倅騁
神鏤會裏厠酌密調均華繪彫琢布藻垂文錯以犀象藉
以翠綠絃以園客之絲徽以鍾山之玉爰有龍鳳之象古
人之形伯牙揮手鍾期聽聲華容灼爍發采揚明何其麗
也伶倫比律田連操張進御君子新聲慘亮何其偉也及
其初調則角羽俱起宮徵相證參發並趣上下累應蹠蹠

磔硤美聲將興固以和昶而足眈矣爾乃理正聲奏妙曲
揚白雪發清角紛淋浪以流離奐淫衍而優渥粲奕奕而
高逝馳岌岌以相屬沛騰選而競趣翕曄燁而繁縟狀若
崇山又象流波浩兮湯湯鬱兮峩峩怫悒煩冤紆餘婆娑
陵縱播逸霍獲紛葩檢容投節應變合度競名擅業安軌
徐步洋洋習習聲烈遐布含顯媚以送終飄餘響於泰素
若乃高軒飛觀廣廈閑房冬夜肅清朗月垂光新衣翠粲
纓徽流芳於是器冷絃調心閑手敏觸挽如志惟意所擬
初涉綠水中奏清徵雅永唐堯終詠微子寬明弘潤優游
躋跼拊絃安歌新聲代起歌曰凌扶搖兮憩瀛洲要列子

兮爲好仇餐沆漚兮帶朝霞眇翩翩兮薄天游齊萬物兮
超自得委性命兮任去留激清響以赴會何絃歌之綢繆
於是曲引向闌衆音將歇改韻易調竒弄乃發揚和顏攘
皓腕飛纖指以馳驚紛澀喜以流漫或徘徊顧慕擁鬱抑
按盤桓毓養從容秘翫闔爾奮逸風駭雲亂牢落凌厲布
蕩半散豐融披離斐韡負爛英聲發越采采粲粲或間聲
錯糅狀若詭赴雙美並進駢馳翼驅初若將乖後卒同趣
或曲而不屈或直而不倨或相凌而不亂或相離而不殊
或劫掎以慷慨或怨媼而躊躇忽飄颻以輕邁乍留聯而
扶疏或參譚繁促複疊攢仄從橫駱驛奔遁相逼拊嗟累

讚間不容息瓌豔竒偉殫不可識若乃閑舒都雅洪纖有
宜清和條昶案衍陸離穆溫柔以怡懌婉順叙而委蛇或
乘險投會邀隙趣危嚶若離鷗鳴清池翼若游鴻翔曾崖
紛文斐尾絺繆離纒微風餘音靡靡猗猗或撲撻擗捋縹
繚漈冽輕行浮彈明嬾際惠疾而不速留而不滯翩緜飄
邈微音迅逝遠而聽之若鸞鳳和鳴戲雲中迫而察之若
衆葩敷榮曜春風旣豐瞻以多姿又善始而令終嗟姣妙
以弘麗何變態之無窮若夫三春之初麗服以時乃携友
生以邀以嬉涉蘭圃登重基背長林翳華芝臨清流賦新
詩嘉魚龍之逸豫樂百卉之榮滋理重華之遺操慨遠慕

而長思若乃華堂曲宴密友近賓蘭肴兼御旨酒清醇進
南荆發西秦紹陵陽度巴人變用襍而並起竦衆聽而駭
神料殊功而比操豈笙簧之能倫若次其曲引所宜則廣
陵止息東武太山飛龍鹿鳴鷓鴣雞游絃更唱迭奏聲若自
然流楚窈窕懲躁雪煩下逮謠俗蔡氏五曲王昭楚妃干
里別鶴猶有一切承間造乏亦有可觀者焉然非夫曠遠
者不能與之嬉游非夫淵靜者不能與之閒止非夫放達
者不能與之無吝非夫至精者不能與之析理也若論其
體勢詳其風聲器和故響逸張急故聲清間遼故音痺絃
長故徽鳴性潔靜以端理含至德之和平誠可以感盪心

志而發洩幽情矣是故懷戚者聞之莫不憮慄慘悽愀愴
傷心含哀懊咩不能自禁其康樂者聞之則歛愉歡釋抃
舞踊溢留連瀾漫盟矇終日若和平者聽之則怡養悅愉
淑穆玄真恬虛樂古棄事遺身是以伯夷以之廉顏回以
之仁比十以之忠尾生以之信惠施以之辯給萬石以之
訥慎其餘觸類而長所致非一同歸殊塗或文或質總中
和以統物咸日用而不失其感人動物蓋亦弘矣于時也
金石寢聲匏竹屏氣王豹輟謳狄牙喪味天吳踴躍於重
淵王喬披雲而下墜舞鸞驚於庭階游女飄然而來萃感
天地以致和况跂行之衆類嘉斯器之懿茂詠茲文以自

謝永服御而不厭信古今之所貴亂日悵悵琴德不可測
兮體清心遠邈難極兮良質美手遇今世兮紛綸翕響冠
衆藝兮識音者希誰能珍兮能盡雅琴唯至人兮

詩

襍詩

嵇康

微風清扇雲氣四除皎皎亮月麗于高隅與命公子携手
同車龍驥翼翼揚鑣踟躕肅肅宵征造我友廬光燈吐輝
華幔長舒鸞觴酌醴神鼎烹魚絃超子野歎過綿駒流詠
太素俯讚立虛孰克英賢與爾剖符

贈秀才入軍十九首

集云兄秀才公穆入軍
贈詩張銑注云叔夜弟

鴛鴦于飛肅肅其羽朝遊高原夕宿蘭渚邕邕和鳴顧眄
儔侶俛仰慷慨優游容與

鴛鴦于飛嘯侶命儔朝遊高原夕宿中洲交頸振翼容與
清流咀嚼蘭蕙俛仰優游

泳彼長川言息其澣陟彼高岡言刈其楚嗟我征邁獨行
踽踽仰彼凱風涕泣如雨

泳彼長川言息其沚陟彼高岡言刈其杞嗟我獨征靡瞻
靡恃仰彼凱風載坐載起

穆穆惠風扇彼輕塵奕奕素波轉此遊鱗伊我之勞有懷
佳人寤言永思實鍾所親

所親安在舍我遠邁
弃此蓀芷襲彼蕭艾
雖日幽深豈無顛沛
言念君子不遐有害

人生壽促天地長久
百年之期孰云其壽
思欲登仙以濟不朽
攬轡踟躕仰顧我友

我友焉之隔茲山岡
誰謂河廣一葦可航
徒恨永離逝彼路長
瞻仰弗及徙倚彷徨

良馬既閑麗服有暉
左攬繁弱右接忘歸
風馳電逝躡景追飛
凌厲中原顧盼生姿

携我好仇載我輕車
南凌長阜北厲情渠
仰落驚鴻俯引淵魚
盤于游田其樂只且

凌高遠眇俯仰咨嗟怨彼幽縈邈爾路遐雖有好音誰與
清歌雖有姝顏誰與發華仰訊高雲俯託輕波葉流遠遁
抱恨山阿

輕車迅邁息彼長林春木載榮布葉垂陰習習谷風吹我
素琴交交黃鳥顧儔弄音感悟馳情思我所欽心之憂矣

永嘯長吟

悟集
作寤

浩浩洪流帶我拜畿萋萋綠林奮榮揚暉魚龍澆澗山鳥
羣飛駕言出遊日夕忘歸思我良朋如渴如飢願言不獲
愴矣其悲

息徒蘭圃秣馬華山流磻平臯垂綸長川目送歸鴻手揮

五絃俯仰自得游心太玄嘉彼釣叟得魚忘筌鄙人逝矣
誰與盡言

閒夜蕭清朗月照軒微風動袿組帳高褰旨酒盈樽莫與
交歡鳴琴在御誰與鼓彈仰慕同趣其馨若蘭佳人不存
能不永歎

乘風高遊遠登靈邱託好松喬携手俱遊朝發太華夕宿
神州彈琴詠詩聊以忘憂

琴詩自樂遠遊可珍含道獨徃弃智遺身寂乎無累何求
於人長寄靈岳怡志養神

流俗難悟逐物不還至人遠鑒歸之自然萬物爲一四海

同宅與彼共之予何所惜生若浮寄暫見忽終世故紛紜
弃之八成澤雉雖飢不願園林安能服御勞形苦心身貴
名賤榮辱何在貴得肆志縱心無悔

雙鸞匿景曜戢翼太山崖抗首漱朝露晞陽振羽儀長鳴
戲雲中時下息蘭池自謂絕塵埃終始永不虧何意世多
艱虞人來我疑雲網塞四區高羅正參差奮迅勢不便六
翮無所施隱姿就長纓卒爲時所羈單雄翻孤逝哀吟傷
生離徘徊戀儔侶慷慨高山陂烏盡良弓藏謀極身心危
吉凶雖在己世路多嶮巇安得反初服抱玉寶六竒逍遙
遊太清携手長相隨

酒會詩七首

嵇康

淡淡流水淪胥而逝汎汎柏舟載浮載滯微嘯清風鼓楫
容齋放櫂投竿優游卒歲

婉彼鴛鴦戢翼而遊俯喙綠藻託身洪流朝翔素瀨夕棲
靈洲搖蕩清波與之沈浮

流詠蘭池和聲激朗操縵清商遊心大象傾昧修身惠音
遺響鍾期不存我志誰賞

斂絃散思遊釣九淵重流千仞或餌者懸猗與莊老棲遲
永年實惟龍化蕩志浩然

蕭蕭苓風分生江湄郤昔華林俯泝丹坻含陽吐英履霜

不衰嗟我殊觀百卉具腓心之憂矣孰識立機

一作機

猗猗蘭蕙殖彼中原綠葉幽茂麗葢濃繁馥馥惠芳順風
而宜將御椒房吐薰龍軒瞻彼秋草悵矣惟騫

樂哉苑中遊周覽無窮已百卉吐芳華崇基邈高踈林木
紛交錯立池戲魴鯉輕丸斃翔禽織綸出鱸鮓坐中發美
讚異氣同音軌臨川獻清酤微歌發皓齒素琴揮雅操清
聲隨風起斯會豈不樂恨無東野子酒中念幽人守故彌
終始但當體七絃寄心在知已

答二郭三首

嵇康

天下悠悠者下京趨上京二郭懷不羣超然來北征樂道

託萊廬雅志無所營
良時邁其願遂結歡
愛情君子義是親
恩好篤平生寡志
自生災屢使眾釁
成豫子匿梁側聶
政變其形顧此懷
怛惕慮在苟自寧
今當寄他域嚴駕
不得停本圖終宴
婉今更不克并二
子贈嘉詩馥如幽
蘭馨

戀士思所親不知氣憤盈

子一作讓

昔蒙父兄祚少得離負荷
因疏遂成懶寢跡北山阿
但願養性命終已靡有他
良辰不我期當年值紛華
坎壈趣世務常恐嬰網羅
羲農邈已遠拊膺獨咨嗟
胡戒貴尚容漁父好揚波
雖逸亦已難非余心所嘉
豈若翔區外餐瓊漱朝霞
遺物弃鄙累逍遙遊太和
結友集靈岳彈琴登清歌

有能從此者古人豈足多

詳觀凌世務屯險多憂慮施報更相市大道匿不舒夷路
值枳棘安步將焉如權智相傾奪名位不可居鸞鳳避罽
羅遠託崑崙墟莊周悼靈龜越穆嗟王與至人存諸已隱
璞樂立虛功名何足殉乃欲列簡書所好亮若茲楊氏歎
交衢去去從所志致謝道不俱

穆一作稷

與阮德如

嵇康

含哀還舊廬感切傷心肝良時邁數子談慰臭如蘭疇昔
恨不早既面伴舊歡不悟卒永離念隔增憂歎事故無一
有別易會良難郢人忽已逝匠石寢不言澤雉窮野草靈

龜樂泥蟠榮名穢人身高位多災患未若捐外累肆志養
浩然顏氏希有虞隰子慕黃軒涓彭獨何人唯志在所安
漸漬殉近欲一往不可攀生生在豫積勿以怵自寬南土
早不涼衿計宜早完君其愛德素行路慎風寒自力致所
懷臨文情辛酸累拾遺
作慮

遊仙詩

嵇康

遙望山上松隆谷鬱青蔥自遇一何高獨立迺無雙願想
遊其下蹊路絕不通王喬弃我去棄雲駕六龍飄颻戲玄
圃黃老路相逢授我自然道曠若發童蒙採藥鍾山隅服
食改姿容蟬蛻弃穢累結友家板桐臨觴奏九韶雅歌何

邕邕長與俗人別誰能覩其蹤

述志詩二首

嵇康

潛龍育神軀濯鱗戲蘭池延頸慕大庭寢足俟皇義慶雲
未垂景盤桓朝陽陂悠悠非吾匹疇肯應俗宜殊類難徧
周鄙議紛流離轆軻丁悔吝雅志不得施耕耨感甯越馬
席激張儀逝將離羣侶杖策追洪崖焦鵬振六翮羅者安
所羈浮遊太清中更求新相知比翼翔雲漢飲露餐瓊枝
多念世間人夙駕咸驅馳冲靜得自然榮華安足爲

斥鷃擅蒿林仰笑神鳳飛坎井螭蛭宅神龜安所歸恨自
用身拙任意多永思遠實與世殊義譽非所希往事旣已

謬來者猶可追何爲人事間自令心不夷慷慨思古人夢
想見容輝願與知己遇舒憤啟其微巖穴多隱逸輕舉求

吾師晨登箕山巔日夕不知飢立居養營魄千載長自綏

飛一作姿箕
拾遺作西

幽憤詩

晉書云東平呂安服康高致康友而善之後

康康謹言行一且縲紲乃作幽憤詩按鍾會有憾
於康時呂安兄與姦通安妻與爲大將軍長史遂
搆誣將害安鍾會爲大將軍所善因勸大將軍誅
康康又有與呂長悵絕交書甚詳其間曰阿都開
悟每喜足下有此弟足下許吾不擊都子父六
人爲誓吾乃感足下重言慰解都遂釋然何意
足下包藏禍心密表擊都今都獲罪吾爲負之吾
之負都繇足下之負吾也蓋康嘗爲安致解於其
兄兄給其和密致其罪康悔固爲是書與其兄絕
交遂牽連入獄幽憤之詩正志其事所以有內負

宿心外慝良朋之語魏氏春秋謂呂異誣其弟安不孝安引康爲證康義不負心保明其事向子期思舊賦序云余少與嵇康呂安居止接近其人並有不羈之才然嵇意遠而疏呂心曠而放其終各

以事
見法

嗟余薄祜少遭不造哀榮靡識越在緹縈母兄鞠育有慈無威恃愛肆姐不訓不師爰及冠帶憑寵自放抗心希古任其所尚託好老莊賤物貴身志在守樸養素全真曰余不敏好善聞人子玉之敗屢增惟塵大人含弘藏垢懷耻民之多僻政不繇己惟此褊心顯明臧否感悟思愆怛若創痛欲寡其過謗議沸騰性不傷物頻致怨憎昔慙柳惠今愧孫登內負宿心外慝良朋仰慕嚴鄭樂道聞居與世

無營神氣晏如名予不淑嬰累多虞匪降自天實繇頑疏
理弊患結卒致囹圄對咎鄙訛繫此幽阻實耻訟寃時不
我與雖曰義直神辱志沮澡身滄浪豈云能補噫噫鳴鴈
奮翼北遊順時而動得意忘憂嗟我憤歎會莫能傳事與
願違遲茲淹留窮達有命亦又何求古人有言善莫近名
奉時恭默咎悔不生萬石周慎安親保榮世務紛紜祇攬
予情安樂必誠乃終利貞煌煌靈芝一年三秀予獨何爲
有志不就懲難思復心焉內疚庶曷將來無馨無臭采微
山阿散髮巖岫永嘯長吟願性養壽

寬善
作免

五君詠嵇中散

顏延之

中散不偶世本自餐霞人形解駭默僊吐論知凝神立俗
迂流議尋山冷隱淪鸞翻有時鍛龍性誰能馴

桓子新論
聖人借形

解仙
去

泣杖祠詩

張 挺

蹇予承乏初脂車義門里披圖詢往事傾聞韓孝子斯人
不可作餘輝昭信史捧杖傷母癯迸淚若流水問君何許
人云是真源士沒也祭於社廟貌存遺址闕歷綿歲年淒
涼沒桑梓伏臘曾幾時尋復就傾圯壞棟棲鼠雀頽墉走
鹿豕登堂動予懷卜日爲經始堂廡復嵯峨繚垣更逶迤
士女羅庭階壺漿來遠邇廢興適無端表章如有俟從此

鹿里人冥冥闡懿矩

嵇中散

黃岡杜濬

嵇康人中龍義不可當世視彼盜國臣伎倆如兒戲吐辭
薄湯武千載有生氣臨命索琴彈聊示不屑意

義僕行并序

方修齡

韓斌爲福建守備時耿藩叛逼降之斌不從逆因假諜者
言韓氏家且族斌不疑乃爲逆効命浙督李公患之執斌
子晉爲質令以計歸其父蒼頭苑亮慨然納書於履行抵閩
爲邏者所獲抵斌壁遺履而去斌收履得書知家無恙乘
夜策馬北走及追至我兵嚴陣待戰追者返而亮已就烹

矣義哉此僕歌以表之

荊州家世本清高學書學劍學龍韜馬稍清淡推第一功
名指顧擁旌旄一從丹詔金門下駐節三溪撼海濤廝養
苑亮八尺軀才武雄奇薛與毛俛首給役惟薪水碌碌尋
常甘下曹杜鵑夜啼天津渡海上風烟白日暮羽檄踏碎
鼓鼙聲骨肉兩地莫相顧將軍誓死不從逆那知逆計多
貽誤傳來故國已無家血淚洒向白雲路少卿齟齬受降
城滿腔幽憤憑誰訴金鼓聲壓錢塘江白髮紅顏日傍徨
將軍有子方總角執令還父免殺傷可憐南北死生隔轅
門號令嚴如霜賴有崑崙饒膽智慷慨致身至人事奮臂

龍潭寄手書書藏破履珍緘秘揮手登車馬如龍擊筑高
歌起悲風紅日光催白虹死就縛遺履真英雄將軍得書
淚如雨國恩浩蕩足千古爲項爲劉勝負分肝腦肯爲重
瞳努夜深龍馬渡嚴關北風颼颼愴愁顏回首遙望追兵
急我帥接救歸家山父子相逢如夢寐壯士一去不復還
含笑解衣入鼎鑊流膏滿地土花斑將軍歸來棲金谷銀
燭高燒錦圍簇風雨淒淒天柱峯隱隱如聞冤鬼哭我勸
爾鬼不須悲大義炳如日月垂男兒不作身後名年如老
彭亦奚爲

題王氏三世節孝詩集

謝溶生

兩間節烈本同塗男則從君女從夫夫亡守義以從子其
間味苦如茹荼况復三世勵霜冰壺範芳徽相繼承婉婉
柔則昭彤管皎皎矢志同淒淒悲夫黃鵠三早寡青箱一
綫傳風雅和熊畫荻維有年服官猶見封遺鮮一麾出守
分虎符道遠艱難奉板輿我朝孝治許乞改濱州五馬廻
干旃人臣忠順皆有本孝思不匱其來遠德門淑行集羣
言穆如清風過蘭畹我爲賢母濡霜毫歌以永言筆不輟
誰云弱草棲輕塵直是孤松挺竒節

前題

彭啟豐

傳家江左舊烏衣
僚標秋風冷素帷
荻管寒灰供畫字
書

窗燈火照鳴機神淵已見丹虬躍華屋仍看紫燕飛棹檣
高懸逢聖壽九重璇榜荷恩輝

前題

蔣日倫

彤管誰頻記名高遇亦窮偏憐三世節獨著一門中冰雪
存家範風霜屬化工玉成知有意未許怨蒼穹

修德應餘慶茹荼已迨今撫孤原大節食報定初心刺史
聲名美皇仁錫類深庭闈多盛事白髮對華簪

前題

孫士毅

名家龍虎江東最衍澤還從母德論案上絃傳湘女怨機
邊燈映荻書痕况聞苦節綿三世每見恩褒下九閭如此

清徽照彤史千秋風義在高門

前題

沈德潛

南極瑤光燦堂開錦帔懸九熊勤丙夜挽鹿憶丁年勁節
輝彤管冰心映綺筵忻看庭玉樹應頌孟陶賢

漢胄儲坤範昭昭行可坊楓宸頒鳳詔萊綵著龍驤觴進
蓬壺酒人歌介壽章延綿徵鶴算奕世煥榮光

前題

謝壩

風吹松柏影參差譙國城南棹楔垂欲識陶嬰黃鵠怨一
家夜杼照冰池

霜寒月冷汗書青三代慈雲貫日星漫道冰肝常自苦黃

封疊疊下彤廷

前題

葉佩蓀

烏衣舊德至今存
巾幗還教大義敦
辛苦百年三節婦
零丁四世一曾孫
紹衣重煥青箱學
食報新承紫誥恩
他日彤輝光史冊
知從晚歲表霜根

下城父聚弔陳隱王

湯肇曾

山鬼忽言祖龍死
叢祠篝火狐鳴起
千古帝王創局開
言功寔自隱王始
反者九族皆誅夷
何物備耕乃敢爾
事雖未成亦足豪
居然匹夫作天子
陋儒不知創世難
齷齪議腐遷史云
王不合列世家
此語流傳寔可訾
當時若無

王威靈沛公安敢問秦璽小民祇合剝脂膏付與阿房三
百里偶語峻法宜忍受血流年年赤渭水堅城大池若金
湯國人空嘆彼哉彼惟王鵠舉大澤鄉揭竿數百義旗指
彼昏不知時局危猶云鼠竊狗偷耳蘄東豪傑歸葛嬰魏
北版圖隸周市武臣韓廣分道出燕趙望風盡披靡項王
奮跡楚業建子嬰係頸秦宮燬輟耕太息一聲中三十六
年秦亡矣頭會箕歛苛政息約法三章得治理再造河山
光日月廢除敲扑棄鞭箠大業雖云定蕭曹要非王功不
至此黃巢肆虐唐覆基自成煽亂明斬祀神怒人怨盜者
流張楚義師豈其比成敗何足論英雄司馬直筆振風軌

湘陽居士言卷三
三
影頤祠宇何沈沈不讓漢家宗廟美

過真源懷張中丞

王佩箴

真源高踞渦之澣憶昔漁陽動鞞鼓長城萬里張中丞保
障東南心獨苦蓬萊宮闕日已斜萬幾何事問官家漢關
將無霍去病陳宮禍起張麗華侯景渡江緣朱異摩挲空
下銅駝淚碧海繹騷翠華行頃刻干戈驚滿地中丞作東
能伏虎撲殺南金如腐鼠繭絲豈盡安于才儒雅羞與樊
噲伍勤王轉戰提孤軍長驅叱叱生風雲指揮立盼天山
定旄頭一箭落紛紛淮海上游真奧區睢陽城守仗公輸
趙衰能讓中軍將鮑叔願下管夷吾凜烈老罷卧當道痛

哭玄元皇帝廟弓劍誓掃胡馬塵璽書遑問丹鳳詔撼山
容易撼軍難一杯那信棋已殘道濟量沙兵氣壯中行斷
脰賊膽寒更有慷慨陸家姑娘子軍中一丈夫挾纊三軍
皆感泣十指換得萬頭顱脫使中朝假斧柯隻手擎還舊
山河那愁老杜無家別省卻香山長恨歌無如滄海竟橫
流已死人心亂未休匹磾終忌劉越石梁彤忍逼周孝侯
專閫號王才如斗剋印重瞳不釋手更輦教倉資叛人從
此殘疆不能守邊月陣雲忽然變武庫甲稀紙鳶斷嗚咽
秦庭南八兒殷紅血染浮圖箭無多雀鼠供羅掘紅粉黃
泉埋碧血瘡痛難起李陵呼毳幕空餘蘇武節西嚮拜稱

臣無狀猿鶴蟲沙慘變像張蒼齒牙荆軻冠不碍畫到凌
烟上欖槍迹埽馳道平百官齊唱朝天行能將鹽鐵交劉
晏乾時雖敗有榮名韓翃生晚同鄉縣祗徊故壘循淮甸
沫口苦讀昌黎文載筆忍紀蕩陰戰廟貌巍義嶽降神杜
鵲啼血草鋪茵當年李郭中興將定與中丞拜路塵

渦陽風土記卷十七

後敘

遷固述作之有敘傳尚已佩箴生晚鄙在宛鄂見聞樸儻
然家學與師友之淵源可溯也甫束髮受書於先大父瑞
符公暨先父璽卿公日誦數百言成童負笈從謝漢三廷
杰喬蒲侯廷璧兩先生游略識經義帖括聲律駢儷之學
年十九受知於臨榆李子錚鐵林先生先生以詞林改官
河南縣令清奇鯁介望而知爲君子人也嗣是與南召康
六一殿甲比屋授徒時以所業就正先生德養粹然終日
危坐無惰容無游語嘗曰學貴心得口耳記誦不足以言

智識風俗習慣不足以言教化嘗舉伊川涵養須用敬進學則在致知以相訓勉余心竊識之年二十八遊大梁交張麟閣書勛張文名噪一時而深藏若虛大梁爲信陵君故邸客於斯者率皆逐聲利工竿牘風趨澆漓余與麟閣嘗引以爲戒清光緒乙未提學曹縣徐幼稚先生臨宛試竣謂諸校官曰吾今於宛屬得三王焉三王謂余與內鄉王慧閔鎮平王金相也丁酉舉萃科以內艱未與廷試庚子復遊大梁以兩宮西幸停闈歸里旋遭璽卿公之喪國憂家難萃於藐躬遂從茲不復與科舉矣光緒三十一年南陽創辦中學同年生張忠甫嘉謀膺郡守寶子常聘充

監督余爲助教著中校地理講義十二卷三十四年兼辦
諮議局選舉事務是年六月選充諮議局議員首提議整
頓省垣學務語涉學務公所議長李君時燦李轉與余納
交而禮下焉時州縣陋規病民猾吏衙蠹窟穴其間不可
爬梳亟偕同人分別提案釐剔而革除之遇彈劾重案議
長杜友梅必付余審查次年春豫算案成立余充教育股
主任擬分優級師範經費推廣各道初級師校忠甫議不
合余與往復辯論不少假借羅山黎議員國華曰二公可
謂和而不同矣是年秋自芳以葉縣學務與陶知事炯照
相持赴局請願主余余委曲爲之道地是爲余與自芳納

交之始次年如京加入全國諮議局聯合會此一役也實國會先河八月武昌起義清親貴昌言排漢項城城府阻深西軍東漸函關失守汴中一夕數驚余受諮議局全體委託偕李君載賡赴滬寧相機聯絡以馮軍駐襄漢乘汽車北上至石家莊作詩弔吳統制祿貞左旋至天津登大沽砲台口占長歌志幽憤夏歷十月二十二日抵上海二十六日假江蘇教育總會開豫晉秦隴四省協會公推于君右任爲主席李君失道後至余代報河南官紳情形及對待西軍宗旨會長動容付評議既散會四省同志率登報約過從蓋至是而黃浦江上隱躍有名字矣旋於二十

九日赴金陵謀不遂仍返滬瀆當是時輿情蔽塞識者明知中國大局將搏掬於強有力者之手而莫知紀極乃偉人政客猶虛辭恫喝或轉以勞苦功高相慰勞故余滬上書懷詩有澤畔行復行霜花兩鬢簇之句迨清室遜位夏曆壬子元旦買舟赴津應北七省聯合會之約道出青島感亂憶家急電告存實正月三日也五日抵津九日與譙南京專使蔡元培魏宸組汪精衛諸人於安嶽會館觴間同直隸籍君忠寅詳論總統蒞寧種種不便未幾遂有十四日津兵譁變一事旋遇忠甫知南陽陷落北洋第六師跨濟水而陣兵火不戢將俱赫忠甫即日回汴求當道挽

救余亦連謁陸軍段總長內閣趙總理幸皆獲允和平解
決尋由京旋宛殘破之餘公私掃地而軍用鈔票阻碍金
融民困達於極點官紳議請上峰撥款維持僉丐余一行
五月復抵汴謁某督爲述宛民請命之意拒不納懊喪歸
去二年復由信陽赴京奔走於進步統一兩黨絕續之交
非所好也痛念數年國是飄搖靡定每變必厲每况愈下
茫茫前途稅駕何所時時爲韻語以抒不平一日與忠甫
語及南陽縣志忠甫悔舊作謂天假之年必改修無疑夫
以忠甫任事之才之勇決雖陳龍川優爲之忽變而爲鄧
湘皋

時徵輯河南文獻續
修南陽府人物志

誰爲爲之而至於此計旅京三

年忠甫自芳昕夕過從間與二三同志爲汗漫之遊酒酣
耳熱輒抵掌縱談瞪目大噓洎茗寒燭燼迺散時有謂余
肯以新詩爲某公壽者舊嫌且立釋胡鬱鬱久居此爲余
愕然聞某公銜恨齷齪狀笑曰古人言孫劉不過使我不
爲三公耳若夫詩爲心聲聲與心違而詩道恐不可問矣
七年戊午秋自芳自澗寓書稱縣人謀修邑乘請任編纂
自維衰朽渙顏著作惟念虞卿以窮愁著書余才固非虞
比第以窮愁論則三十年蹭蹬困阨有過之無不及也皖
北夙未經遊今以志事得與此邦人士朝夕相切礪未始
非桑榆幸事孔子曰我欲載之空言不如見之於行事之

深切著明也竊不自揆數十年所感憤而鬱積者或可於是行因而發之且天下事有言在一時而其效見於數百年之後者魏司馬朗議復井田而拓拔氏口分世業之制實始於此齊文襄王議鑄五銖錢而隋唐幣制自此而準卽夏時定太初之曆井地垂王者之法孔孟之言豈專爲顏淵滕君發哉鄙人無似萬萬不足語此抑聞宋人有善爲不龜手之藥者世世以泝泝統爲事客得之以說吳而破越遂受裂地之封泝泝統固賤役第持此不龜手之方醫技淮陽以希冀一當倘亦事之可爲者乎於是八年正月馳赴渦陽自芳適修路濬畎澮區畫渦人田里樹畜

喜余至出其所得訪稿人物半生存例不入又聞紳耆袁
行南雅意修志捐書多種辛亥燼於兵燹於是鳩貲購廿
四史九通等書備參考招集訪員訂志例函請忠甫釐定
綱要大旨樞王湘綺桂陽州志吳肇甫深州風土記並據
會稽章典籍所著各義法復分請李東峰毓岱次列女東
峰時司渦獄亦丁酉同年縣人王君行五表忠烈馬君敦
仁能言韓斌馬西川故事時有老兵張克行口述張樂行
張宗禹擾攘起滅情狀甚悉計余與自芳年餘擬之而後
言議之而後動者盡侔形揣色逆露於墨楮文字間矣庚
申八月將脫稿會忠甫以赴滬絲澗悉出是正益我良多

忠甫留渦凡六十日嘗偕同人泛渦肥陟龍塔訪碑臨渙
淪茗石弓荒塚廢寺卧地斷碣亦剔蘚循讀備採訪所不
及因垂邪而辨雉水循聲韻而悟勇山蓋皆當時事也惜
未付梓而自芳移治潁上余亦返汭應河南通志局之聘
既而忠甫自芳重與國會悵望雲樹天各一方歲月不居
舊學加邃蓋郵商數十次詢謀十餘人初始己未夏曆二
月迄甲子十有一月寒暑蓋六易而後殺青始蕝厥事嘻
其難哉其敘曰

伊昔虞廷踵羲畫而作繪維品物之咸亨爰益地以膺圖
攢川嶽之真形徑取鳥道度準天星民生良歲土泉肥馨

隘塞險易朗如列屏恫職方之典缺幸三輔之炳靈故古
人以五彩章施於五色按索之亦可以在治忽者實有資
乎圖經述輿圖弟一

森森澗肥上應溫帶龍山清游舊稱瀚澥漢使行河禹謨
濬澮三農既登百工斯賴文翁蜀闢朝歌虞快因時施治
民其有多庶幾來葉符此鍼芥述疆域弟二

禹平水土主名山川治地形者圭臬在焉河渠溝洫實存
名遷心乎宣洩浚洞自捐江河之大寶始涓涓幹立支附
法宗鄺元舉此一隅以待要刪述山川弟三

鳳翔麟遊物重所寄逝者如斯嶽瀆不易堯還名墟邱尚

號帝吉金暈殷樂石凝碧警欬如聞恍侍鈞弋水曲山坳
磬折旋避述古蹟弟四

先王創制建邦設都城郭公廨出治之區祀告肥腴梁成
康衢化民成俗表里式間力崇明德宏此遠謨述建置弟

五

萬國玉帛享之鈞臺馬班綴譜雲漢昭回下逮當塗焜燿
長淮韓歆無傳小補之哉述藩封弟六

官斯土者豈曰無人華輅藍縷攘剔荆榛化莠爲良沛然
興仁書之方冊與古爲新述名宦弟七

八政衍疇天下文明通商惠工洙土其昌慳盡地力雨烹

宏羊大書平準以諭百王述食貨第八

學校之旨登崇俊良壽考作人邦家之光政教攸分機械
四張學風日敝學業日荒循流溯源力追混茫尼山一老
示我周行述學校第九

勅法前民大猷克程類族辨物象取離明我國憲政蘖芽
初萌喬遷韻遠求友和聲旁參時宜內準國情烝我髦士
宏我漢京述憲典第十

姬著六官魯秉周禮敵可以卻亂可以已禮之爲用防淫
節性品節以詳名分以正民氣旣肅國威斯勁趙孟語偷
莫敖趾高身無以庇魂其可招百爾君子勿棄芻蕘述禮

俗弟十一

龍山雉水鍾萃不羣老莊而後代有所聞汝南先賢建安
人文妖星激盪鬱起楚氛褒鄂英姿咤叱風雲別有淑媛
足式後昆述人物上中下卷第十二第十三第十四

清政不綱土曠民游魑魅罔兩窟穴荒陬弄兵潢池陸沈
神州民國肇造亦有蚩尤瑕垢滌盪玉石襍揉萇弘碧血
子章髑髏毖後懲前雖休勿休述兵事第十五

自古在昔先民有作藝文所祖班志劉畧文選別裁本異
邱壑缺然不備鑄藝林錯小山嗣音啟茲秘鑰述藝文第
十六

春蠶吐絲乙其抽矣僞笑佯哀吾其優矣史漢專家泱泱
大風涓彼行潦何以朝宗南有樛木尚或薪之嘉禾被野
尚或耘之自委榛莽疇其珍之述後敘弟十七

